

ფინანსური დამოუკიდებლობის გარეშე ნებისმიერი ავტონომია ფიქციაა

რექტორის მოვალეობის შემსრულებელი სტუდენტებთან შეხვედრაზე



— ამერიიდან საუნივერსიტეტო ცხოვრებაში სტუდენტები უფრო აქტიურად ჩაერთვებიან და მათ ხმას — პრეტენზია იქნება ეს თუ ინიციატივა, ჩვენ აუცილებლად გავიგონებთ — ამ მიზნით თსუ-ის რექტორის მოვალეობის შემსრულებელმა ფაკულტეტების სტუდენტებთან ეტაპობრივი შეხვედრები დაიწყო და მის წინაშე ღიად დასმული პრობლემების აღწერა დაიწყო.

შეხვედრა ჰუმანიტარულ მეცნიერებათა ფაკულტეტზე შედგა. რექტორის მოვალეობის შემსრულებელმა ალექსანდრე კვიციანიამ ახალგაზრდებს ის სამი ძირითადი პრობლემა გააცნო, რომელიც უნივერსიტეტში უახლოესი თვეების განმავლობაში უნდა მოგვარდეს.

პირველი შეხვედრა ჰუმანიტარულ მეცნიერებათა ფაკულტეტზე შედგა. რექტორის მოვალეობის შემსრულებელმა ალექსანდრე კვიციანიამ ახალგაზრდებს ის სამი ძირითადი პრობლემა გააცნო, რომელიც უნივერსიტეტში უახლოესი თვეების განმავლობაში უნდა მოგვარდეს.

„საჭიროა, რომ სტუდენტები აქტიურად მონაწილეობდნენ საუნივერსიტეტო ცხოვრების გაუმჯობესების პროცესში. თსუ უნდა იყოს ის ადგილი, სადაც სტუდენტები ყველაზე კომფორტულად იგრძნობენ თავს. თბილისის სახელმწიფო უნივერსიტეტში არსებობს უამრავი პრობლემა, მაგრამ ყველა ერთდროულად ვერ მოგვარდება — ზოგს, შედარებით, მეტი დრო და ძალისხმევა სჭირდება. პირველი, რაც უნდა გავაკეთოთ, ეს უნივერსიტეტის ტექნი-

კური მოდერნიზებაა. სტატისტიკის მიხედვით, ჩვენი სტუდენტების მხოლოდ 10% იყენებს თსუ-ის ელ-ფოსტას. არადა აუცილებელია, რომ ყველა მათგანი ჩართული იყოს შიდა საუნივერსიტეტო საინფორმაციო ქსელში. თსუ-ის ვებ-ვერდი უნდა გახდეს უფრო ინტერაქტიული და თანამედროვე, რათა სტუდენტებმა შეძლონ მათთვის საჭირო ინფორმაციის დროულად მოპოვება. აუცილებელია, რომ ადმინისტრაციამ თავის დროზე გაუწიოს მომსახურება ყველა სტუდენტს, რათა ბიუროკრატიული ბარიერები დაეძლიოს. ბევრ ინფორმაციას ვიღებთ ქვეყნგან ფეისბუქის, იმეილის თუ სხვადასხვა ფორუმების მეშვეობით... სტუდენტები გამოთქვამენ პრეტენზიებს საჭირო საბუთების ასაღებად გაძნელებული პროცედურის გამო. ამის გამოსწორება შესაძლებელია, მხოლოდ და მხოლოდ, ახალი ტექნოლოგიების გამოყენებით.

მე-3 გვერდზე

„ყველაზე ჭკვიანმა“ თსუ აირჩია

მე-4 გვერდზე

როდის ჩაანაცვლებს WWW-ს სისტემას მომავლის ინტერნეტი

მე-6 გვერდზე

რამდენად აკმაყოფილებს მოთხოვნებს სამეცნიერო ხარისხების დაცვის დონა

მე-8 გვერდზე

ყველა უნდა იცნავდეს თუ არა საქართველოს ისტორია?

მე-9 გვერდზე

„საბავშვო უნივერსიტეტი“ მხოლოდ განსაკუთრებული ნიჭის მქონეთ როდი ეკატიშება

მე-13 გვერდზე

ვინ უერთდება „ივერიელთა ერთობის ტრაქტატს“

მე-13 გვერდზე

მიხეილ ქურდიანის მიერ სიყვარულით „დინამური“ სამყარო

მე-15 გვერდზე

აკაკის კვირეული თსუ-ში

2010 წელი ქართველი ხალხის უსაყვარლესი მგოსნის — აკაკის საიუბილეო წლად გამოცხადდა. აკაკი წერეთლის დაბადებიდან 170 წლისთავისადმი მიძღვნილი კვირეულის ფარგლებში ღონისძიებათა გამართვას საქართველოს განათლებისა და მეცნიერების სამინისტრო კურირებს. მუდამ ხალხის ენაზე მოლაპარაკე პოეტის შემოქმედებისადმი მიძღვნილი კვირეულის აღნიშვნას, საქართველოს სამტაბით, საგანმანათლებლო დაწესებულებები გეგმავენ. აკაკიზე პირველი სიტყვა პირველ ქართულ უნივერსიტეტში ითქვა. ქართული სალიტერატურო ენის განვითარებისა და ხალხში მისი დამკვიდრებისთვის ბრძოლის ერთ-ერთი მოთავეს — აკაკის ღვაწლის წარმოსაჩენად სიტყვა შეიძლება უძღუროც კი იყოს, მაგრამ ყველა თავის ვალს მოიხდის, ალბათ, საყვარელი მგოსნის, ხალხის სამსახურს შენიღბული საზოგადო მოღვაწის წინაშე.

პურთისა გაროშვილი

25 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტში აკაკი წერეთლის 170 წლისთავისადმი მიძღვნილი კვირეული პლენარული სხდომით დაიწყო და მთელი დღის მანძილზე გაგრძელდა. ღონისძიებას საქართველოს განათლებისა და მეცნიერების მინისტრი დიმიტრი შაშკინი, თბილისის სახელმწიფო უნივერსიტეტის რექტორის მოვალეობის შემსრულებელი ალექსანდრე კვიციანი, პროფესორ-მასწავლებლები, სტუ-

დენტები და მონაწილე სტუმრები ესწრებოდნენ.

დამსწრე საზოგადოებას კვირეულის გახსნა დიმიტრი შაშკინმა მიულოცა და ღონისძიების მნიშვნელობაზე ისაუბრა.

„აკაკის კვირეული მთელი საქართველოს მასშტაბით გაიმართება. ჩვენი მიზანია კიდევ ერთხელ მოხდეს იმ შემკვიდრების პოპულარიზაცია, რაც აკაკი წერეთელმა დაგვიტოვა. მისი შემოქმედების მთავარი თემა ხომ ადამიანის თავისუფლებაა, რაც ესოდენ მნიშვნელოვანია ჩვენი ქვეყნისთვის —

განათლების სამინისტრო ყველაფერს გააკეთებს ამ ფასეულობების დაცვის თვალსაზრისით“, — განაცხადა დიმიტრი შაშკინმა. მისი ინფორმაციით, კვირეულის ფარგლებში უმაღლეს სასწავლებლებში სხვადასხვა სახის ღონისძიებები გაიმართება. საჯარო სკოლებში

უკვე გამოცხადდა თხზულებების კონკურსი თემაზე: „სჯობს მონობაში გადადგაცეხულს, თავისუფლების ძებნაში მკვდარი“, რომელშიც მონაწილეობას VIII-XII კლასის მოსწავლეები მიიღებენ.

მე-8 გვერდზე



ტსუ-ში წარმომადგენლობითი საბჭოს არჩევნები გაიმართა

ნატო მოვლამა

ივანე ჯავახიშვილის სახელობის თბილისის სახელმწიფო უნივერსიტეტმა ახალი წარმომადგენლობითი საბჭო აირჩია. კენჭისყრა 26 ოქტომბერს 6 საარჩევნო უბანში მიმდინარეობდა. ტსუ-ის საარჩევნო კომისიის გადაწყვეტილებით, საუბნო საარჩევნო კომისიები იმ პირობით დაკომპლექტდა, რომლებსაც მუშაობისთვის საჭირო გამოცდილება ჰქონდათ. ხმის მიცემის პროცედურას კანდიდატების მიერ წარდგენილი დამკვირვებლები აკონტროლებდნენ. არჩევნებმა დარღვევების გარეშე ჩაიარა და საარჩევნო კომისიაში არც ერთი საჩივარი არ შესულა.

„ზუსტ და საბუნებისმეტყველო მეცნიერებათა ფაკულტეტზე ორ კანდიდატს — დავით კერესელიძეს და შოთა სამსონიას ერთნაირი რაოდენობის ხმები ჰქონდათ, თუმცა ბატონმა შოთა სამსონიამ საკუთარი კანდიდატურა მოხსნა და, შესაბამისად, განმეორებითი არჩევნების ჩატარება საჭირო აღარ გახდა. სენატის ახლადარჩეული 39 წევრიდან 14 სტუდენტია. მოგვიანებით ტსუ-ის აკადემიური საბჭო ბიბლიოთეკის დირექტორს აირჩევს და წარმომადგენლობითი საბჭო სრულად დაკომპლექტება. სენატის 40-ივე წევრს ერთნაირი უფლებები აქვთ“, — გვითხრა ტსუ-ის საარჩევნო კომისიის თავმჯდომარემ მიხეილ დევედარიანმა.

ტსუ-ის წარმომადგენლობითი საბჭოს არჩევნებში სულ 43 კანდიდატი მონაწილეობდა. ეკონომიკისა და ბიზნესის ფაკულტეტზე ხმათა უმრავლესობა მოიპოვეს პროფესორებმა: ინეზა გაგნიძემ, ნუგზარ თოდუამ, ელგუჯა მექვაბიშვილმა, სტუდენტებიდან: გიორგი კარტოზიამ, გიორგი მესხორაძემ და გიორგი ჩაბაკაურმა; მედიცინის ფაკულტეტიდან პროფესორებმა: გიორგი გალდავამ, ვლადიმერ მარგველიშვილმა, ზურაბ ფალავამ, სტუდენტებიდან მხოლოდ ნინო ცინცაძემ; სოციალურ და პოლიტიკურ მეცნიერებათა ფაკულტეტიდან პროფესორებმა: შორენა თურქიაშვილმა, მალხაზ მაცაბერიძემ, მანანა შამილიშვილმა, მარი წერეთელმა. სტუდენტებიდან: კონსტანტინე ნახუცრიშვილმა და ლევან ჩოხელმა; ჰუმანიტარულ მეცნიერებათა ფაკულტეტიდან პროფესორებმა: ცირა ბარამიძემ, მიხეილ ბახტაძემ, ირაკლი ბრაჭულმა, ნანი გელოვანმა, ვახტანგ ლიჩელმა, კახაბერ ლორიამ და თამაზ პაიჭაძემ. სტუდენტებიდან: ბექა ახლოურმა, ვახტანგ ზივზივაძემ და უჩა ჯღამაძემ; ზუსტ და საბუნებისმეტყველო მეცნიერებათა ფაკულტეტიდან პროფესორებმა: არნოლდ გეგეჭკორმა, მერაბ ელიაშვილმა, ბეჟან თუთბერიძემ, როლანდ ომანაძემ, შოთა სამსონიამ და მანანა ხაჩიძემ, სტუდენტებიდან: ვასილ გუბაძემ და გივი ქლიპაძემ; იურიდიული ფაკულტეტიდან პროფესორებმა: გიორგი კახიანმა და გიორგი კვერცხილაძემ, სტუდენტებიდან: ბექა ბენდელიანმა, თამაზ პაპაშვილმა და ივერი ჭელიძემ.

წარმომადგენლობითი საბჭოს პირველივე სხდომაზე საბჭოს არჩეული წევრები ოფიციალურად სცნობენ საკუთარ უფლებამოსილებას.

აკადემიურ საბჭოს ახალი წევრები ჰყავს



ნატო მოვლამა

ივანე ჯავახიშვილის სახელობის თბილისის სახელმწიფო უნივერსიტეტში ჰუმანიტარულ მეცნიერებათა ფაკულტეტსა და მედიცინის ფაკულტეტზე აკადემიური საბჭოს არჩევნების გაიმართა. ამ ფაკულტეტებზე არჩევნების ხელახლა ჩატარება ორი მიზეზის გამო გახდა აუცილებელი. მედიცინის ფაკულტეტზე საბჭოს წევრობის ერთადერთმა კანდიდატმა პაატა იმნაძემ 29 სექტემბერს დანიშნულ კენჭისყრამდე ცოტა ხნით ადრე საკუთარი კანდიდატურა მოხსნა. შესაბამისად, ამ ფაკულტეტზე არჩევნები ჩაშლილად გამოცხადდა. მოგვიანებით ჰუმანიტარულ მეცნიერებათა ფაკულტეტის პროფესორმა აკაკი ყულიჯანაშვილმა აკადემიური საბჭოს წევრობაზე უარი განაცხადა. ტსუ-ის აკადემიურ საბჭოს სრულად დასაკომპლექტებლად თბილისის სახელმწიფო უნივერსიტეტის საარჩევნო კომისიამ ხელახალი არჩევნები 20 ოქტომბერს დანიშნა. ხმის მიცემის პროცედურამ დარღვევების გარეშე, მშვიდ ვითარებაში ჩაიარა. არჩევნების შედეგად ჰუმანიტარულ მეცნიერებათა ფაკულტეტიდან აკადემიურ საბჭოს წევრი პროფესორი რამაზ ქურდაძე გახდა, მედიცინის ფაკულტეტიდან კი პროფესორი ლავრენტი მანაგაძე. აღსანიშნავია, რომ პროფესორმა რამაზ ქურდაძემ 29 სექტემბერს დანიშნულ აკადემიურ საბჭოს არჩევნებში მონაწილეობაზე უარი თქვა და საკუთარი კანდიდატურა მოხსნა. თუმცა საბჭოში კიდევ ერთი კვოტის გათავისუფლების შემდეგ, მან კოლეგების რჩევით გადაწყვეტილება შეცვალა, და შესაბამისად, 20 ოქტომბერს ტსუ-ის აკადემიური საბჭოს არჩევნებში კანდიდატურა ხელახლა წარადგინა.

თაშორისო კონტაქტები, აქტიურად მივიღოთ მონაწილეობა გაცვლით პროგრამებში. სტუდენტების ცოდნის გასაუმჯობესებლად აუცილებლად მიმართა პრობლემაზე დაფუძნებული სასწავლო სისტემის დანერგვა. სამწუხაროდ, ზოგჯერ ჩვენთან იკითხება ისეთი ლექციები, რომლებსაც ნაკლები პრაქტიკული ღირებულება აქვთ, პრობლემაზე დაფუძნებული სწავლება ამ ხარვეზის გამოსწორების აუცილებელი პირობაა“, — განაცხადა აკადემიური საბჭოს წევრმა რამაზ ქურდაძემ.

პროფესორი ლავრენტი მანაგაძე ტსუ-ში მოღვაწეობის პარალელურად პრაქტიკულ საქმიანობას საქართველოს უროლოგიის ნაციონალურ ცენტრში ეწევა. იგი უკვე 26 წელია ამ ცენტრის დირექტორია. სამედიცინო ფაკულტეტის სტუდენტების პროფესიონალ სპეციალისტებად ჩამოყალიბებისთვის მას აუცილებელ პირობად მიაჩნია პრაქტიკული სწავლების გაძლიერება, რაც მომავალი ექიმების ავადმყოფებთან პირად კონტაქტში გამოხატება. ლავრენტი მანაგაძე სამედიცინო განათლების გაძვირების პრობლემატიკაზეც საუბრობს. როგორც იგი აცხადებს, ეს მიზეზი არაერთ ნიჭიერ ახალგაზრდას სრულყოფილ სპეციალისტად ჩამოყალიბების გზას უჭრის.

„სტუდენტები ფაქტობრივად ავადმყოფებს ვერ ხედავენ. ლექტორები მათ მაგალითებზე, დიაგრამებზე, სიტყვიერ ინფორმაციაზე დაყრდნობით ასწავლიან. ამის გამო სასწავლო პროცესი სრულიად ახალი ტექნოლოგიები, რომლებიც საქართველოში გამოყენებული არ არის, თუმცა მათი დანერგვა აუცილებელია. მაგალითისთვის გეტყვი, საქართველოს უროლოგიის ცენტრს წელს 50 წელი შეუსრულდა. მსგავს იუბილეებს, ტრადიციულად სიტყვიერ გამოხატებითა და მოხსენებების ნაკითხვით აღნიშნავენ. ეს მოხსენებები ინტერნეტში უკვე დევს და გაცილებით უკეთესი ავტორების მიერ არის დანერგული, ამიტომ მივიღეთ გადაწყვეტილება, რომ ჩაგვეტარებინა ოპერაციების ჩვენება, ორი დღის განმავლობაში სასტუმრო „მერატონ მტეხი პალასში“ საინტერესო ქირურგიული ოპერაციები ონლაინ-რეჟიმში გადაიცივებოდა, იყო ორმხრივი კავშირი აუდიტორიასა და ქირურგს შორის, შემდეგ მიმდინარეობდა განხილვა. თავად ეს ღონისძიება საქართველოში პირველად გაიმართა, მაგრამ დასავლეთში ძალიან პოპულარულია. სტუდენტებისთვის მსგავსი სახის პრაქტიკული სწავლება ბევრად საინტერესო და ბევრის მიმცემი იქნება. ამის გაკეთება შესაძლებელია, თუმცა ყველაფერი დაკავშირებულია ფინანსურ პრობლემებთან. მსგავსი ღონისძიებების ორგანიზებით თავად უნივერსიტეტი უნდა იყოს დაინტერესებული. აქტუალური პრობლემა რეზიდენტურაში სწავლის გაგრძელება. საქართველოში რეზიდენტურაში სწავლას სახელმწიფო არ აფინანსებს, რაც იმას ნიშნავს, რომ თუ კი სტუდენტს ფინანსურად უჭირს იგი სასურველი განათლების მიღებას ვერ შეძლებს. ეს სახელმწიფოს დონეზე მოსაგვარებელი საკითხია. ვფიქრობ, ამ შემთხვევაში უნივერსიტეტს გაცილებით მეტი გავლენა აქვს, ვიდრე ერთ კონკრეტულ პიროვნებას, ამიტომ ამ პრობლემის მოგვარებისთვის აუცილებლად უნდა იზრუნოს“, — გვითხრა პროფესორმა ლავრენტი მანაგაძემ.

20 ოქტომბრის არჩევნების შედეგად ტსუ-ის აკადემიური საბჭო სრულად დაკომპლექტდა. საბჭოს წევრებს თბილისის სახელმწიფო უნივერსიტეტს განვითარების მხრივ ერთიანი ხედვა აქვთ — სწავლების თანამედროვე სტანდარტების დანერგვა და საერთაშორისო საუნივერსიტეტო სივრცეში საპატიო ადგილის დამკვიდრება, რისთვისაც აკადემიურ საბჭოში მუშაობა უკვე დაწყებულია.



ნატოს ელჩები სტუმრად ტსუ-ში

21 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტს ნატოს წევრი ქვეყნის ესტონეთის ელჩი ეწვია. საქართველოში ნატოს დღეების ფარგლებში იური ლუიკმა სტუდენტებთან შეხვედრა გამართა და მათ მიერ დასმულ შეკითხვებს უპასუხა. სტუდენტებს ჩრდილოატლანტიკურ ალიანსში საქართველოს განვითარების პროცესის დეტალები, ალიანსის შესაძლებლობები და დადებითი მხარეების შესახებ ინფორმაციის მოპოვება აინტერესებდათ.

„მოხარული ვარ, რომ დღეს შესაძლებლობა მეძლევა გამართო შეხვედრები მათთან, ვინც დაინტერესებულია ქვეყნის მომავლით და საქართველოს ნატოში გაწევრიანების პროცესით. მე შეხვედრები ინტელექტუალურ ლიდერებს და სამომავლო გეგმებს განვიხილავთ. ლისაბონის სამიტის წინ მსგავსი დისკუსიები და მეტი ინფორმაცის მიღების შესაძლებლობა ძალიან მნიშვნელოვანია, ამ ინფორმაციის გამოყენებას ყველა ჩვენგანი შეეცდება. სტუდენტები აქტიურად არიან ჩართული ამ პროცესში და მოხარული ვარ, რომ მათი ინტერესი შეძლებისდაგვარად დავაკმაყოფილო“, — აღნიშნა ელჩმა იური ლუიკმა.

შეხვედრას თბილისის სახელმწიფო უნივერსიტეტის რექტორის მოვალეობის შემსრულებელი ალექსანდრე კვიციანი და საქართველოს საგარეო საქმეთა მინისტრის მოადგილე ალექსანდრე ნალბანდოვი დაესწრნენ.

კვირეულის ღონისძიებები ნატოს შესახებ საინფორმაციო ცენტრისა და ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრის აპარატის ორგანიზებით იმართება. ნატოს კვირეული საქართველოში 23 ოქტომბრამდე გაგრძელდება.



ფინანსური დამოუკიდებლობის გარეშე ნაბიჯიერი ავტონომია ფიქციაა

რექტორის მოვალეობის შემსრულებელი სტუდენტებთან შეხვედრაზე

პირველი გვერდიდან

მეორე, ეს გახლავთ თბილისის სახელმწიფო უნივერსიტეტის ცნობადობის პრობლემა. მე, როგორც უნივერსიტეტის კურსდამთავრებულს, ყოველთვის მაინტერესებდა — რა ხდებოდა უნივერსიტეტში. გარედან დანახული თვალით ისე ჩანს, თითქოს თსუ-ში საინტერესო და ახალი არაფერი არაა. არადა ჩვენთან უაღრესად საინტერესო სამეცნიერო კვლევები ტარდება. კერძოდ, II კორპუსის შენობაში ფუნქციონირებს განახლებული ტექნიკური ცენტრი, რომლის შესახებაც საქართველოში ძალიან ცოტაა თუ იცის. აქ მიკროსკოპების აგებაზე შეკვეთებს იღებენ გერმანიიდან და ევროპის სხვა ქვეყნებიდან — ამ ერთი მაგალითით მინდა ვთქვა: თსუ-ში დიდი პოტენციალია და, შესაბამისად, მისი ცნობადობა აუცილებლად უნდა გაიზარდოს.

შესაძლებელია პრობლემა — უნივერსიტეტის ფინანსური დამოუკიდებლობა. საუბარია უმაღლესი სასწავლებლისთვის მეტად საჭირო კომერციალიზაციაზე, რათა იგი ნაკლებად იყოს დამოკიდებული სახელმწიფო დაფინანსებაზე. თსუ-ის ფინანსურად გაძლიერების პოტენციალი ნამდვილად აქვს. არის საკმაოდ საინტერესო პროექტები, რომელსაც უზარმაზარი შედეგის მოტანა შეუძლია როგორც უნივერსიტეტისთვის, ასევე, ქვეყნისთვისაც. პროექტების განსახორციელებლად მათი ავტორები სახელმწიფო დაფინანსებას ელოდებიან. თსუ სწორედ ის დანესებულეა, რომელიც თავადვე უნდა ახერხებდეს ფინანსების მოზიდვას. მოვიყვან ერთ კონკრეტულ მაგალითს: უნივერსიტეტს არ გააჩნია ნივთების მაღაზია, სადაც ნივთებთან ერთად გაიყიდება მისიურები, ჰალსტუხები, კალმისტრები და სხვადასხვა საკანცელარიო ნივთები უნივერსიტეტის ლოგოს გამოსახულებით, რაც დამატებით შემოსავლის წყარო გახდება. სერიოზული პრობლემა ისიც, რომ უნივერსიტეტს არ აქვს სტამბა. გარეთ ნივთების ბეჭდვა დიდ ფინანსებთან არის დაკავშირებული, საკუთარ სტამბაში კი შევძლებდით როგორც ჩვენი, ისე სხვა ნივთების ბეჭდვასაც, რაც დამატებით თანხებს მოიზიდავს. მოგეხსენებათ, სახელმწიფო ყველაფრის დაფინანსებას ვერ შეძლებს. როდესაც საუბარია იმაზე, რომ უნივერსიტეტი უნდა იყოს ავტონომიური, ეს ნამდვილად მართებული მოთხოვნაა, მაგრამ ფინანსური დამოუკიდებლობის გარეშე ნებისმიერი ავტონომია ფიქციაა, — განაცხადა რექტორის მოვალეობის შემსრულებელმა ალექსანდრე კვიციანიამ სტუდენტებთან პირისპირ შეხვედრაზე.

ჰუმანიტარულ მეცნიერებათა ფაკულტეტის სტუდენტებს რექტორის მოვალეობის შემსრულებელთან საკმაოდ ბევრი კითხვა ჰქონდათ:

პირველი კითხვა, რომელიც ჰუმანიტარულ მეცნიერებათა ფაკულტეტის პირველი კურსის სტუდენტმა გიორგი მოლოდინაშვილმა დასვა, I კორპუსში დაბრუნების თემას შეეხებოდა.

არაბისტიკის მიმართულების სტუდენტებმა ქართულ-არაბული ლექსიკონის დაბეჭდვასთან დაკავშირებულ პრობლემაზე გაამახვილეს ყურადღება. ამ ლექსიკონის უქონლობა სწავლის პროცესს მათ ერთიორად ურთულებს.

კიდევ ერთხელ გახშირდა საგნების არჩევასთან დაკავშირებული პრობლემაც.

რექტორთან შეხვედრაზე დაისვა თსუ-ის ყველა ფაკულტეტის სტუდენტებისთვის აქტუალური კითხვა, რომელიც სტუდენტთა დასაკმების პერსპექტივას შეეხება.

ახალგაზრდებმა ყველა დასმულ კითხვაზე მიიღეს პასუხი:

რექტორის მოვალეობის შემსრულებლის ინფორმაციით, პირველი კორპუსი მომდევნო სასწავლო წლიდან გაიხსნება, სადაც ლექციებს, ტრადიციის მიხედვით, ჰუმანიტარულ მეცნიერებათა ფაკულტეტის სტუდენტები მოისმენენ. სასწავლო პროცესში დაიბეჭდება ის აუცილებელი ნივთები, რომელთა დეფიციტის შესახებ ახალგაზრდები

აქტიურად საუბრობენ. ალექსანდრე კვიციანიამ განაცხადებით, თსუ-ში კომერციალიზაციის პროცესის დაწყება სტუდენტებს საშუალებას მისცემს — უნივერსიტეტშივე დასაქმდნენ, კერძოდ: ბიბლიოთეკებში, ნივთების მაღაზიებში თუ კაფეებში. ასევე, იგეგმება მემორანდუმების გაფორმება საჯარო დანესებულებებთან, სადაც ახალგაზრდებს სტაჟირების გავლა შეეძლება.

სტუდენტების პრობლემების მოსასმენად და მათი შეხედულებების გასაცნობად თსუ-ის რექტორის მოვალეობის შემსრულებელი ალექსანდრე კვიციანიამ ონლაინ-კონფერენციების მოწყობას გეგმავს. ახალგაზრდებთან ონლაინ რეჟიმში საუბარი მხოლოდ მას შემდეგ იქნება შესაძლებელი, როდესაც უნივერსიტეტში შესაბამისი ტექნიკური ბაზა მოწესრიგდება.

შესვლა ზუსტ და საბუნებისმეტყველო მეცნიერებათა ფაკულტეტზე

სტუდენტებთან შეხვედრაზე უნივერსიტეტის რექტორის მოვალეობის შემსრულებელმა ისაუბრა საუნივერსიტეტო პორტალის შექმნის აუცილებლობაზე, რომელზეც უამრავი საჭირო ინფორმაციის, მათ შორის ლექციების, სილაბუსებისა და სასწავლო მასალების განთავსება იქნება შესაძლებელი. ეს სტუდენტს თავიდან ააცილებს სასწავლო მასალების კოპირების ვალდებულებას, რაზეც აქამდე მათ დიდი დრო და ფინანსები ეხარჯებოდათ.



ბატონმა ალექსანდრე კვიციანიამ ყურადღება გაამახვილა სტუდენტური საერთო საცხოვრებლის პრობლემაზე და აღნიშნა, რომ ის კორპუსები, რომელიც დღეს უნივერსიტეტის საერთო საცხოვრებლად მიიწვევა, ვეღარ აკმაყოფილებს მოთხოვნებს, რადგან საუნივერსიტეტო სივრცესაა მონყვეტილი. რექტორის თქმით, გარკვეული სამუშაოები ჩატარდება, რათა საერთო საცხოვრებლები უნივერსიტეტის სასწავლო კორპუსების მიმდებარე ტერიტორიაზე განთავსდეს. შეიქმნება ერთიანი საუნივერსიტეტო კომპლექსი, რომელშიც სტუდენტი თავისუფლად შეძლებს თანამედროვე მოთხოვნების შესაბამისი განათლების მიღებას და თავისუფალი დროის გონივრულად გამოყენებას. აქვე მოეწყობა სპორტული მოედნები და საცურაო აუზი, რომლის დეფიციტიც უნივერსიტეტში უკვე წლებია არსებობს.

„ამ საკითხებზე ვესაუბრე სპორტულ ფედერაციებს და პარტნიორული ურთიერთობების შედეგად ბევრი საინტერესო ღონისძიება დაგეგმეთ“, — განაცხადა ალექსანდრე კვიციანიამ.

სტუდენტები დაინტერესდნენ, იგეგმება თუ არა სამეცნიერო-კვლევითი ლაბორატორიების ინვენტარიზაცია და განახლება თანამედროვე მოთხოვნათა შესაბამის დონეზე. ამ საკითხზე რექტორმა განაცხადა: ნაწილი ლაბორატორიებისა უკვე განახლებულია, ნაწილზე კი დაგეგმილია სამეცნიერო გრანტებისა და თანხების მოზიდვა.

„ეს საკითხი იურიდიულ ფაკულტეტზე კარგადაა ორგანიზებული, რადგან მათ სათანადო კონტაქტები აქვთ უცხოეთთან, ასევე ბევრი გაცვლითი პროგრამები მოქმედებს სხვა ფაკულტეტებზეც, მაგრამ ჩემი და უნივერსიტეტის პრიორიტეტი სწორედ ზუსტი და საბუნებისმეტყველო მეცნიერებების განვითარება და ამ კუთხით სტუდენტების მაქსიმალური ხელშეწყობაა“, — განაცხადა მან.

ქიმიის მიმართულების მაგისტრატურის II კურსის სტუდენტმა სასწავლო პროცესში წარმოქმნილი პრობლემის მოგვარება ითხოვა. კერძოდ, მან აღნიშნა, რომ მაგისტრატურაში ჩაბარების წინაპირობებში მითითებული არ ყოფილა უცხო ენის ცოდნის აუცილებლობის შესახებ, მაგისტრატურაში სწავლის პერიოდში კი მხოლოდ რამდენიმე ლექცია მოისმინეს. მისი თქმით,

„ეს საკითხი იურიდიულ ფაკულტეტზე კარგადაა ორგანიზებული, რადგან მათ სათანადო კონტაქტები აქვთ უცხოეთთან, ასევე ბევრი გაცვლითი პროგრამები მოქმედებს სხვა ფაკულტეტებზეც, მაგრამ ჩემი და უნივერსიტეტის პრიორიტეტი სწორედ ზუსტი და საბუნებისმეტყველო მეცნიერებების განვითარება და ამ კუთხით სტუდენტების მაქსიმალური ხელშეწყობაა“, — განაცხადა მან.

ქიმიის მიმართულების მაგისტრატურის II კურსის სტუდენტმა სასწავლო პროცესში წარმოქმნილი პრობლემის მოგვარება ითხოვა. კერძოდ, მან აღნიშნა, რომ მაგისტრატურაში ჩაბარების წინაპირობებში მითითებული არ ყოფილა უცხო ენის ცოდნის აუცილებლობის შესახებ, მაგისტრატურაში სწავლის პერიოდში კი მხოლოდ რამდენიმე ლექცია მოისმინეს. მისი თქმით,

შესვლა სოციალურ და პოლიტიკურ მეცნიერებათა ფაკულტეტზე

პირდაპირი და ღია საუბარი ჰქონდა ბატონ ალექსანდრე კვიციანიამ სოციალურ და პოლიტიკურ მეცნიერებათა ფაკულტეტის სტუდენტებთან და პროფესორ-მასწავლებლებთან თსუ-ის VI კორპუსის სააქტო დარბაზში. ამ ფაკულტეტის სტუდენტებს პირველად შეხვდა, მაგრამ აშკარად შესამჩნევი იყო ის კეთილგანწყობა, რომელსაც გამოხატავდნენ სტუდენტები უკვე ფეისბუქზე დამეგობრებული რექტორის მიმართ.

პირველი საკითხი, რაც სტუდენტებმა ალექსანდრე კვიციანიას წინაშე დააყენეს, პროფესორ-მასწავლებელთა მხრიდან სტუდენტების მიმართ ეთიკური ნორმების დაცვას შეეხებოდა, რაზეც რექტორისგან სრული მხარდაჭერა მიიღეს.

სტუდენტებმა ენათა ცენტრის გაფართოებასა და უცხო ენის ინტენსიური სწავლების აუცილებლობაზე ისაუბრეს და მიზანშეწონილად ჩათვალეს, რომ თსუ-ის ადმინისტრაციამ სასწრაფოდ უნდა მიიღოს ზომები ენების ცენტრის რეფორმირების შესახებ.

რექტორის მოვალეობის შემსრულებელმა დაადასტურა ამ პრობლემის სიმწვავე და აღნიშნა, რომ ენების ცენტრში აუცილებლად განხორციელდება სტრუქტურული ცვლილებები.

სტუდენტებმა პრეტენზია გამოთქვეს სოციალურ და პოლიტიკურ მეცნიერებათა ფაკულტეტზე არსებული მწირი ბიბლიოთეკის გამო და მოითხოვეს მისი შევსება ახალი სასწავლო და სამეცნიერო ლიტერატურით, რის მოგვარებასაც სტუდენტებს ფაკულტეტის დეკანი ნოდარ ბელქანია შეპირდა.

სტუდენტებს, ასევე, აწუხებთ სწავლების საფასურის გადახდასთან დაკავშირებული საკითხები. მათი სურვილია, რომ თანხის ეტაპობრივად გადახდის შესახებ ინფორმაცია დროულად მიენოდოთ და არა სასწავლო საგნების არჩევის წინა დღეს, როცა მომხმარებელთა დიდი რაოდენობის გამო, ფაქტობრივად, არ ხერხდება ბაზის გახსნა.

„სწავლების საფასურის ეტაპობრივი გადახდა, ნელს, პირველად დაეუშვით, გამარტივდება, ასევე, თანხის დაფარვის გზებიც. დიდი სურვილი გვაქვს, რომ რამდენიმე ბანკთან გავაკეთოთ გრძელვადიანი, შეღავათიანი, დაბალპროცენტითანი ფინანსური დახმარების პაკეტი და არა სესხები — ასეთი პრაქტიკა ბევრ ქვეყანაში არსებობს. ამ წესის თანახმად, ბანკის ვალის გასტუმრებას, სწავლის დამთავრების შემდეგ, რამდენიმე წლის მერე იწყებ, როცა უკვე დასაქმებული ხდები“, — განაცხადა ალექსანდრე კვიციანიამ.

მწვავედ დაისვა საკითხი სასწავლო პრაქტიკის გავლის აუცილებლობასა და მნიშვნელობაზე, რაც განსაკუთრებით აწუხებთ უფრანგისტიკის მიმართულების სტუდენტებს, სტაჟირებს...

„გვინდა გამოვიჩინოთ ინიციატივა და ქალაქის რომელიმე რადიოსადგურთან ვითანამშრომლოთ, რის საფუძველზეც მოგვეცემა საშუალება იმისა, რომ ეთერის რამდენიმე საათი თსუ-ის უფრანგისტიკის მიმართულების სტუდენტებს დაეთმოს. რადიო „ქალაქი“ მზადაა რამდენიმე სტაჟირი მიიღოს, მაგრამ, რა თქმა უნდა, ეს არ არის საკმარისი. იმედს ვიტოვებ, რომ მომავალში უნივერსიტეტის თვის რადიოსადგურს ექნება“, — განაცხადა რექტორის მოვალეობის შემსრულებელმა.

შეხვედრაზე სტუდენტებმა პრეტენზია გამოთქვეს თსუ-ის სტუდენტური თვითმმართველობის მუშაობის მხრივაც და მისი უფრო აქტიურად ჩაბმა მოითხოვეს სასწავლო პროცესის დარეგულირების პროცესში.

შეხვედრის ბოლოს, სტუდენტებმა, მადლიერებით აღნიშნეს ალექსანდრე კვიციანიას მათთან დიალოგის დაწყების ინიციატივა და თსუ-ის რექტორის არჩევნებში მას წარმატებები უსურვეს.

რექტორის შეხვედრები სხვა ფაკულტეტის სტუდენტებთან გაგრძელდება.

მაგისტრანტებს აღმინისტრაციული რეგისტრაცია რეგისტრაცია ჯერ არ გაუვლიათ

თსუ-ში გამოცხადებული კონკურსის გზით ჩარიცხულმა მაგისტრანტებმა სწავლა 4 ოქტომბერს დაიწყეს, თუმცა მათ აღმინისტრაციული რეგისტრაცია ჯერ არ გაუვლიათ, რადგან ეროვნული საგამოცდო ცენტრის მიერ დაფინანსების საკითხი ჯერ არ დადგენილა. რა თქმა უნდა, ფულის გადახდა არავის ეჩქარება, მაგრამ საკითხში გარკვევა და სიცხადე ყველას სურს. სწორედ ამ პროცესის დაჩქარებას ელოდებიან მაგისტრანტები, რომელთაც უნდათ, რომ თავი თსუ-ის სრულყოფილებიან სტუდენტებად სცნონ.

მაია ტორაძე

ივანე ჯავახიშვილის სახელობის თბილისის სახელმწიფო უნივერსიტეტმა 2011-2012 სასწავლო წლისთვის 84 სამაგისტრო პროგრამაზე გამოაცხადა მიღება. მათ შორის, ზუსტ და საბუნებისმეტყველო მეცნიერებათა ფაკულტეტზე მოქმედებს 18 სამაგისტრო პროგრამა; ჰუმანიტარულ მეცნიერებათა ფაკულტეტზე – 37; სოციალურ და პოლიტიკურ მეცნიერებათა ფაკულტეტზე – 23; ეკონომიკისა და ბიზნესის ფაკულტეტზე – 3; იურიდიულ ფაკულტეტზე – 2 და მედიცინის ფაკულტეტზე – 1.

მაგისტრატურაში ჩაბარების მსურველებმა ერთიანი სამაგისტრო გამოცდის ჩაბარების შემდეგ მიმართეს თბილისის სახელმწიფო უნივერსიტეტს, რათა კონკრეტულ სამაგისტრო პროგრამებზე სწავლა გაეგრძელებინათ.

საბუთების მიღება 30 აგვისტოდან 19 სექტემბრის ჩათვლით მიმდინარეობდა. სპეციალობის საგნებში სამაგისტრო პროგრამებზე მისაღები გამოცდა 16 სექტემბერს ჩატარდა, 22 სექტემბერს კი გაიმართა გასაუბრება უცხო ენაში იმ მიმართულებებზე, რომლებსაც ეს მოთხოვნა წინაპირობაში ჰქონდათ მითითებული.

თსუ-ის საგამოცდო ცენტრის ინფორმაციით, მიმდინარე წელს ყველაზე მეტი — 431 განაცხადი ეკონომიკისა და ბიზნესის ფაკულტეტზე შემოვიდა. მსურველთაგან ბიზნესის მიმართულებაზე ჩაირიცხა 182 სტუდენტი, ეკონომიკის მიმართულებაზე — 145, ხოლო ტურიზმის მიმართულებაზე — 2 სტუდენტი. იურიდიულ ფაკულტეტზე განაცხადება შემოტანილი ჰქონდა 370 კონკურსანტს, აქედან საერთაშორისო სამართალზე ჩაირიცხა – 21 სტუდენტი, კერძო სამარ-



თალზე — 151. ჰუმანიტარულ მეცნიერებათა ფაკულტეტზე განაცხადება შემოიტანა 235 კონკურსანტმა, აქედან 210 ჩაირიცხა. სოციალურ და პოლიტიკურ მეცნიერებათა ფაკულტეტზე განაცხადი შემოიტანა 271-მა კონკურსანტმა, ჩაირიცხა 209. ზუსტ და საბუნებისმეტყველო მეცნიერებათა ფაკულტეტზე 141 კონკურსანტიდან 106 ჩაირიცხა, ხოლო მედიცინის ფაკულტეტზე 8 კონკურსანტიდან — 5.

როგორც ჩვენთან საუბარში თსუ-ის საგამოცდო ცენტრის უფროსის მოვალეობის შემსრულებელმა მაია ჩიღვინაძემ განაცხადა, ამეტაპუნერება მაგისტრანტთა ჩარიცხვის ბრძანებები, რის შემდეგაც სია ეროვნულ საგამოცდო ცენტრს გადაეცემა. ხოლო მას შემდეგ, რაც დაფინანსების საკითხი გაიკვევა, ჩარიცხულ და დაფინანსებულ მაგისტრანტთა სიები უნივერსიტეტის ვებ-გვერდზე გამოქვეყნდება.

დიპლომების გაცემის პროცესი გაადვილდა

მას შემდეგ, რაც საქართველო ერთიან ევროპულ საგანმანათლებლო სივრცეში ინტეგრაციის მიზნით ბოლონის პროცესში ჩაერთო, უმაღლესი სასწავლებლების პროფილი რამდენადმე შეიცვალა, დამკვიდრდა ახალი საბაკალავრო, სამაგისტრო და სადოქტორო პროგრამები. სწავლების ყველა საფეხურის გავლის შემდეგ ვაიცემა შესაბამისი დიპლომი, რომლითაც საქართველოს უმაღლესი სასწავლებლის კურსდამთავრებულს საშუალება აქვს სწავლა მსოფლიოს 102 ქვეყანაში გააგრძელოს. აქედან გამომდინარე, აუცილებელი გახდა ივანე ჯავახიშვილის სახელობის თბილისის სახელმწიფო უნივერსიტეტში დიპლომის ფორმატის და, ამასთან ერთად, მისი აღების პროცედურის შეცვლა.

შურთხია ბაროშვილი

სტუდენტთა მომსახურების განყოფილების უფროსის მანანა ლობჯანიძის ინფორმაციით, დიპლომის დამზადება და გაცემა რეგულირდება საქართველოს განათლებისა და მეცნიერების მინისტრის №162 ბრძანების საფუძველზე. სტუდენტისთვის, რომელსაც რექტორის ბრძანების თანახმად ენიჭება შესაბამისი ხარისხი, ფაკულტეტი ამზადებს დიპლომის დანართს. სწორედ ამის საფუძველზე მზადდება დიპლომი.

„დიპლომის გაცემის პროცედურა, ამჟამად, საგრძნობლად გაადვილებულია. წინათ ვადები დაუდგენელი იყო, თუმცა მაშინაც, შეძლებისდაგვარად, ხელს ვუწყობდით სტუდენტებს და ვცდილობდით, რომ ჩვენი მხრიდან დაბრკოლება არ შექმნოდათ. თუმცა თავად პროცესი იყო ხანგრძლივი. ამჟამად, ამ მიმართულებით, ყველა პრობლემა მეტ-ნაკლებად მოგვარებულია“, — აღნიშნავს მანანა ლობჯანიძე.

როგორც ცნობილია, დიპლომი ვაიცემა იმ სტუდენტზე, რომელსაც შესრულებული აქვს 240 კრედიტი, აქედან 120 კრედიტი სავალდებულოა, ხოლო 60 კრედიტი არჩევითი. მანანა ლობჯანიძის ინფორმაციით, დიპლომის დანართისა და დროულად დამზადების მიზნით, სასწავლო დეპარტამენტმა მოამზადა და გამოსცა რექტორის ბრძანება (№54/01-01, 23. 06. 20106), სადაც განსაზღვრულია აკადემიური ხარისხის მინიჭების, დიპლომებისა და დიპლომის დანართის დამზადების ვადები: „ფაკულტეტის მიერ კურსდამთავრებულთათვის

შესაბამისი აკადემიური ხარისხის მინიჭების წარმოდგენა განისაზღვრა სასესიო პერიოდის დასრულებიდან 15 სამუშაო დღის ვადაში, ბრძანება გადაიგზავნება შესაბამის სტრუქტურულ ერთეულებში 5 სამუშაო დღის ვადაში, ხოლო ფაკულტეტების მიერ კურსდამთავრებულთა დიპლომების დანართის დამზადება და სასწავლო დეპარტამენტისათვის მიწოდება უნდა მოხდეს 25 სამუშაო დღის ვადაში. სასწავლო დეპარტამენტის მიერ დიპლომის დამზადების შემდეგ დიპლომს ხელს აწერს დეკანი და რექტორი, ასევე, 25 სამუშაო დღის ვადაში“.

აღსანიშნავია, რომ დიპლომის დანართის ეს მოდელი დამუშავებულია ევროკომისიის, ევროსაბჭოსა და UNESCO - ს მიერ.

მანანა ლობჯანიძის განმარტებით, თსუ-ის აკადემიური საბჭოს 2009 წლის №227 დადგენილების საფუძველზე აღდგა ე.წ. „ნითელი დიპლომი“. თუ კურსდამთავრებულის დიპლომის საშუალო ქულა (GPA) არის არანაკლებ 3,5 — სტუდენტს ეძლევა წარჩინების დიპლომი, სხვა შემთხვევაში — ჩვეულებრივი დიპლომი.

„თსუ-ის სასწავლო დეპარტამენტის მხრიდან სტუდენტებს, დიპლომების აღების თვალსაზრისით, დაბრკოლება არ შეხვედრება! როდესაც სტუდენტს საზღვარგარეთ წასასვლელად ან სამსახურში წარსადგენად სასწრაფოდ ესაჭიროება დიპლომი, ამ შემთხვევაში ვცდილობთ, რომ მაქსიმალურად გავითვალისწინოთ მისი ინტერესი. სტუდენტთა მომსახურება ხომ მათ ყოველმხრივ ხელშეწყობას ითვალისწინებს“, — ამბობს მანანა ლობჯანიძე.

„ყველაზე ჭკვიანმა“ თსუ აირჩია



პირველი „ყველაზე ჭკვიანი“ ბავშვი, რომელიც „რუსთავი 2“-ის სატელევიზიო პროექტმა 2004 წელს გამოავლინა, თორნიკე ჭუმბურიძეა. იგი დღეს უკვე თბილისის სახელმწიფო უნივერსიტეტში სწავლობს და თავისი ასაკისთვის საკმაოდ მდიდარი ბიოგრაფიაც აქვს.

შურთხია ბაროშვილი

თორნიკე ჭუმბურიძე ამჟამად სოციალურ და პოლიტიკურ მეცნიერებათა ფაკულტეტის I კურსის სტუდენტია და სამომავლო გეგმებზე მოკრძალებულად საუბრობს... მაგრამ ამჟამად, რომ წინ კიდევ ბევრი წარმატება და, შესაბამისად, საინტერესო ცხოვრება ელის. თორნიკე თავის პირველ წარმატებას სიამოვნებით იხსენებს: „რუსთავი 2“-ის პროექტში — „ყველაზე ჭკვიანი“ მონაწილეობა ჩემთვის დაუვიწყარია. კითხვა ყოველთვის მიყვარდა. იმ პერიოდში, განსაკუთრებით, ისტორიით ვიყავი გატაცებული. ტურებში კი ახალი ამბები, მეცნიერება, ხელოვნება და რელიგია ავირჩიე, რასაც, როგორც შედეგებმა აჩვენა, კარგად გავართვი თავი. 12 წლის ბავშვისთვის მეტად შთამბეჭდავია, როდესაც ჯილდოდ პერსონალურ კომპიუტერს მიიღებ და ინგლისური ენის დასაუფლებლად ერთი თვით ინგლისში წასვლის შესაძლებლობა მოგეცემა“, — იხსენებს თორნიკე.

მას შემდეგ თორნიკე ჭუმბურიძემ მრავალჯერ დაამტკიცა, რომ მართლაც „ყველაზე ჭკვიანია“: სკოლაში სწავლის პერიოდში ორჯერ გახდა პოპულარული სატელევიზიო პროექტის — „ეტალონის“ გამარჯვებული და სტიპენდიატი. იგი ერთი წლის

მანძილზე თავიდან 50 ლარს, ხოლო შემდეგ 100 ლარს იღებდა. ალბათ ამიტომ, აღარავის უკვირს, რომ თორნიკემ ერთიანი ეროვნული გამოცდები წარმატებით ჩააბარა და 100%-იანი დაფინანსება მოიპოვა. განსაკუთრებით მაღალი შეფასება — 100 ქულა მან ინგლისურ ენაში მიიღო. ამჟამად იგი თავის მომავალ სპეციალობაზე ფიქრობს. როგორც თავად ამბობს, ამ ეტაპზე სოციოლოგიით დაინტერესდა და სწავლის გაგრძელებასაც ამ მიმართულებით გეგმავს. ყველა ამ სიკეთესთან ერთად თორნიკე წერს... მისი მოთხრობები ლიტერატურულ ჟურნალ „ჩვენ მწერლობაში“ გამოქვეყნდა და მკითხველის მოწონებაც დაიმსახურა.

კითხვაზე, როგორ მოსწონს უნივერსიტეტში სწავლა და მის ირგვლივ არიან თუ არა მასავით „ჭკვიანები“, თორნიკე იღიმიება და ამბობს, რომ, საბედნიეროდ, მის გარშემო ბევრი ნაკითხი და მოტივირებული ახალგაზრდაა, უნივერსიტეტში სწავლა კი ძალიან მოსწონს.

თორნიკეს სწავლის გარდა უყვარს მთების დალაშქვრა კარვით და ზურგჩანთით, უსმენს მუსიკას, მოსწონს რაგბი და სათხილამურო სპორტი. ამ უნარ-ჩვევებით შემკულ სტუდენტს მომავლის დასაგეგმად „ყველაზე ჭკვიანური“ გადწყვეტილებების მიღება, ალბათ, მინც წინ აქვს...



GIPA-ს კონფერენციაში გამარჯვებული თსუ-ის სტუდენტები

საქართველოს საზოგადოებრივ საქმეთა ინსტიტუტში გამართულ კონფერენციაზე, რომლის სახელწოდებაც იყო „საქართველო — 2008 წლის კონფლიქტის შედეგები“, გამოვლენილი გამარჯვებული შორის დასახელდნენ ივანე ჯავახიშვილის სახელობის თბილისის სახელმწიფო უნივერსიტეტის სტუდენტები, რომლებმაც წარდგინილი მოხსენებებით მეორე და მესამე ადგილები მოიპოვეს.



თამარ ურუშაძე

შურთხია ბაროშვილი

27 მაისს საქართველოს საზოგადოებრივ საქმეთა ინსტიტუტში (GIPA) სახელმწიფო მმართველობის სკოლისა და კვლევითი ცენტრის მიერ ორგანიზებული და ამერიკის შეერთებული შტატების საელჩოს მიერ დაფინანსებული კონფერენცია „საქართველო — 2008 წლის კონფლიქტის შედეგები“ გაიმართა. კონფერენციას ესწრებოდნენ მონაწილე ექსპერტები სხვადასხვა უნივერსიტეტიდან და ამერიკის შეერთებული შტატების საელჩოს წარმომადგენლები. კონფერენციაზე წარმოდგენილი იყო საქართველოს სხვადასხვა უნივერსიტეტის სტუდენტების მოხსენებები. შერჩეული ათი მოხსენებიდან ერთი გამარჯვებულად დასახელდა, რომელთა ავტორები ფულადი პრიზებით დაჯილდოვდნენ. კონფერენციის მუშაობაში აქტიურად მონაწილეობდნენ ივანე ჯავახიშვილის სახელობის თბილისის სახელმწიფო უნივერსიტეტის სტუდენტები, რომლებმაც საინტერესო მოხსენებები წარმოადგინეს. თსუ-ის სტუდენტების თამარ ურუშაძისა და ნინო ტაბუაძის ნაშრომებმა უფროსი განსაკუთრებული მონაწილეობა დაიმსახურეს. შედეგად, ისინი მეორე და მესამე ადგილების მფლობელები გახდნენ.

თამარ ურუშაძე თსუ-ის სოციალურ და პოლიტიკურ მეცნიერებათა ფაკულტეტის

საერთაშორისო ურთიერთობების მიმართულების II კურსის სტუდენტია. იგი უკვე რამდენიმე კონფერენციის მონაწილე და გამარჯვებულია. მან 2009 წელს ოქროს მედლით დაამთავრა საქართველოს საპატრიარქოს წმიდა ილია მართლის სახელობის თბილისის სკოლა და თსუ-ში იმავე წელს ჩააბარა.

კონფერენციაზე წარმოდგენილი მისი ნაშრომი — „ავგისტოს კონფლიქტის შემდგომ საქართველოს წინაშე ეკონომიკის მიმართული ნაშრომი ამოცანები“, სტრუქტურულად, სამ ნაწილად არის დაყოფილი. I ნაწილში დარგობრივ ჭრილში ნაჩვენებია საქართველოსთვის ომის შედეგად მიყენებული ეკონომიკური, პოლიტიკური და მორალური ზიანი. II ნაწილში სტუდენტი ცდილობს გააანალიზოს საქართველოს ხელისუფლების მიერ კრიზისული ვითარების დასაძლევად განხორციელებული ღონისძიებები, III ნაწილი კი მოიცავს ქვეყნის განვითარების მომავლის ხედვას, პოლიტიკურ და ეკონომიკურ სტრატეგიას, კერძოდ, საუბარია საქართველოს, როგორც ერთიანი კავკასიის ლიდერ რეგიონად ჩამოყალიბების პერსპექტივაზე, რის საფუძველსაც გვაძლევს კავკასიაში ჩვენი ქვეყნის პირველობა დასავლეთთან ინტეგრაციის კუთხით და საქართველოს აქტიური თანამშრომლობა ორ დაპირისპირებულ სახელმწიფოსთან — სომხეთთან და აზერბაიჯანთან.

„ამ მიზნის მისაღწევად საჭიროა განალიზდეს რეგიონის ეკონომიკური პოტენციალი და შეიქმნას სამომავლო განვითარების ზუსტი კონცეფცია, რაც სამხრეთ კავკასიის ერთიანი ეკონომიკური სივრცის ჩამოყალიბების საფუძველი გახდება. სწორი ეკონომიკური სტრატეგიისა და საერთაშორისო სტრუქტურებში ინტეგრაციის მეშვეობით საქართველო შეძლებს, უახლოეს მომავალში, გადალახოს არსებული პრობლემები და ეფექტურად განავითაროს ეკონომიკური პოტენციალი, როგორც ქვეყნის შიგნით, ასევე, რეგიონის მასშტაბით“, — აღნიშნავს თამარ ურუშაძე თავის მოხსენებაში.

მესამე პრიზის მფლობელი, როგორც აღნიშნეთ, გახდა თსუ-ის ჰუმანიტარულ მეცნიერებათა ფაკულტეტის მაგისტრანტი ნინო ტაბუაძე, რომელიც არა ერთი სამეცნიერო კონფერენციის (კონფერენცია — „ჰაინრიხ თეოდორ ველსის მოგზაურობა საქართველოში“, სტუდენტური კონფერენცია — „ენა და კულტურა“, ინგლისურენოვანი კონფერენცია — „ამერიკა“, და სხვ.) მონაწილე და კონკურსებში გამარჯვებულია. ნინო ტაბუაძე, პარალელურად, სწავლობს ჯორჯ ვაშინგტონის სახელმწიფო უნივერსიტეტში ონლაინ მაგისტრატურის კურსზე არტ-მენეჯმენტის განხრით და მუშაობს ერთ-ერთ ევროპულ სკოლაში და საპროდიუსერო ცენტრში „გიმ-ტივი“-ში.

საქართველოს საზოგადოებრივ საქმეთა ინსტიტუტში გამართულ კონფერენციაზე ნინო ტაბუაძემ წარმოადგინა საინტერესო ნაშრომი სახელწოდებით: „2008 წლის ავგისტოს კონფლიქტი, როგორც კოლექტიური

ტრამვა და მასკულტურა, როგორც მისი დაძლევის ხერხი“. სტუდენტის თვალთახედვით, ავგისტოს კონფლიქტი ყველაზე მძიმედ გასახსენებელი მოვლენაა საქართველოს უკანასკნელი წლების ისტორიაში, რასაც შეგვიძლია ვუწოდოთ კოლექტიური ტრამვა, რომლის დაძლევისა და განსაკუთრებული მნიშვნელობა აქვს სახელმწიფოს მომავალი პოლიტიკის წარმართვისთვის.

„ჩემს მოხსენებაში შევეცადე, რომ მეჩვენებინა ამ ფენომენის მნიშვნელობა და მისი დაძლევის ხერხები, რომელთა შორის მოიაზრება ხელოვნებაც. ხშირად, სწორედ ვიზუალური ხატები დაგვაძლევინებს ტრავმულ გამოცდილებას — ამის ნათელ მაგალითად გამოგვადგება ავგისტოს ომის პერიოდში შექმნილი და მის შედეგად გაჩენილი მასკულტურის თავისებური მიმართულება. ეს არის ინტერნეტ-კარიკატურები, შარჟები, რომლებიც, ხშირ შემთხვევაში, თავად რუსების შექმნილია. ხელოვნების ეს ძალზე საინტერესო მიმართულება უშუალოდ ჩაერთო მიმდინარე პროცესებში, რამაც გვიჩვენა, რომ ტრავმული გამოცდილების გახსენება საჭიროა, რათა გავანალიზოთ მომხდარი და ვიზუალური მომავალზე“, — აღნიშნავს ნინო ტაბუაძე თავის მოხსენებაში.

თბილისის სახელმწიფო უნივერსიტეტის სტუდენტები ნინო ტაბუაძე და თამარ ურუშაძე სამომავლო გეგმებს სამეცნიერო მუშაობას უკავშირებენ. მათ, ალბათ, წარმატებაც გარანტირებული აქვთ, რადგან ამ მიმართულებით უკვე საკმაო გამოცდილება და დაუგროვდათ და იციან პრიზის ფლობის ფასი.



ნინო ტაბუაძე

ტურიზმის საერთაშორისო სკოლა სასერტიფიკაციო კურსებზე მიღება გამოაცხადა

ივანე ჯავახიშვილის სახელობის თბილისის სახელმწიფო უნივერსიტეტის ტურიზმის საერთაშორისო სკოლამ სასერტიფიკაციო კურსებზე მიღება გამოაცხადა. კურსის ხანგრძლივობა განისაზღვრება ერთი წლით და მისი ღირებულება განისაზღვრება კურსის ხანგრძლივობის მიხედვით.

თამარ დადიანი

ტურიზმის საერთაშორისო სკოლა ტურიზმისა და მასპინძლობის თანამედროვე სასწავლო-კვლევითი ინსტიტუტია. მისი მიზანია: ქვეყანასა და მთლიანად კავკასიის რეგიონში ტურიზმის სწავლებასა და გადამზადებაში მონაწილე პოზიციის დაკავება და მაღალკვალიფიციური კადრების აღზრდა. სკოლა საქართველოში ტურიზმისა და მასპინძლობის მენეჯმენტში სწავლების, გადამზადებისა და კვლევებისთვის საერთაშორისო სტანდარტების შესაბამისი ხარისხის პროგრამებს ამზადებს და მათ განხორციელებას გეგმავს.

„ჩვენი მიზანია, მოგანოდოთ მდიდარი და საინტერესო სასწავლო მასალა, გადმოგცეთ ჩვენი სამეცნიერო-კვლევითი გამოცდილება და შეგიქმნათ სწავლის ისეთი პირობები, რაც მიზნის წარმატებით მიღწევაში დაგეხმარებათ. სკოლის მთელი კოლექტივის ძალისხმევა მიმართულია სწავლების, კვლე-

ვებისა და განვითარების თანამედროვე ხედვის რეალიზაციისკენ — ენერჯული აკადემიური გარემოში შემოთავაზებისკენ, რაც ხელს შეუწყობს ინოვაციურ და საფუძვლიან სწავლებას ყველა დონეზე: გადასამზადებელ, სასერტიფიკაციო, უმაღლეს პროფესიულ, ბაკალავრიატში, მაგისტრატურასა და დოქტორანტურაში. თქვენი აქტიური პოზიცია და მონდომება გახდება თქვენი წარმატების საწინდარი“, — ასე მიმართა სტუდენტებს ტურიზმის საერთაშორისო სკოლის დირექტორმა მაია მარგველაშვილმა.

პროგრამის მონაწილეები შეიძენენ ცოდნას ტურიზმისა და მასპინძლობის ინდუსტრიის შესახებ, ტურიზმის ოპერირებასა და პროცედურებზე, ბიზნესის დაგეგმვასა და ოპერირებაზე, მომხმარებლის მომსახურების მენეჯმენტზე და სხვ. ექნებათ უნარ-ჩვევები იმოქმედონ დამოუკიდებლად ტურიზმის დაგეგმვის, მარკეტინგისა და განვითარების ამოცანების გადაწყვეტაში, მიიღონ სწორი გადაწყვეტილებები, გამოიჩინონ ორიგინალ-

ობა პრობლემების გადაწყვეტაში და სხვ. საკურორტო და სასტუმრო მენეჯმენტის სერტიფიკაციული სპეციალისტს ექნება სასტუმროს ოპერირების, საკვებისა და სასმელის მენეჯმენტის, მასპინძლობის ადმინისტრირების ცოდნა, ღრმად ჩანდება ამ დინამიური სფეროს მენეჯმენტისა და ოპერირების თავისებურებებს. ამასთან ერთად, მიიღებს საჭირო ცოდნას ისეთ მომიჯნავე სფეროებში, როგორცაა — აღრიცხვა, ფინანსები, მარკეტინგი, კომუნიკაციები, კომპიუტერული ტექნოლოგიები და სხვ. ტრენინგის შედეგად მონაწილეები შეიძენენ ადგილობრივ დონეზე ტურიზმის განვითარების, ტურისტული დანიშნულების ადგილების დაგეგმვის და მენეჯმენტის თეორიული საფუძვლები, ტურიზმის განვითარებისათვის ადგილობრივი რესურსების შეფასების ცოდნასა და უნარ-ჩვევებს, ტურიზმის განვითარების გეგმების მომზადების, დაგეგმვისა და დანერგვის ტექნიკასა და უნარ-ჩვევებს, ტურიზმის მენეჯმენტის სხვა ფუნქციების ცოდნას, ტურიზმის პოლიტიკის ანალიზის საფუძვლების ცოდნას.

იმედია, სტუდენტები დაინტერესდებიან აღნიშნული კურსებით, რადგან საქართველოს თავისი ბუნებრივი, გეოგრაფიული, რეკრეაციული შესაძლებლობებისა და

ისტორიულ-კულტურული მემკვიდრეობის გამო ტურიზმისა და საკურორტო საქმიანობის დიდი პოტენციალი გააჩნია.

დღეისათვის საქართველოში საერთაშორისო ტურიზმი ხასიათდება ორი უარყოფითი მოვლენით: გასვლითი ტურიზმი ჭარბობს შემოსვლის და მთლიანად დარგმი სავალუტო გადასახდელი ჭარბობს შემოსავლებს; ტურისტული ფირმები, რომლებიც გასვლით ტურიზმს ემსახურებიან (თანამშრომლობენ უცხოეთის ტურისტულ ფირმებთან), მთლიანად არ არიან დაინტერესებული ქვეყანაში ტურიზმის ინფრასტრუქტურის განვითარებით.

საქართველოში მაღალეფექტური და კონკურენტუნარიანი ტურიზმის ინდუსტრიის განვითარება დაკავშირებულია რიგი აქტიური საკითხების გადაწყვეტასთან, როგორცაა — ტურისტული საქმიანობის ნორმატიულ სამართლებრივი ბაზის და სახელმწიფო რეგულირების სისტემის საფუძვლის შექმნა, თანამედროვე სამაშულო ტურისტული ბაზრის ფორმირება კონკურენტის განვითარების საფუძველზე, საქართველოს ინტეგრაცია მსოფლიო ტურისტული ბაზრის სისტემაში და ტურიზმის სფეროში საერთაშორისო თანამშრომლობის განვითარება.

როდის ჩაანაცვლებს WWW-ს სისტემას მომავლის ინტერნეტი

სამუშაო შეხვედრა თსუ-ში



28 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტს ბირთვული კვლევების ევროპული ცენტრის (CERN) 12 ექსპერტი ესტუმრა. ვიზიტის მიზანი იყო CERN-ის ყველაზე მასშტაბური პროექტის — ATLAS-ის ფარგლებში შექმნილი ახალი ინტერნეტის სისტემის — GRID-ის პრეზენტაცია. მათ სამუშაო შეხვედრა მოაწყვეს ქართველ, სომეხ და აზერბაიჯანულ სპეციალისტებთან და სტუდენტებთან, რომელთაც ახალი ინტერნეტის სისტემის შესაძლებლობები და მოხმარების წესები გააცნეს.

ბაია ტორაძე

სამუშაო შეხვედრა გახსნა თბილისის სახელმწიფო უნივერსიტეტის რექტორის მოვალეობის შემსრულებელმა ალექსანდრე კვიციანიძემ, რომელმაც წარმატება უსურვა მეცნიერებს და განაცხადა, რომ ასეთი დონის ვორკშოპის ჩატარება კარგ სამსახურს გაუწევს როგორც ქართველ მეცნიერებს და სტუდენტებს, ასევე უნივერსიტეტს. რექტორმა დაინტერესება გამოხატა უნივერსიტეტში IT ტექნოლოგიებისა და ინტერნეტის ალტერნატიული ვარიანტის დანერგვით.

როგორც ევროპის ბირთვული კვლევების ცენტრში მოღვაწე ქართველმა მეცნიერმა, ვორკშოპის ერთ-ერთმა ორგანიზატორმა, პროფესორმა ლაშა შერმაზანაშვილმა აღნიშნა, საქართველოში ბირთვული კვლევების ცენტრი პირველად ატარებს სამეცნიერო შეკრებას, რომელიც არა ფიზიკას, არამედ IT ინჟინერიას ეძღვნება.

„CERN თავისი შინაარსით ფიზიკოსებისაა, მაგრამ ისინი კვლევებისთვის ყველა თანამედროვე მიგნებასა და ტექნოლოგიას იყენებენ. ამიტომ CERN არის ადგი-

ლი, სადაც ასეთი ტექნოლოგიები იქმნება ისე, როგორც თავის დროზე აქვე შეიქმნა WWW - ს კომბინაცია. არსად, არც ერთ უნივერსიტეტში, არც ერთ IT-კომპანიაში არ არის თავმოყრილი ისეთი ინოვაცია, როგორც CERN-ში და გასაკვირი არ არის, რომ სწორედ აქ შეიქმნა მომავლის ინტერნეტი — GRID სისტემა. ამ ეტაპზე CERN-მა გადაწყვიტა ამ სისტემის პოპულარიზაცია, რისთვისაც ტარდება ვორკშოპი სამხრეთ კავკასიის რეგიონისთვის. აქ წარმოდგენილი არა მხოლოდ თეორიული მოხსენებები, არამედ პრაქტიკული მეცადინეობები. ჩვენს მომხმარებელს შეუძლია უშუალოდ შეხვოს ახალი ინტერნეტის სისტემას“, — აღნიშნა ლაშა შერმაზანაშვილმა.

დღევანდელ ხელმძღვანელობს ევროპის ბირთვული კვლევების ცენტრის (CERN) ახალი ინტერნეტის სისტემის (GRID) პროგრამის ხელმძღვანელი, პროფესორი დარიო ბარბერისი, რომელიც გასულ წელს თბილისში გამართულ ფიზიკოსთა კონფერენციაშიც მონაწილეობდა. სწორედ მას გაუჩნდა იდეა — სამხრეთ კავკასიის რეგიონის მეცნიერთათვის ჩატარებინა სამუშაო შეხვედრა.

ეს, მისი აზრით, კიდევ ერთხელ გაუსვამს ხაზს, რომ ამ რეგიონში თბილისი არის ის სა-მეცნიერო ცენტრი, რომელიც ხელს უწყობს სამი ქვეყნის მეცნიერთა დაახლოებას ერთ-მანეთთან და დასავლელ კოლეგებთან.

„შეხვედრის მიზანია, შეკრიბოს სამხრეთ კავკასიის სპეციალისტები და დასახოს დასავლელ კოლეგებთან მათი თანამშრომლობის გეგმები. ამ შეხვედრებზე ჩვენ სამხრეთ კავკასიის ქვეყნების მეცნიერებს ვაცნობთ GRID სისტემას, რომელიც ახალი და დიდი შესაძლებლობების მქონე პროგრამაა“, — განაცხადა მან.

ვორკშოპში მონაწილეობდნენ მეცნიერები და სტუდენტები სომხეთიდან და აზერბაიჯანიდან. ერევნის ფიზიკის ინსტიტუტის პროფესორმა რაშიდ აკოფიანმა კიდევ ერთხელ აღნიშნა, რომ ევროპის ბირთვული კვლევების ცენტრი არის ის ადგილი, სადაც უამრავი მეცნიერი მუშაობს, მათ შორის სამხრეთ კავკასიის ქვეყნებიდანაც და რომ ეს შეხვედრა არის მცდელობა ქართველ, სომეხ და აზერბაიჯანულ მეცნიერებს შორის თანამშრომლობის განმტკიცებისა.

„ახალი ტექნოლოგია, რომელზეც ახლა ტარდება სამუშაო შეხვედრები, მნიშვნელოვანია არა თავად CERN-ის, არამედ ჩვენი ახალგაზრდობისა და მეცნიერებისთვის, რომლებმაც ამ ტექნოლოგიებზე უნდა იმუშაონ. ჩვენ სტუდენტები სომხეთიდან

ჩამოვიყვანეთ. ისინი ქართველ და აზერბაიჯანულ სტუდენტებთან ერთად გადაიან ტრენინგებს, რომელსაც მაღალი პროფესიონალიზმის მქონე მეცნიერები ატარებენ. ეს ღონისძიებები მომავალში ხელს შეუწყობს ახალგაზრდა მეცნიერების დაახლოებას და მათ შორის კონტაქტების გაღრმავებას“, — აღნიშნა მან.

ევროპის ბირთვული კვლევების ცენტრი კიდევ ერთხელ ხდება მომავლის ტექნოლოგიური რევოლუციის სათავე. როგორც ჩვენთან საუბარში პროფესორმა ჯემალ ხუბუამ განაცხადა, ფიზიკა არ არის განყენებული მეცნიერება. იგი თავის თავში მოიცავს მეცნიერების სხვადასხვა მიღწევებს. მათ შორისაა კომპიუტერული მეცნიერებები, რომლის გარეშეც შეუძლებელია იმ ინფორმაციის გადაზიდვა, რომელიც CERN-ში ATLAS-ექსპერიმენტზე გროვდება. ეს, დაახლოებით, იმ რაოდენობის ინფორმაციაა, რამდენიც შეიძლება 100 000 CD-ზე დაეტიოს. კომპიუტერული ტექნიკის განვითარება და მძლავრი სისტემის შექმნა ამ ინფორმაციის გადაზიდვის აუცილებლობამ გამოიწვია.

GRID ბადეს ნიშნავს და ეს სისტემა, ჯერჯერობით, სამეცნიერო სფეროში იწყებს ფეხის მოკიდებას. წლების შემდეგ იგი ისეთივე ხელმისაწვდომი გახდება ყველასთვის, როგორც დღეს WWW -ს სისტემა.



თსუ-ის მკვლევართა ბრძოლა ლეიკემიის დასამარცხებლად

თამარ ღაღინი

თსუ-ის ზუსტ და საბუნებისმეტყველო მეცნიერებათა ფაკულტეტის იმუნოლოგისა და მიკრობიოლოგიის მიმართულებაზე რუსთაველის ეროვნული სამეცნიერო ფონდის მიერ დაფინანსებული მნიშვნელოვანი პროექტები ხორციელდება. ახალგაზრდა მეცნიერთა ჯგუფი წარმატებით აგრძელებს მუშაობას. თსუ-ის ზუსტ და საბუნებისმეტყველო მეცნიერებათა ფაკულტეტის იმუნოლოგიისა და მიკრობიოლოგიის ქვემიმართულებაზე არსებული მეორე ძირითადი კვლევითი თემატიკაა: B ქრონიკული ლიმფოციტური ლეიკემიის იმუნოთერაპია. ამ თემატიკის ფარგლებში ამჟამად მიმდინარეობს სესფ-ის საგრანტო პროექტი „CD4+ ციტოტოქსიური T უჯრედებით განპირობებული იმუნური პასუხები B უჯრედული ქრონიკული ლიმფოციტური ლეიკემიის (B-ქლლ) დროს“.

პროექტის შესახებ გვესაუბრება პროექტის მენეჯერი, თსუ-ის ზუსტ და საბუნებისმეტყველო მეცნიერებათა ფაკულტეტის იმუნოლოგიისა და მიკრობიოლოგიის ქვემიმართულების სასწავლო-სამეცნიერო ლაბორატორიის გამგე, ბიოლოგიის მეცნიერებათა დოქტორი ნინო კულიკოვა: „B ქრონიკული ლიმფოციტური ლეიკემია (B-ქლლ) — დასავლეთის ქვეყნებში ლეიკემიის

ყველაზე გავრცელებული ფორმაა ზრდასრულებში. დაავადებულთა ასაკია 45 წელს ზემოთ. დაავადება მეტად ჰეტეროგენულია სხვადასხვა პარამეტრების მიხედვით, მათ შორის პროგნოზულადაც: პაციენტთა ნაწილში დაავადება ნელა მიმდინარეობს

და არ საჭიროებს ინტენსიურ თერაპიას იმ დროს, როცა ნაწილ პაციენტებში დაავადება სწრაფად პროგრესირებადია და აგრესიულ თერაპიას საჭიროებს.

წლების განმავლობაში ჩვენი კვლევითი ჯგუფი, აღნიშნული თემატიკის ფარგლებში,



ძირითადად ორი მიმართულებით მუშაობს: ახალი პროგნოზული მარკერების გამოვლენა და სიმპტომური უჯრედების განადგურების ახალი მიდგომების შემუშავება (მაგალითად, სიმპტომური უჯრედების განადგურება ე.წ. ბისპეციფიური მონოკლონური ანტისხეულების გამოყენებით). თემატიკის ფარგლებში დიდი ხნის თანამშრომლობა გვაკავშირებს ლონდონის საუნივერსიტეტო კოლეჯის (ქ. ლონდონი, დიდი ბრიტანეთი) იმუნოლოგიის დეპარტამენტთან და ვესტმინსტერის უნივერსიტეტის (ქ. ლონდონი, დიდი ბრიტანეთი) ბიოსამედიცინო მეცნიერებების დეპარტამენტთან, ასევე, ბრესტის უნივერსიტეტის (ქ. ბრესტი, საფრანგეთი) იმუნოლოგიის დეპარტამენტთან. 1999 წლიდან აღნიშნული თემატიკის ფარგლებში მივიღეთ რამოდენიმე სამეცნიერო გრანტი.

ასევე აღსანიშნავია, რომ აღნიშნული თემატიკის ფარგლებში ჩვენი შემდეგები წარმოდგენილი გვქონდა 20-მდე საერთაშორისო მაღალი დონის კონფერენციებზე და გამოცემულია 5 სამეცნიერო ნაშრომი მაღალ იმპაქტ-ფაქტორის მქონე სამეცნიერო ჟურნალებში. მიღებული შედეგები წარმოდგენილია რამდენიმე საერთაშორისო კონფერენციასა და კონგრესებზე.

ბუნების კაცი

ვიცნობთ თუ არა პროფესორ არნოლდ გეგეჭკორს?



ბევრი გაიკვირებ, ვიცნობთ აბა არ ვიცნობთ, ის ხომ თბილისის სახელმწიფო უნივერსიტეტის პროფესორია და თანაც ბავშვობიდან მის სატელევიზიო გადაცემა „ბუნების კარზე“ გავიზარდეთ? მეც მეგონა, რომ ვიცნობდი, როგორც დიდ მეცნიერსა და კარგ ორატორს, მეგონა, რომ, როგორც ბევრი სხვა, მხოლოდ პატიოსნებით, ადამიანობით და უკიდვანო განათლებით გამორჩეული პიროვნებაა, მაგრამ შევცდი... ის ჩემი მეგობარი ყოფილა ისევე, როგორც თქვენი მეგობარიც არის და გეტყვით, რატომ...

მაია ტორაძე

არნოლდ გეგეჭკორი არ არის მხოლოდ მეცნიერი... მხოლოდ მოგზაური... მხოლოდ ფოტოხელოვანი... ის ამ ყველაფერზე დიდია, რადგანაც ვაჟსა და ანას შემდეგ, ალბათ, შეიძლება ითქვას, ყველაზე ახლოს მივიდა ხმელ ნიფელთან და შვლის ნუკრთან, თუთასაც გაესაუბრა, ომკიც მოინახულა, მთასაც იყო და მწვერვალზეც

იდგა... მერე მოვიდა და ყველაფერი ახლოს, ხელის განვადენაზე მოგვიტანა — ეს ჩვენი ბუნებაა, ჩვენი სახლია, ჩვენი ადგილის დედა და „ამას კაცი ცოლივლის ხელით არ უნდა შეეხოს“... მე ბატონ ოტია იოსელიანზე უკეთ ვერ ვიტყვი... ის კი სულ რაღაც ორი დღის გაცნობილ ადამიანზე წერს: „ყველას მეგობარია არნოლდ გეგეჭკორი, ვინც ბუნებაში თხასავით არ დაპეტელობს, ხასხასა ხვერდოვან კორდს მარტო მოსაბლღვენელად არ უყურებს, პირიმივე ყვავი-

ლებს — გასათელად და იდუმალ ტყეებს — გასაჩენად. ვინც იცის, ქათქათა მწვერვალზე მარტო თოვლი და ყინვა არაა, ვისაც სწამს, მაღლა რომ ღმერთია და ვისი მოდარაჯე თვლიც ანგელოზებს უცქერის. ვინც იცის, სანამ მინაზეა, მინას, ბუნებას არ უნდა ამძიმებდეს... აჰა, ის ფორმულა, რატომაც არის ჩვენი მეგობარი არნოლდ გეგეჭკორი... და ამით აუცილებლად უნდა ვიამაყოთ, რადგან ვისაც მამული ცვრიან ბალახზე ფეხშიშველად სიარულით შეგვივარდინა, ბატონი არნოლდის მეგობრების: მუხრან მაჭავარიანის, ანა კალანდაძის, შოთა ნიშნიანის, გურამ დორაძის, ოტია იოსელიანის სახელების გვერდით მოგვიწევს დადგომა...

ძნელია, ერთ საგაზეთო ნერილში ჩაატო ყველაფერი, რისი თქმაც ამ ადამიანზე შეიძლება. ვერ დანერ მასზე, როგორც მხოლოდ მეცნიერზე, რადგან იქვე უნდა მიანერო, როგორ აკავშირებს ერთმანეთთან ხეა და ქვას, ტაძარს და პეიზაჟს, ჯვარსა და ვაზს, ლექსსა და ფოტოს. მისი 50-მდე სამეცნიერო ნიგნიდან არც ერთი არ გამოსულა ამ პარალელებისა და პოეტური შედარებების გარეშე, თუ სადმე ვაზი უხსენებია, იქვე დაურთავს ფოტო მინაწერით „ვაზო შელიციე ნაზარდო“, თუ სადმე მთაზე უსაუბრია, იქვე მიუხატავს გერგეტის სამება ანას სტრიქონით: „ჩამოშვავებულ კლდეებზე, მაღლა ვინ დადგა სახლი? ვინ დადგა სახლი? ნისლმა? ღრუბლებმა? წვიმამ? ქარებმა? იდუმალემა! იდუმალემა!“

მაპატიოს მკითხველმა ემოციურობა (ჩვენ ხომ ასეთ დროში გვინებს ცხოვრება, როცა ჟურნალისტს ნაკლებად მოეთხოვება ემოცია), მაგრამ არნოლდ გეგეჭკორზე სხვაგვარად ვერ ვწერ — ის ბუნების კაცია და ცხოვრების ნახევარი ტყეში, ქარში, უდაბნოსა და ველზე გაუტარებია, ბევრი უფიქროსა და ეს ნაფიქროსი ფოტოსა და პოეტურ სტრიქონებში გადაუტანია. ის არის ბიოლოგიც და ფილოლოგიც, ჟურნალისტიც და არქეოლოგიც, გეოგრაფიც და

ალბინისტიც... ერთ ადამიანს დედამიწის ხუთივე კონტინენტი მოუვლია და ფემინებელური სასტუმროების ნომრების ნაცვლად ახალი ზეულანდიისა და ავსტრალიის ველურ ტომებთან თვეები უცხოვრია...

მივყვით თავიდან და თუ გამოგვიცია, იქნებ ერთი ახალი შტრიხიც შევმატოთ არნოლდ გეგეჭკორის პორტრეტს, რომლის დახატვა მე კი არა, კლასიკოსებსაც უცდიათ და სათქმელი მრავალნერტილით დაუსრულებიათ.

2000-2001 წლების „საერთაშორისო პიროვნება“

ცნობილი ზოოლოგი, ბიოგეოგრაფი, პუბლიცისტი და მოგზაური, პროფესორი არნოლდ გეგეჭკორი ივანე ჯავახიშვილის სახელობის თბილისის სახელმწიფო უნივერსიტეტში მოღვაწეობის პარალელურად, უცხოეთის სხვადასხვა უნივერსიტეტთანაც თანამშრომლობს. მისი ბიოგრაფიის მხოლოდ ბოლო ნაწილზე თვალის გადავლებით ვეცნობით, რომ ის არაერთი პრესტიჟული სამეცნიერო საზოგადოების წევრი, სახელმწიფო პრემიის, პ. მელიქიშვილისა და ი. გოგებაშვილის პრემიების ლაურეატი და 2000-2001 წლების „საერთაშორისო პიროვნების“ ნომინანტი მფლობელია.

იგი ლექციების ნასაკითხად მინვეული იყო ბიოლოგიისა და გეოგრაფიის ფაკულტეტებზე: აშშ-ში (ატლანტის უნივერსიტეტი), ავსტრალიაში (სიდნეი — ახალი უელსის უნივერსიტეტი, მელბურნი — მონაშის უნივერსიტეტი), ახალ ზელანდიაში (ოკლენდის უნივერსიტეტი), აფრიკაში (კენია — ნაირობის უნივერსიტეტი, ტანზანია — დარ-ეს-სალამის უნივერსიტეტი), მექსიკაში (მეხიკო-სიტის აგრარული უნივერსიტეტი), ეკვადორში (კიტოს უნივერსიტეტი).

მე-16 გვირგვინი

ნიგნის თარო

გერმანელებს ქართული ზმნის შეცნობისკენ გზას ახალი სახელმძღვანელო უხსნის

თამარ ღაღინი

20 ოქტომბერს თსუ-ის აკაკი შანიძის სახელობის აუდიტორიაში ბერლინის ჰუმბოლდტის უნივერსიტეტის (გერმანია) პროფესორის შტეფი ხოტივარი-იუნგერის მიერ მომზადებული ნიგნის „Georgische Verbtabelle“-ის (ქართული ზმნის ტაბულა) პრეზენტაცია გაიმართა. ნიგნი დაბეჭდა გამომცემლობა Bruske-მ, რომელიც გახლავთ სპეციალიზებული გამომცემლობა უცხო ენების შემსწავლელთათვის. ნიგნის თანაავტორები არიან: თსუ-ის პროფესორი, ქალბატონი დამანა მელიქიშვილი და ლია ვიტეკი. გამოცემა განკუთვნილია ბერლინის ჰუმბოლდტის უნივერსიტეტში ქართული ენის შემსწავლელი ჯგუფებისათვის. თუმცა ნიგნი სხვა გერმანელთათვისაც იქნება ხელმისაწვდომი.

როგორც ითქვა, ქართული ენის შესწავლის მსურველებს განსაკუთრებულ პრობლემებს უქმნის ქართული ზმნა, რადგან ქართული სინტაქსი, რომლის ღერძსაც ზმნა წარმოადგენს, სრულიად განსხვავდება ევროპული ენების სინტაქსიგან. სახელმძღვანელო ეყრდნობა ქართული ზმნის უღლებადი ფორმების გრამატიკულ კლასიფიკაციას, რომელიც მოცემულია პროფესორ დამანა მელიქიშვილის ნიგნში „ქართული ზმნის უღლების სისტემა“ (2001 წ.). გერმანულ სახელმძღვანელოში „Georgische Verbtabelle“ წარმოდგენილია ძირითადი ფორმები 800 ქართული ზმნისთვის, თითოეული ზმნის ძირითადი ფორმების გასწვრივ მითითებულია შესაბამისი პარადიგმის ნომერი და მელიქიშვილის ნაშრომის მიხედვით, რაც ქართული ენის შემსწავლელთ ქართული ზმნის უღლების სისტემაში გარკვევას უადვილებს.

ნიგნის — „Georgische Verbtabelle“ პრეზენტაციას ესწრებოდნენ ქართული ენის სპეციალისტები, მეცნიერები და ენის შესწავლით დაინტერესებული სტუდენტები.

ნიგნის თანაავტორმა, თსუ-ის პროფესორმა დამანა მელიქიშვილმა დამსწრე საზოგადოებას მოახსენა, თუ როგორ დაიბადა ამ ტიპის სახელმძღვანელოს შექმნის იდეა: „რამდენიმე წლის წინ ერთ-ერთ სამეცნიერო კონფერენციაზე შევხვდი შტეფი ხოტივარს, რომელმაც შემომთავაზა — ერთად გაგვეკეთებინა სახელმძღვანელო იმ გერმანელი

სტუდენტებისათვის, რომელთაც ქართული ენის შესწავლა სურთ. ეს პრაქტიკული სახელმძღვანელო ორი წლის თანამშრომლობის შედეგად შეიქმნა. მისი ანალოგიით შეიძლება სხვა ენებზეც მომზადდეს ქართული ზმნის პრაქტიკული კურსი უცხოელეებისათვის“.

თსუ-ის პროფესორმა მარიამ ლორთქიფანიძემ აღნიშნა, რომ ქართული კულტურის პოპულარიზაციისათვის სახელმძღვანელოს დიდი მნიშვნელობა აქვს: „ამ ნიგნის პროპაგანდას სათანადო ყურადღება უნდა მიექცეს როგორც სამეცნიერო, ისე სახელმწიფო სტრუქტურების მხრიდანაც, რადგან ასეთი სახის სამეცნიერო ნაშრომები არა მარტო ქართული მეცნიერების განვითარებას, არამედ ქართული სახელმწიფოს, ქართული ისტორიისა და კულტურის პოპულარიზაციას უწყობს ხელს“.

ქალბატონმა შტეფი ხოტივარმა საინტერესო ისაუბრა ნიგნის მნიშვნელობაზე. „იმეღს ვიტოვებთ, რომ ამ ნიგნის გამოცემით ქართული ენის შესწავლის უფრო მეტ მსურველს მოვიზიდავთ და, რაც მთავარია, მათ ქართული ენის სპეციფიკაში გარკვევას გაუადვილებთ. ქართული ზმნის თავისებურებები უცხოელეებისთვის ყოველთვის ძნელად გასაგები იყო. დღეს ეს პრობლემა, გარკვეულწილად, მოხსნილია. დიდ მადლობას მოვახსენებ ქალბატონ დამანას და ყველას, ვინც ამ ნაშრომის შედგენასა და გამოცემაში დაგვეხმარა. დღეს ქართული ენის შესწავლით დაინტერესებული 24 სტუდენტი მყავს და, ამ ნიგნის საშუალებით, იმედი მაქვს, ეს რაოდენობა კიდევ უფრო გაიზარდება“, — აღნიშნა შტეფი ხოტივარმა.

ბერლინის ჰუმბოლდტის უნივერსიტეტის პროფესორი შტეფი ხოტივარი-იუნგერი ქართული ისტორიისა და კულტურის დიდი დამფასებელი და პროპაგანდისტი. მას მნიშვნელოვანი წვლილი აქვს შეტანილი გერმანიაში ქართული ლიტერატურის თარგმნისა და პოპულარიზაციის მხრივ. მისი ძალისხმევით მრავალი გერმანელი სტუდენტი დაინტერესდა ქართული კულტურის გაცნობით, ქართული ენისა და ლიტერატურის საფუძვლიანი შესწავლით. გერმანელი პროფესორის არჩევანი ქართული საქმის კეთებაა, რაც მის ბიოგრაფიულ მონაცემებშიც გაცხადდა: „დავიბადე 1952 წელს გერმანიაში. 17 წლის ასაკში მოვხვდი საქართველოში და სწორედ აქედან დაიწყო

ჩემი დაინტერესება ქართული კულტურით, ისტორიით, ენით... სამწუხაროდ, იმ დროს არ არსებობდა ისეთი ლექსიკონები, რომელიც ქართული ენის შესწავლაში დამეხმარებოდა. ბერლინის ჰუმბოლდტის უნივერსიტეტის III კურსის სტუდენტი გაცვლითი პროგრამის წყალობით ჩამოვედი საქართველოში და ერთი წლით გავაგრძელე სწავლა თბილისის სახელმწიფო უნივერსიტეტში, სადაც ქართულ ენასა და ლიტერატურას ვსწავლობდი. უნივერსიტეტის დამთავრების შემდეგ ბერლინის ჰუმბოლდტის უნივერსიტეტში ვმუშაობდი. სადისერტაციო თემად კონსტანტინე გამსახურდიას შემოქმედება ავირჩიე. საბჭოთა კავშირის დაშლის დროს უნივერსიტეტის ხელმძღვანელობამ მიზოვნა, რომ გერმანელი სტუდენტებისთვის ქართული ენა შესწავლებინა და ამ საქმიანობას დღესაც სიამოვნებით ვაგრძელებ.

აღსანიშნავია, რომ ჩვენს უნივერსიტეტთან არსებობს საზოგადოებრივი სკოლა ქართული ენის შემსწავლელთათვის. წელს ქართული ენის შესწავლით დაინტერესებული 10 სტუდენტი გვყავდა. სახელმძღვანელო „Georgische Verbtabelle“ მათ სწავლების პირველ ეტაპზე მეტად დაეხმარება და იმედი მაქვს, რომ მათი ქართული ენის შესწავლით დაინტერესება უფრო ღრმა და მოტივირებული გახდება“, — განაცხადა ქალბატონმა შტეფიმ.



რამდენად აკმაყოფილებს მოთხოვნებს სამეცნიერო ხარისხების დაცვის დონე



საბჭოთა პერიოდში მეცნიერთა ერთი ნაწილის სამეცნიერო ხარისხებზე ხუმრობდნენ: „ერთი სამეცნიერო სტატიიდან სტრუქტურის გადმოწერას ციტირება ეწოდება, ბევრიდან ამოკრეფას კი – სადისერტაციო ნაშრომით“. სამწუხაროდ, ამ ხუმრობას საფუძველი ჰქონდა, რადგან მაშინ სერიოზულ და ფუნდამენტურ ნაშრომებთან ერთად ისეთი დისერტაციებიც იწერებოდა, რომელსაც სამეცნიერო ღირებულება არ გააჩნდა. შედეგად, იკლო სიღრმისეულმა სამეცნიერო კვლევებმა და სამეცნიერო ხარისხების დაცვის დონე და იმატა გადაწერ-გადმოწერის ხელოვნებას. საბოლოო ჯამში, აქა-იქ გამონათებული საფუძველიანი კვლევებმა და მეცნიერულ ნაშრომებთან ერთად, დაგროვდა მდარე ხარისხის დისერტაციები, რომლებმაც ადგილი ბიბლიოთეკების კატალოგებში დაიმკვიდრეს.

მაია ტორაძე

უმალესი განათლების რეფორმამ ამ პრობლემაზე სხვაგვარად დაგვაფიქრა. გადაიდგა ბოლონის პროცესთან დაახლოებისთვის აუცილებელი ნაბიჯები: გაუმჯობესდა სამსაფუძურიანი სწავლებისთვის საჭირო მატერიალურ-ტექნიკური ბაზა, თავიდან დაინერა საბაკალავრო, სამაგისტრო და სადოქტორო პროგრამები, ფაკულტეტების მიხედვით შემუშავდა სამივე საფეხურზე მიღების წინაპირობები, ჩამოყალიბდა სადისერტაციო საბჭოები და დისერტაციის დაცვის დებულებები. დღეს უკვე უნივერსიტეტის, როგორც კვლევითი და სასწავლო უმაღლესი საგანმანათლებლო დაწესებულების დონე იმით განისაზღვრება, თუ როგორ ასწავლის, რა დონის სამეცნიერო კვლევებს აწარმოებს და როგორ ხდება სამეცნიერო ხარისხების მინიჭება მისი სადისერტაციო საბჭოების მიერ.

ივანე ჯავახიშვილის სახელობის თბილისის სახელმწიფო უნივერსიტეტს რეფორმის განხორციელებაში იოლი გზა არ აუჩრევია. ახლად ჩამოყალიბებული (მათ შორის დღისათვის რეიტინგული) უნივერსიტეტებისაგან განსხვავებით, მას პარალელურ რეჟიმში მოუწია ძველის შეცვლა და ახლის დამკვიდრებამ, რაც გაცილებით რთული და მტკიცეული პროცესი იყო.

რეფორმის მოთხოვნის შესაბამისად, შეიცვალა დოქტორანტურაში ჩაბარების და სამეცნიერო ხარისხის მინიჭების წესიც. ყველაზე მეტი დრო დასჭირდა სადისერტაციო საბჭოების დებულებების შემუშავება-დამტ-

კიცებას, რის გამოც გარკვეული ხნით შეჩერდა დისერტაციების დაცვის პროცედურა. უნივერსიტეტის ახალი დებულების თანახმად, ის ასპირანტები, ვისაც საკანდიდატო მინიშნები უკვე ჩაბარებული ჰქონდათ, უცხო ენის ჩაბარების შემდეგ თავიდან გახდნენ დოქტორანტები. მათ ხელმძღვანელები შეეცვალებათ (ან დაემატათ) და ნაშრომების თანამედროვე მოთხოვნათა დონეზე გადაკეთება მოუხდათ. ამ ეტაპზე სწორედ დოქტორანტების ეს თაობა იცავს სამეცნიერო ხარისხს.

რა მდგომარეობაა დღის მონაცემებით? ამაღლდა თუ არა დისერტაციების სამეცნიერო ღირებულება? ამ კითხვებზე ჯერ გადაჭრით საუბარი ნაკლებად შესაძლებელია, რადგან, როგორც სადისერტაციო საბჭოების წარმომადგენლებმა განაცხადეს, დოქტორანტთა ახალი თაობა დისერტაციებზე ჯერ ისევე მუშაობს, ინდივიდუალური პროგრამით მომუშავე დოქტორანტები კი (ყოფილი ასპირანტები) ეტაპობრივად იცავენ სადოქტორო დისერტაციებს, რომლებიც ძირითადად ძველი სტრუქტურითაა შესრულებული და მათი ხარისხი ნაწილობრივ აკმაყოფილებს მოთხოვნებს.

ელგუჯა ხინთიბიძე, თსუ-ის პროფესორი, ჰუმანიტარულ მეცნიერებათა ფაკულტეტის სადისერტაციო საბჭოს თავმჯდომარე: „დღევანდელი სადისერტაციო საბჭოს სტრუქტურა აბსოლუტურად შეცვლილია. მისი ფუნქციაა, დოქტორანტს დაუმტკიცოს დისერტაციის თემა და ხელმძღვანელი, შემდგომ კი დაამტკიცოს მისი სამეცნიერო ხარისხი. რაც შეეხება დისერტაციის დაცვის პროცედურას, ეს ხდება დარგობრივი კო-

მისი წინაშე, რომელიც მუდმივი არ არის, რადგან ყველა დისერტანტისთვის საგანგებო კომისია იქმნება.

ახალი დებულებით, საბჭო ამონებს დოქტორანტის დოკუმენტაციას, არგულობს — შეიძლება თუ არა ნაშრომი გაიგზავნოს დაცვაზე, ვინ გამოიყოს ოპონენტებად, როდის შედგეს დაცვა და ა.შ. განსაკუთრებულ შემთხვევაში ჩვენ ვიტოვებთ უფლებას, თავიდან გადაიხედოს დოკუმენტაცია და თუ საჭიროება მოითხოვს, საბჭოს სხდომაზე დისერტანტთან გასაუბრებაც გაიმართოს. დებულების შემუშავებაზე ჩვენ დიდხანს ვიმუშავეთ, მოსაზრებები შევაჯერეთ და საბოლოოდ დავამტკიცეთ მიმართულებისთვის მისაღები ვარიანტი, რომელიც თითქმის ყველა წინააღმდეგობა გავითვალისწინეთ.

რაც შეეხება სამეცნიერო ხარისხების დაცვის დონეს — ამ ეტაპზე ახლად ჩარიცხული დოქტორანტები სადისერტაციო ნაშრომებზე ჯერ კიდევ მუშაობენ და საბოლოო შედეგის მიღებამდე 3-5 წელი აქვთ. ამიტომ ახალი დებულების მიხედვით შექმნილი ნაშრომები ჩვენამდე თითქმის არ მოსულა. მიუხედავად ამისა, დისერტაციების დაცვის რიცხვი მაინც მაღალია, რადგანაც სადისერტაციო საბჭოს მუშაობის განახლებიდან დღემდე დისერტაციები მოაქვთ იმ ასპირანტებს, რომლებსაც თემაზე მუშაობა ახალი დებულების მიღებამდე დასრულებული ჰქონდათ. უნდა ითქვას, რომ ახალმა მოთხოვნებმა, ახალმა დებულებამ და ხელმძღვანელების ცვლამ (ზოგიერთს უცხოელი თანახელმძღვანელი ჰყავს და უფრო მეტადაა ნაშრომში ჩართული ევროპული გამოცდილება), დისერტაციების შესრულების ხარისხზე გავლენა მოახდინა, თუმცა გადაჭრით არ შემიძლია გითხრათ, გაუმჯობესდა თუ არა მათი ხარისხი, რადგან ეს რომ თქვა, ძალიან დაწვრილებით უნდა შეისწავლოთ თითოეული დისერტაცია.

ჩემი ზოგადი მოსაზრება ამ საკითხთან დაკავშირებით გახლავთ ის, რომ ხარისხობრივად, ჯერჯერობით, დაახლოებით იგივე დონე გვაქვს, რაც ახალი დებულების ამოქმედებამდე გვქონდა, რადგან ეს იგივე თემები და იგივე წესით შესრულებული ნაშრომებია, როგორც ადრე გვქონდა.

აქვე მინდა აღვნიშნო, რომ სადისერტაციო საბჭოს დებულების შემუშავების პროცესი ჩვენს უნივერსიტეტში საკმაოდ გაინეწია და, ამავე დროს, ხარისხზე ორიენტირებული დებულება მიგველო. ამ მიზნით გადავწყვიტეთ, რომ ასპირანტებს უცხო ენა ჩაებარებინათ, დოქტორანტები გახდარიყვნენ და ახალი მოთხოვნების შესაბამისად ნაშრომში ბევრი რამ შეეცვალათ. სხვა უნივერსიტეტები ასე არ მოქმედებდნენ. მათ პირდაპირ მისცეს ასპირანტებს დისერტაციის დაცვის უფლება და არ დაფიქრდნენ, ჰქონდათ თუ არა კონკრეტულ დარგში სამეცნიერო ხარისხის მინიჭების სტატუსი. იმის გამო, რომ ჩვენ მაღალი მოთხოვნები დავანესეთ, ბევრი ასპირანტი წავიდა და სხვაგან დაიცვა დისერტაცია. მაგალითად, ბერძნულ ენაში, რომელიც, ფაქტობრივად, მხოლოდ ჩვენთან ისწავლება, ჩვენმა ყოფილმა ასპირანტებმა ტექნიკურ უნივერსიტეტში დაიცვეს დისერტაცია. ეს დიდი შეუსაბამობა და ბევრ

კითხვას ბადებს — არ ვიცით, რა დაიცვეს, როგორ დაიცვეს და რამდენად სერიოზული იყო ეს პროცედურა“.

დღეისთვის თსუ-ში 90-მდე სადოქტორო პროგრამა მოქმედებს. თითოეული მათგანი მიბმულია კვლევაზე, რაც საბოლოო ჯამში სამეცნიერო ნაშრომების ხარისხსაც ამაღლებს და დოქტორანტების პროფესიულ და კარიერულ ზრდასაც ჩაუყრის საფუძველს.

როგორც ჩვენთან საუბარში თსუ-ის ხარისხის უზრუნველყოფის სამსახურის უფროსი, პროფესორი ანასტასია ზაქარიაძე აღნიშნავს, იმისათვის, რომ უნივერსიტეტმა ხელი შეუწყოს ხარისხიანი სამეცნიერო ნაშრომების შექმნას და მაღალი დონის დოქტორების მომზადებას, სხვადასხვა ღონისძიების გატარებაა დაგეგმილი.

ანასტასია ზაქარიაძე: „უნივერსიტეტის სადოქტორო პროგრამებისადმი დიდ ინტერესს ადასტურებს თუნდაც ის ფაქტი, რომ მაღალი სხვადასხვა უნივერსიტეტებიდან მობილობის წესით გადმოსულ დოქტორანტთა რიცხვი. ჩვენთან სადოქტორო პროგრამები ძირითადად კვლევაზეა მიბმული, რასაც გარდა მაღალკვალიფიციური კადრებისა, სათანადო მატერიალურ-ტექნიკური რესურსებისა, სჭირდება. ამისთვის, რეკომენდაციით შევდივართ ადმინისტრაციის წინაშე, რომ უნივერსიტეტმა ბიუჯეტში გაითვალისწინოს და გაზარდოს ხარჯები სამეცნიერო, მათ შორის, სადოქტორო კვლევებისთვის.“

ასევე ვგეგმავთ, რომ გამოვაცხადოთ კონკურსი შიდასაუნივერსიტეტო გრანტების მოპოვებაზე. წინაპირობაში აუცილებლად იქნება მითითებული, რომ ამ გრანტებში უნდა ჩაერთონ დოქტორანტები, რომლებიც სერიოზული კვლევის შედეგად დაიცავენ დისერტაციებს, ამასთანავე, გაეხსნებათ გზა კარიერული წინსვლისაკენ. თანაც ისინი იმუშავენ უნივერსიტეტისთვის პრიორიტეტულ საკითხებზე.

ვეფქრობ, ამ კუთხით ძალიან დიდ დახმარებას გავიწვევ უნივერსიტეტის სისტემაში გაერთიანებული სამეცნიერო-კვლევითი ინსტიტუტები, რომელთაც დიდი სამეცნიერო პოტენციალი აქვთ და დახმარებას გაუწევენ უნივერსიტეტს მაღალი დონის კვლევების წარმოებაში.

ამ კუთხით კიდევ ერთი სერიოზული ჩანაფიქრი გახლავთ ის, რომ გვიანდა უნივერსიტეტში ჩამოყალიბდეს სადოქტორო სკოლა, რომელიც დოქტორანტები გაერთიანდებან. ეს მათ საშუალებას მისცემს, მიუძღვოდ საქმის კურსში იყვნენ, გაიგონ, ვინ რა თემაზე მუშაობს, რა ხდება მათ მომიჯნავე და მონათესავე დარგებში. საერთო სემინარებზე, დისკუსიასა და აზრთა გაცვლა-გამოცვლას პირობებში წარმოიშობა ახალი იდეები, ახალი კონტაქტები, ინტერდისციპლინარული ნაშრომების შექმნის წინაპირობა და საფუძველი“.

რეფორმის შემდგომ პირველი თაობის დოქტორანტებისთვის კვლევისა და დისერტაციის დასრულების ვადები ჯერ არ ამოწურულა. სულ ცოტა ხანში სრული სურათი გამოიკვეთება — გაიზარდა თუ არა სამეცნიერო დისერტაციების ხარისხის დონე თბილისის სახელმწიფო უნივერსიტეტში.

აკაკის კვირეული თსუ-ში

პირველი გვირგვინი

კონკურსში გამარჯვებულთა დაჯილდოების ცერემონია სხვიტორში, აკაკი წერეთლის სახელობის სახლ-მუზეუმში გაიმართება.

თბილისის სახელმწიფო უნივერსიტეტის რექტორის მოვალეობის შემსრულებელმა ალექსანდრე კვიციანიამ ღონისძიების მონაწილეებს კვირეულის გახსნა მიულოცა და მწერლის შემოქმედებაზე ისაუბრა. მისი აზრით, სიმბოლურია ის ფაქტი, რომ აკაკი წერეთლის 170 წლისთავისადმი მიძღვნილი კვირეული პირველი ქართული უნივერსიტეტიდან დაიწყო.

როგორც ჰუმანიტარულ მეცნიერებათა ფაკულტეტის დეკანმა დარეჯან თვალთვაძემ შეხვედრაზე განაცხადა, აკაკი წერეთლის შემოქმედებას უნივერსიტეტში კიდევ არა ერთი საინტერესო ღონისძიება მიეძღვნება. „სასიამოვნოა, რომ დარბაზში ახალგაზრდების სიმრავლეა. განათლებისა და მეცნიერების სამინისტროს მიერ ორგანიზებული კვირეულის ფარგლებში, რომელშიც აქტიურად ჩაერთვნენ ჩვენი პროფესორ-მასწავლებლები და სტუდენტები, კიდევ ერთხელ მოგვეცა იმის საშუალება, რომ გავისვენოთ დიდი პოეტი და მისი შემოქმედება“.

— განაცხადა დარეჯან თვალთვაძემ. პლენარული სხდომა პროფესორმა ლადო მინაშვილმა გახსნა, რომელმაც თავის მოხსენებაში ვრცლად ისაუბრა აკაკი წერეთლის ღვაწლსა და შემოქმედებაზე. ფილოლოგიის მეცნიერებათა დოქტორის, ასოცირებული პროფესორის ნანა ფრუიძის მოხსენებამ „აკაკი წერეთლის თხზულებების აკადემიური გამოცემა“ დამსწრე საზოგადოების ინტერესი გამოიწვია. მისი ინფორმაციით, რადგან 2010 წელი აკაკის საიუბილეო წლად გამოცხადდა, დიდი მკონისის ხსოვნის პატივ-

ჭრით არა მარტო მომზადდა აკაკი წერეთლის სრული კრებულის ახალი აკადემიური გამოცემის პროექტი 20 ტომად, არამედ დაიწყო პირველი ათტომეულის გამოცემაც. მომდევნო ტომებიც მკითხველი მალე მიიღებს.

ახალ აკადემიურ გამოცემას დამამკვინებენ აკაკის ლირიკის მშვენიერი ნიმუშები, ლირიკულ ლექსებთან ერთად ოცტომეულში შევა სამი პოემა: „წმინდა ნინო“, „ანდრია პირველიწოდებული“ და „ასი წლის ამბავი“.

ოცტომეულში შევა აკაკის დრამატული პოემები, დრამატული თხზულებანი, პოე-

უთარილო, დაუმთავრებელი და ყრმობის-დროინდელი ლექსები.

„აკაკი წერეთლის შემოქმედება ჩვენი კულტურული საგანძურის ნაწილია. ვიმედოვნებთ, რომ აკაკის თხზულებათა აკადემიური გამოცემა ეროვნული მნიშვნელობის კულტურულ-ლიტერატურულ მოვლენად იქცევა“, — აღნიშნა ნანა ფრუიძემ.

პლენარულ სხდომაზე მოხსენებები წაიკითხეს სტუდენტებმა: ჟანა ხელაშვილი („აკაკი წერეთლის „გამზრდილის“ პრობლემატიკა და სტილი“), სოფიო ხელაშვილი („ქართული ეკლესიის როლი ქვეყნის ცოვრებაში აკაკი წერეთლის თორნიკე ერისთავის მიხედვით“) და დოქტორანტმა ნათია სიხარულიძემ („აკაკი წერეთლის პოეტური ენის თავისებურებები და გალაკტიონ ტაბიძის სიტყვათწარმოება“). საქართველოს განათლებისა და მეცნიერების მინისტრმა დიმიტრი შაჰინმა მომხსენებელი სტუდენტები სიგელებით დააჯილდოვა.

ღონისძიებას ესწრებოდა აკაკი წერეთლის სახლ-მუზეუმის დირექტორი ლილა ზამბახიძე, რომელმაც თსუ-ის ბიბლიოთეკას მუზეუმის მიერ გამოცემული წიგნები: „აკაკი ბავშვებს“ და „აკაკი ქრისტიანობის ქვეშაღი მქადაგებელი“ გადასცა.

„იკლო ჩემის მწერლობისა, — აცხადებდა აკაკი, სულ სხვაგვარი იქნება: ისეთს, ისეთს დაყვეფ, რომ კურდღლები ჩირგვებში აკანკალდნენ და მხეცები სორობიდან გამოვიყვანო. ვიცი, ბევრჯერ მესვრიან ქვას... ბევრჯერაც დამიტატანებენ, მაგრამ მე მაინც, სანამ ცოცხალი ვიქნები, ჩემსას არ მოვიშლი: პატარა ფინიასავით სხვის კალთაში თბილად წოლას და ნებივრობას, შარავ ზაზუნდ ყფის დროს სიკვდილი მიჩვენია“.

საცემად შოთა რუსთაველის ქართული ლიტერატურის ინსტიტუტის დირექტორის ირმა რატიანის ინიციატივით, თბილისის სახელმწიფო უნივერსიტეტის პარტნიორობით და რუსთაველის ფონდის ფინანსური მხარდა-

ჭრით თარგმანები, თარგმნილ-გადმოკეთებული ლექსები, იგავ-არაკები, თარგმნილი პიესები, ეპოსტოლორული მემკვიდრეობა; ასევე, ექვს ტომად იქნება წარმოდგენილი პუბლიცისტური წერილები; გამოქვეყნდება

ყველა უნდა ისწავლოს თუ არა საქართველოს ისტორია?

უნივერსიტეტის სხვა ფაკულტეტების (გარდა ჰუმანიტარულ მეცნიერებათა ფაკულტეტისა) სტუდენტები საქართველოს ისტორიის შესწავლით არ ინტერესდებიან, რადგან მხოლოდ პრაგმატული მიდგომით ირჩევენ საგნებს. რამდენად აუცილებელია საქართველოს ისტორიის შესწავლა ყველა სტუდენტისთვის, განურჩევლად პროფესიისა და რამდენად საჭიროა ამ საგნის პოპულარიზაცია? — ამ კითხვით მივმართეთ, არსებული პრობლემის ფონზე, გამოსავლის საპოვნელად იმ სპეციალისტებს, რომელთაც იციან, რა არის გასაკეთებელი ამ მიმართულებით...



მეშა პიკნაძე,
ჰუმანიტარულ მეცნიერებათა ფაკულტეტის პროფესორი, ისტორიკოსი:
— **საინტერესოა, რა დროით ისწავლება საქართველოს ისტორია პირველ ქართულ უნივერსიტეტში?**

— საქართველოს ისტორია, როგორც სავალდებულო საგანი, დღეს მხოლოდ ჰუმანიტარულ მეცნიერებათა ფაკულტეტის მიმართულებებზე ისწავლება. უნივერსიტეტის სხვა ფაკულტეტებზე კი საქართველოს ისტორია არჩევითად სწავლება მხოლოდ იმ შემთხვევაში, როცა იმის ნიშნავს, რომ ამ საგნის ასათვისებლად სტუდენტმა ერთი სემესტრის განმავლობაში 125 საათი უნდა დახარჯოს. ეს დრო ძალიან მცირეა იმისათვის, რომ სტუდენტს საქართველოს ისტორიის შესახებ საფუძვლიანი ცოდნა მისცეს — ეს მხოლოდ არსებითი და მთავარი საკითხების გასაცნობადაა საკმარისი. საქართველოს ისტორიასთან ასეთი მინიმალური შეხება უნივერსიტეტის სხვა ფაკულტეტების სტუდენტებს უნდა შეეძლოს, არსებულ რეალობაში კი სტუდენტისთვის საქართველოს ისტორიის მთავარ არსში გარკვევას მხოლოდ ჰუმანიტარულ მეცნიერებათა ფაკულტეტზე ვახერხებთ. თანაც სწავლა მხოლოდ ერთ სემესტრს მოიცავს, რაც ძალიან ცოტაა. სტუდენტი არა მხოლოდ ფაქტობრივ მასალას უნდა ფლობდეს, არამედ უნდა იაზროვნოს კიდევ ლექტორთან ერთად — ასეთი ანალიზისთვის ახალგაზრდა ჰუმანიტარულ საგნის კარგად ფლობა საჭიროდგება. დღევანდელია — ეს არ არის ის ეპოქა, როდესაც აკრძალულია რომელიმე საკითხზე მსჯელობა, თუნდაც გიორგი სააკაძის პიროვნების ირგვლივ... მე ყოველთვის ვეუბნები ჩემს სტუდენტებს, რომ მჭირდება მათი დახმარება ამ პიროვნების როგორც დადებითი, ისე უარყოფითი მხარეების წარმოჩენის მიზნით. მიუხედავად იმისა, რომ ფილმის შემდეგ გიორგი სააკაძე ისეთ გმირად იქცა, რომლის შესახებაც, ფაქტობრივად, აღარ მიმდინარებს მსჯელობა კრიტიკული თვალსაზრისით, სტუდენტებმა მის ფიგურას ყველა მხრიდან მაინც უნდა შეხედონ — ეს მათ აზროვნებისთვის საჭირო უნარ-ჩვევებს შესძენს. საქართველოს ისტორიის სწავლება ხომ მხოლოდ ფაქტობრივი მასალის გადაცემას არ გულისხმობს, იგი მოგვინდობს კრიტიკული აზროვნების კენკაც. მაგალითად, ძალიან მიხარია, როცა 200 კაციანი აუდიტორია მსჯელობაში მოგყვება და ცდილობს საინინააღმდეგო აზრების ჩამოყალიბებას. მე მათ ვაფრთხილებ, რომ თვითმიზნად არასდროს არ უნდა გაიხადონ რომელიმე ცნობილი პიროვნების ან აღიარებული გმირის კვარცხლბეკიდან ჩამოგდება, მაგრამ აუცილებელია, კრიტიკული თვალთაც შეხედონ სხვადასხვა ისტორიულ ფრაგმენტებს. არის რიგი საკითხებისა, რომელიც სახელმძღვანელოში წერია, რასაც ვერ დავეთანხმები... მიუხედავად ამისა, მე წყაროდ მაინც ვუთითებ სტუდენტებს ამ სახელმძღვანელოს და მათაც სრული უფლება აქვთ — თემა ისე ააგონ, როგორც ამ სახელმძღვანელოშია მოცემული, მაგრამ, ამავე დროს, უნდა იცოდნენ ბევრად მეტი, ვიდრე ამ წყაროებში წერია. სწორედ ამ მიზნით ვუთითებ ხოლმე მათ — გაეცნონ როგორც უცხოურ წყაროებს, ასევე ქართული წყაროების სერიოზული ანალიზის შედეგებს. ისტორია არის ტენდენციური, თუ ჩვენ წინა პლანზე ერთი რანგის ფაქტებს წამოვწევთ და მეორეს მივაჩუქებთ. ამიტომ ყველა ფაქტი უნდა შევაფასოთ და შევადაროთ ის სხვა ეპოქებსაც. უნდა ვისაუბროთ თანამედროვეობაზეც, თუ რატომ მოვედით დღემდე რაღაც ნაკლოვანებებით და ა.შ.

— **სხვა რომელ ფაკულტეტებზე ირჩევენ სტუდენტები საქართველოს ისტორიას, როგორც საგანს? თუ გაქვთ სტატისტიკა?**

— სხვა ფაკულტეტებზე სტუდენტთა მხოლოდ მცირე ნაწილი ითხოვს ისტორიის შესწავლას. შეიძლება ამის მიზეზი ჩვენი პასიურობაცაა, რადგან სხვა ფაკულტეტებზე ამ საგნის პოპულარიზაციას არ ვწვევით, არ ვუხსნიან სტუდენტებს, რომ ეს არ არის პარტიკული საგანი, რაც თავიდან ბოლომდე შეთხზული, გამოგონილი სიყალბე იყო. საქართველოს ისტორია არ გახლავთ ისეთი საგანი, რომელიც იძულებით უნდა ისწავლო. ამ საგნის პოპულარიზაციის კუთხით მუშაობას ორგანიზებაც სჭირდება. დეკანატი სტუდენტებთან შეხვედრებისთვის პირობებს უნდა გვიქმნიდეს.

— **ამ მხრივ თქვენი ფაკულტეტის დეკანი რამდენად აქტიურია?**

— ჩვენი ფაკულტეტის დეკანს სხვა ფაკულტეტებზე ისტორიის აქტიურად სწავლების სურვილი ნამდვილად აქვს. ჩვენ უფრო მეტი კონსულტაციები უნდა გვკრიფდეს ერთ-მანეთთან, რათა ეს საგანი სტუდენტებს ერთობლივი ძალისხმევით შევთავაზოთ.

— **სახელმწიფოს მხრიდან რაიმე დახმარება გჭირდებათ? თუნდაც აგიტაცია...**

— აგიტაცია უნდა დაინიშნოს არა იმაზე აქტიურად, რომ დაეცინოს საქართველოს ისტორიის სწავლა, არამედ საზოგადოებრივ მაუწყებელზე უნდა დაიწყოს პოპულარული ფილმების ჩვენება საქართველოს ისტორიისადმი. ერთი უნდა გავიგებინოთ ისეთი ფილმები, რაც სტუდენტს მეტი ცოდნის მიღების სურვილს გაუჩნდის.

— **საინტერესოა, სტუდენტთან თანამედროვე ისტორიაზე თუ საუბრობთ გულად?**

— თანამედროვე ეპოქაზე ხშირად ვაზარებ ლექციის კითხვას და არც მინდა ამ თემას შევეხო, რადგან სანამ არ გავა რაღაც პერიოდში, მანამდე ძნელია აბსოლუტური ობიექტურობით თანამედროვეობაზე საუბარი.

— **როგორ ფიქრობთ, საგანმანათლებლო რეფორმამ საქართველოს ისტორია „განირა“?**

— რეფორმის გატარება ყველაზე მტკივნეული და რთული პროცესია. არ არსებობს ქვეყანა, სადაც რეფორმის შემდეგ იგივე პრობლემები არ წარმოიშვას იმის გათვალისწინებით, რომ ჩვენ სრულიად ახალი სწავლების ფორმაზე გადავდივართ. მიმართება, რომ რეფორმა საქართველოს ისტორიასთან მიმართებაში არაფერ შუაშია. უბრალოდ, ჩვენ უნდა გამოვიჩინოთ მეტი მოქნილობა, რათა რეალობას მოვერგოთ. არ შეიძლება, ყველა მიმართულებით ბოლომდე დონეზე წამოყრილი თავისებურებანი არ გავითვალისწინოთ. ზოგიერთ უმაღლეს სასწავლებელში საერთოდ არ კითხულობენ საქართველოს ისტორიას. მისი სწავლება მათთვის არავის აუკრძალავს, უბრალოდ, თავად ეს სასწავლებლები თვლიან, რომ საქართველოს ისტორიის სწავლა არ არის საჭირო. მე კი მიმაჩნია, რომ თუ საქართველოს ისტორია არ იცის ადამიანმა, შემდეგ უკვე ზოგად პრობლემებზე, ინტერნაციონალიზმზე, მსოფლიო გლობალიზურ პროცესებზე და ა.შ. ვერ ისაუბრებს.

— **ანუ თვლით, რომ საქართველოს ისტორიას, როგორც საგანს, მეტი პოპულარიზაცია სჭირდება, რათა სტუდენტებმა სხვა ფაკულტეტებზეც აირჩიონ ეს საგანი...**

— ჩვენ ამას არავინ გვიკრძალავს, არც რაიმე დირექტივაა ზემოდან ნამოხსული, უბრალოდ მიმაჩნია, რომ ეს საკითხი უნდა მოავაროს უნივერსიტეტის ხელმძღვანელობამ თუნდაც აგიტაციის განვივის გზით.

მისივე ბასტაძე, ჰუმანიტარულ მეცნიერებათა ფაკულტეტის პროფესორი, ისტორიკოსი:
— ჩვენთვის დადებით ტენდენციად შეიძლება მივიჩნიოთ ის გარემოება, რომ ერთიან ეროვნულ გამოცდებზე აბიტურიენტთა ერთი ნაწილი ისტორიას აბარებს, ანუ მათ სკოლაში უკვე გავლილი აქვთ ეს საგანი და მათთვის, ვინც უნივერსიტეტის ჰუმანიტარულ ფაკულტეტზე მოხვდება, მხოლოდ ახალი ინფორმაციის მიწოდებაა გვეჭირდება. ასე რომ, ამ მხრივ, კატასტროფული სიტუაცია ნამდვილად არ არის. თუმცა უნივერსიტეტში მოდის ის კონტიგენტიც, რომელსაც მისაღებ გამოცდებზე ისტორია არ ჩაუბარებია. მათთვის საქართველოს ისტორიის ერთ სემესტრში შესწავლა კი ცოტა გვიჭირს.

— **სხვა ფაკულტეტებზე ისტორიას, როგორც არჩევით საგანს, ცოტა სხვადასხვა ირჩევენ. რა არის ამის მიზეზი?**

— ალბათ ჩვენ, საქართველოს ისტორიის მიმართულებაზე ვინც ვასწავლით, ცოტა მეტად უნდა ვაქტიურობდეთ — რაღაც ტიპის ინფორმაცია უნდა მივაწოდოთ სხვა ფაკულტეტის სტუდენტებს, რომელთაც გასაუბრების საფუძველზე საქართველოს ისტორიის შესწავლით დაეინტერესებთ. ზოგს, მაგალითად, ვინც ზუსტ და საბუნებისმეტყველო მეცნიერებათა ფაკულტეტზე სწავლობს, იმდენად დატვირთული გრაფიკი აქვს, რომ ურჩევნია მომიჯნავე საგნის არჩევა და არა ისტორიის შესწავლა, რაც სტუდენტების პრაგმატული გადაწყვეტილებით აიხსნება.

— **გამოსავალს რაში ხედავთ?**

— ჩვენც უნდა გავაქტიურობდეთ და სტუდენტებსაც უნდა გაუჩნდეთ ინტერესი ამ საგნის შესწავლად. შეიძლება მათ შევთავაზოთ საქართველოს ისტორიის სხვადასხვა კურსი, მაგალითად, პოლიტიკური ისტორია, ან მხოლოდ კულტურა და ა.შ. სხვა ფაკულტეტების სტუდენტთა დასაინტერესებლად რაღაც სპეციფიკა აშკარად მოსაფიქრებელია. იდეა მაქვს, რომ მათ შევთავაზოთ ალტერნატიული კურსების მოსმენა, რის დამუშავებასაც დრო ნამდვილად სჭირდება.

დ ბ რ ე ჯ ა ნ
მეშა პიკნაძე, ჰუმანიტარულ მეცნიერებათა ფაკულტეტის დეკანი:
— **როგორც ისტორიის მიმართულების პროფესორები აცხადებენ, საქართველოს ისტორიის, როგორც საგნის ასარჩევად, მისი მეტი პოპულარიზაცია საჭიროა. თქვენ როგორ უყურებთ ამ საკითხს და, რეალურად, რა არის გასაკეთებელი?**

— საქართველოს ისტორია ჰუმანიტარულ მეცნიერებათა ფაკულტეტზე სავალდებულო საგანია, რაც იმას ნიშნავს, რომ ფაკულტეტზე ჩარიცხული ყველა სტუდენტი აუცილებლად გაივლის საქართველოს ისტორიის ერთ სემესტრიან კურსს. ხოლო ისტორიის სპეციალისტის სტუდენტისთვის საბაკალავრო პროგრამის კურიკულუმი აგებულია ისე, რომ 5 სემესტრის განმავლობაში საქართველოს ისტორიის ცალკეულ პერიოდებს ეტაპობრივად სწავლობენ. რაც შეეხება სხვა ფაკულტეტების სტუდენტებს, ნებისმიერ მათგანს, ნებისმიერ სემესტრში შეუძლია აირჩიოს საქართველოს ისტორიის ერთ სემესტრიანი კურსი, ასევე, ისტორიის საბაკალავრო პროგრამით შეთავაზებული 5 ეტაპიანი კურსიდან ნებისმიერი. მათ შეუძლია აირჩიონ საქართველოს ისტორია თავისუფალი კრედიტების ფარგლებში.

მიმაჩნია, რომ საჯარო ლექციების გამართვა საინტერესო ისტორიულ თემებზე ამ საგნის მეტ პოპულარიზაციას შეუწყობს ხელს. უფრო უნდა გააქტიურდეს პროფესორები, რათა სხვა ფაკულტეტების სტუდენტებს საქართველოს ისტორიის შესწავლა შესთავაზონ. ზოგიერთი სტუდენტი უკვე სარგებლობს ამ უფლებით და რეგისტრირდება კიდევ ჩვენს ფაკულტეტზე.

საქართველოს ისტორიის შესწავლა სავალდებულო რომ გახდეს ყველასთვის, საკითხი ფაკულტეტებმა უნდა გადაწყვიტონ. მათ შეუძლიათ თავიანთი სასწავლო პროგრამებში ეს საგანი შეიტანონ და მას 5 კრედიტი დაეთმოს. თუ ფაკულტეტები ამ გადაწყვეტილებას მიიღებენ და მსგავს სურვილს გამოთქვამენ, ჩვენი ფაკულტეტი მზადაა — მოემსახუროს ყველა სპეციალისტის სტუდენტს და მას ერთსემესტრიანი საინტერესო კურსი შესთავაზოს.



მარიამ ლორმძინაძე, პროფესორი:
— **თქვენი აზრი, როგორც ცნობილი ისტორიკოსისა, მეტად საგულისხმოა იმის თაობაზე, რომ საქართველოს ისტორია უნივერსიტეტში სავალდებულოდ უნდა იყოს სწავლებად.**

— **ისწავლებოდეს. თქვენ ამ პრობლემაზე არაერთხელ გისაუბრიათ აკადემიურ წრეებში. ჩვენ გვაქვს ასეთი რეალობა, რომ სხვა ფაკულტეტების (გარდა ჰუმანიტარულ მეცნიერებათა ფაკულტეტისა) სტუდენტები საქართველოს ისტორიის შესწავლით არ ინტერესდებიან, რადგან მხოლოდ პრაგმატული მიდგომით ირჩევენ საგნებს. რამდენად აუცილებელია საქართველოს ისტორიის შესწავლა ყველა სტუდენტისთვის, განურჩევლად პროფესიისა და რამდენად საჭიროა ამ საგნის პოპულარიზაცია?**

— ჩემი სტუდენტობის დროიდან მოყოლებული, ავადსახსენებელი საბჭოთა ხელისუფლების პირობებშიც კი, ჩვენს უნივერსიტეტში საქართველოს ისტორია ნომერ პირველი საგანი იყო. ახლა კი, საერთოდ, სადაც ბოლოში „მიჩანალებს“. შობილიური ისტორიის ცოდნა საქართველოში უძველესი დროიდანვე სავალდებულოდ იმართებოდა. X საუკუნის სასწავლო წიგნში — „მატიერის კრებულში“ საქართველოს ისტორია შეტანილია. ეკლესიებში წმინდანთა ხსენების დღეებში მრევლს სამშობლოსათვის თავდადებულ წმინდანთა შესახებ მოუთხრობდნენ და საქართველოს ისტორიიდან ეპიზოდებს უკითხავდნენ. დღეს კი საქართველოს ისტორიის სწავლა მხოლოდ ჰუმანიტარულ მეცნიერებათა ფაკულტეტზეა სავალდებულო.

პრეზიდენტმა ბრძანა, რომ განათლებისთვის გამოყოფილი დაფინანსების 70% ფიზიკა-მათემატიკის დარგების განვითარებას მიხმარდებოდა. ხელისუფლება მიხვდა, რომ საბუნებისმეტყველო მეცნიერებებს მეტი ყურადღების მიქცევა სჭირდება. დაფინანსების ის დანარჩენი 30% კი რას მიხმარდება, არ ვიცი. თუმცა ვთვლი, რომ რომ ჩვენთან ყველაზე მეტი მნიშვნელობა ქართველურ დარგებს უნდა მიენიჭოს. ამ დარგების კერა ყოველთვის იყო საქართველო.

— **თქვენი აზრით, რამდენად არიან სტუდენტები დაინტერესებულნი საქართველოს ისტორიის სწავლით? იქნებ მათმა ინდიფერენტულობამაც გამოიწვია ის, რომ ყველა ფაკულტეტზე საქართველოს ისტორია სავალდებულო საგნად არ არის პროგრამებში შეტანილი...**

— უბედურება ის არის, რომ ჩვენი დარგი უპერსპექტივოა. საქართველოს მიმართულების მაგისტრანტებს თემებს ვაძლევ ხოლმე, რომელსაც ამუშავენ და მერე კითხულობენ. ერთი ბიჭი კითხულობდა შესანიშნავ მოხსენებას, ყუყურებ და ვფიქრობ: — შეილო, შენ ჭკუა არ გაქვს? ან პატრონი არ გყავს? რომ იფიქრო იმაზე, რომ როცა დაამთავრებ მაგისტრატურას, მერე რა უნდა ქნა? ჩემი 4 მაგისტრანტიდან, რომლებიც შარშან მყავდა, 2 უკვე უცხოეთში წავიდა. აქ ვერსად დასაქმდნენ და იმიტომ...

— **ანუ სამსახურის პოვნის პრობლემაა?**

— რასაკვირველია, ერთი გერმანიაშია, მეორე რიგაში....

— **მასწავლებლად მუშაობა პერსპექტიული არ არის?**

— იშვით კი მასწავლებლის ადგილს? არც ეგ არის ადვილი... თუმცა ვფიქრობ, რომ ბაკალავრიატდამთავრებულს მასწავლებლობის უფლება უნდა ჰქონდეს IX კლასამდე.



140 წელი შესრულდა ქართველი მამულიშვილის კიტა აბაშიძის დაბადებიდან



ქართველმა მკითხველმა გამომცემლობა „ნაკადულისაგან“ ამას წინათ შესანიშნავი საუბრობილი... ქართული მწერლობის XXVIII ტომი, რომელშიც გაერთიანებულია დიდი ქართველი მამულიშვილის — კრიტიკოსის, პუბლიცისტის, პოლიტიკური და საზოგადო მოღვაწის, პირველი ქართველი ეროვნული პარტიის, ქართველ სოციალ-ფედერალისტთა პარტიის ერთ-ერთი დამაარსებლისა და ლიდერის — კიტა აბაშიძის (1870-1917 წ.წ.) რჩეული ლიტერატურული და პუბლიცისტური ნაწარმი. ეს არის უძვირფასესი მემკვიდრეობა, რომელსაც ყოველი წიგნიერი ქართველი უნდა იცნობდეს.

გარდა კიტა აბაშიძის ფუძემდებლური ნაშრომისა — „ეტიუდები XIX საუკუნის ქართული ლიტერატურის შესახებ“, რომელშიც ფრიად საგულსხმოდ წვლილი შეიტანა ქართული ეროვნული ცნობიერების აღორძინებაში და უდიდესი როლი შეასრულა ქართული კრიტიკული და ესთეტიკური აზროვნების განვითარებაში, მასში შესულია, აგრეთვე, არაერთი ძალზე მნიშვნელოვანი, თუმცა ფართო მკითხველისათვის ნაკლებად ცნობილი ლიტერატურულ-კრიტიკული და პუბლიცისტური ნერილებიც, რომელთაც დღესაც არ დაუკარგავთ შემცენებითი ღირებულება და აქტუალობა.

ერთ-ერთი ასეთი პუბლიცისტური ნერილია „სამარცხვინო ომი (მიმართვა რუს ადამინებს)“, რომელიც 1906 წლის თებერვლის დამლევს დაინერა — იმ ტრაგიკულ დღეებში, როცა კავკასიის მეფისნაცვლის — გრაფ ვორონცოვ-დაშკოვის განკარგულებით, რევოლუციური მოძრაობის ჩასახშობად გამოგზავნილია რუსულმა დამსჯელმა რაზმებმა, მუსლიმი მაქსუდ ალიხანის — გენერალ ალიხანოვ-ავარსკის მეთაურობით მთელი დასავლეთ საქართველო ააოხრეს, ათობით ქართული ქალაკი, დაბა და სოფელი გადაბუგეს და ასობით ადამიანი გაუღიგეს.

როგორც ტომისათვის დართული კომენტარებიდან ვიგებთ, „მიმართვა“ რუსულ ენაზე ყოფილა დაწერილი და რუსული პრესისთვის ნაკვეთად იქნა წიგნი „სამარცხვინო ომი“ გამოქვეყნებას კიტა აბაშიძე პეტერბურგის რომელიმე პოპულარულ გაზეთში აპირებდა „ქართველის“ ფსევდონიმით (წერილის ქართული თარგმანი, ისევე, როგორც კომენტარები, ტომის შემდგენელსა და რედაქტორს ბ-ნ გიორგი აბაშიძეს ეკუთვნის).

1906 წლის 24 თებერვალს კიტა აბაშიძე ივანე ჯავახიშვილს წერდა (თბილისიდან პეტერბურგში):

„ძვირფასო ძმავო! ჩვენი ქვეყნის უბედურებაში ისე აგვაგდოთ, ისეთი თავზარი დაგვცა, რომ არათუ ასე მალე, მგონი კარგა ხანი გაივლის, ვიდრე გონებაზედ მოვიდოდეთ. არ აინერება კალმით ის განსაცდელი, რომელშიც დასავლეთ საქართველო ჩავარდა... პირდაპირ ტყინი გეყინება კაცს და სისხლი გიშრება: აიკლეს, სწორედ რომ აიკლეს ჩვენი ქვეყანა ამ ურჯულეობა და ოხრება...“

ჯნა ერთი თხოვნით უნდა მოგმართოთ და შეგანუხოთ. გაახლებით ჩემ დაწერილ წერილს, ამ ამბავს გამოწვეულს. ეს წერილი წავიკითხე აქ, მეგობართა წრეში და ყველამ მოიხილა და პირდაპირ დამავალეს, რომ პეტერბურგის რომელიმე გაზეთში იქნეს დასტამბული, უფრო კი „Наша жизнь“-ში, რადგან უფრო ყურადღებას გვაქცევს და უფრო გავრცელებულიც არის. გთხოვთ, მიიღოთ შრომა თქვენს თავზე და მოელაპარაკოთ რედაქციას, თუმცა შეიძლება დეს დასტამბოვ გამოუკლებლად. მართალია, რუსი ხალხის წინააღმდეგ გამოილაშქრე, მაგრამ შეიძლება ისე აუხსნათ, ვითომ მე, ქართველი, როგორც გამწარებული ამ ამბავით, პირველ ჩემს გრძობას ესწრაფე, თორემ, მართლაც, რას ვემართლები იმ საწყალ რუსებს, რომელნიც ციხეში ლპებიან, თუმცა ხშირად მოხდება

ხოლმე, რომ „რუსეთში ტანჯული“ შემდეგ „Охранное отделение“-შიც შედიან, მაგრამ, ეს ყოველგან მოხდება. ძალიან ბოდიშს ვიხდი, რომ განუხებთ, მაგრამ ეს, ასე ვსთქვათ, საზოგადო საქმეა... პასუხს შემატყობინებთ, იმედია“.

საპასუხო წერილი არ შემონახულა, მაგრამ კიტა აბაშიძის შემდეგი წერილიდან, რომელიც ამავე წლის 9 აპრილითაა დათარიღებული, ჩანს, რომ ივანე ჯავახიშვილის მცდელობას ამაოდ ჩაუვლია და სტატიის გამოქვეყნებაზე უარი უთქვამთ:

„ძვირფასო ძმავო! დიდ ბოდიშს ვიხდი თქვენთან, რომ შეგანუხებთ, — ვკითხულობთ მითითებულ წერილში, — მაგრამ არათუ მარტო მე ვიყავი დაინტერესებული მაგ წერილის დასტამბვაში, თუმცა დარწმუნებული ვარ და ვიყავი, რომ არ დასტამბავდნენ: რაც უნდა ლიბერალი და რადიკალი იყოს, რუსი მაინც რუსია და „სრულიად რუსეთის“ გინების ნებას არ მოგცემს, მარტო ბიუროკრატია გაგინებინებს, რადგან მისთვის ხელსაყრელია, თუმცა თითქმის მაგვე ხასიათის წერილები იყო „რუსში“ და „მოლვაში“ დასტამბული. საქმე იმაშია, რომ აქ ზოგიერთებს ისე აინტერესებთ მაგის დასტამბვა, რომ კიდევ დამაძალეს... თუ შეხვედებით სამსონ ფიცხელავას, რომელიც მანდ არის, გადაეცით, იქნებ „გრუზია ი გრუზინის“ გამოცემელმა ამხანაგობამ იკისროს, მგონი თვით არის მეთაური...“ — წერდა კიტა აბაშიძე.

„სამარცხვინო ომის“ გამოქვეყნება მაინც ვერ მოხერხდა: რედაქციებმა, ალბათ, მეტი-მეტად სახიფათოდ ჩათვალეს ამ მძაფრი პუბლიცისტური წერილის დაბეჭდვა, რომელიც, ფაქტობრივად, არსებული ხელისუფლების დამხობის მონოდედას წარმოადგენდა. ბუნებრივია, წერილის გამოქვეყნება საბჭოური რეჟიმის ხეობის ხანებში შეუძლებელი იყო.

„სამარცხვინო ომი“, პირველად, მხოლოდ 1989 წელს გამოქვეყნდა — „საჯაროობის“ პერიოდში, სიტყვის თავისუფლების ანაზღაურების ტალღის წყალბობით, ისიც უწინაღ „ლიტერატურისა და გრუზიაში“ (№9), გიორგი აბაშიძის პუბლიკაციით, წინათქმითა და შენიშვნებით.

მკითხველი ინტერესით გაეცნობა კიტა აბაშიძის გამხილავალ წერილს

მკითხველს არ ეგონა, რომ მე რუსეთ-იაპონიის ომზე ვლაპარაკობ, რომელმაც სამარცხვინო ომზე გააკარა რუსეთის თვითმპყრობელური ბიუროკრატია, ომზე, რომლის დამთავრებას ჩვენ ასე გულთი ვნატრობდით, რადგან მამინე ვერ კიდევ არ გვესმოდა, რომ თუკი რუსეთის თვითმპყრობელური ბიუროკრატია სამუდამოდ არ დასამარდებოდა მანჯურიის ველზეზე, იგი კვლავ აღდგებოდა მთელი ქვეყნის დასაღწევად. არა, ამ ომზე ვლაპარაკობ, რომელიც გამხეცებულმა თვითმპყრობელურმა ბიუროკრატამ „შინაური მტრების“ წინააღმდეგ გააჩინა, ომზე, რომელმაც ამჯერად სამარცხვინო დალით დაიდა და არა მარტო თვითმპყრობელური ხელისუფლება, არამედ მთელი რუსული არმია და, გარკვეულწილად, მთელი რუსი ხალხიც.

რაც არ უნდა თქვათ, თანამედროვე არმიაც ხალხის წარმომადგენლად გვევლინება და მისი ნაკლოვანებანი, ნაწილობრივ მაინც, მთელი ხალხის ნაკლოვანებებია.

იმ საარაკო სისასტიკეს, იმ გაუგონარ სიმხეცეს, რომლითაც რუსულმა არმიამ ისახელა თავი უიარაღო, უშმეო, სრულიად უდანაშაულო მშვიდობიანი მოსახლეობის წინააღმდეგ ომში, ალბათ, მთელი კაცობრიობის ისტორიაში არ მოეძებნება რაიმე შესატყვისი.

აბა, შუა საუკუნეების რომელი მეომარი ან რომელი თურქი ბაშიბაზუკი შედრება მლეგველურობასა და არაადამიანურობაში რუს სალდათსა თუ კაზაკს, რომელიც ებრძვის არა გულად, შეიარაღებულ მონინალმდებელს, არამედ სუსტ, უშმეო „შინაური მტრის“?!

დამეთანხმებით, რომ ნიშან-თვისებები ევლური მძვივნარებისა და სივრცეზედ მისული სიმხეცისა, ის წარმოდგენილი სისასტიკე, რაც ნიშანდობლივია პასიური, მხდალი და მონური ბუნების მქონე ადამიანათვის, — დამეთანხმებით, ეს თვისებები საუკუნეთა მანძილზე დამონებული რუსი ხალხისთვისაცაა რამდენადმე დამახასიათებელი.

მართალია, ამგვარი მხეცური ინსტიტუტები სადღაც სიღრმეშია ჩაბუდებული და მათს გაძოვლენას შავრუზული ხულიგნებისა და თვითმპყრობელური ჰიპნოტიზიორების ძალისხმევა სჭირდება, მაგრამ მათ ხომ არ ძალუდით რაიმე ახალი თვისებების შთაბერვა: ნაირგვარ ინსინუაციათა მაგიური კვერთხის მეშვეობით მათ მხოლოდ მზის სინათლეზე ამოაქვთ ქვესკნელში მთვლემარე ძალები. ამდენად, მორალურად პასუხისმგებლებად, რა თქმა უნდა, ეს ყოველად უღირსი და სინდისგარეცხილი ჰიპნოტიზიორები უნდა მივიჩნიოთ, მაგრამ არც იმაზე უნდა დავხუჭოთ თვალი, რომ თუ არ სათანადო ნიდავაი, ჩაგდებული თესლი დაილუპებოდა და ვერ აღმოცნებდებოდა რუსი ხალხის ისტორიის შესარცხვენად.

ნუ გამინაცნებდით, რუსო ადამიანებო, ვისდამიცაა მიმართული ეს ჩემი წერილი, თუკი მე, სასონარკვეთილების ჟამს, პასუხისმგებლობის ვიტყვის, დაუბასოვების, ალიხანოვებისა თუ სხვა tutti quanti „ჭეჭმარტიად რუსი“ ადამიანების ცოდვების გამო, — ადამიანებისა, რომელნიც მოქნილად რუსულ გვერდებსაც კი არ ატარებენ, მაგრამ რომელთაც საკუთარი გვარები რუსული ჩინოვიკობის საკეთილდღეოდ უარყვეს, — თუკი პასუხისმგებლობას მათი დანაშაულის გამო მთელს რუს ხალხს ვაკისრებ. მაგრამ სანამ ეს ხალხი, რომლის ნიაღვრანაც გამოვიდნენ უდიდესი მებრძოლი და ნამებულნი ადამიანის უფლებებისა და თავისუფლებებისთვის, სანამ ეს ხალხი უფლებობას არ გამოუცხადებს და ძალაუფლებას არ ჩამოართმევს ახლად გამოცხვარ მიწისებრთა საბჭოში ნაბარტყევ ნაირგვარ ხულიგნებს, მანამდე ქართველების თვალი იგი პასუხისმგებლად ჩათვლება მისი მთავრობისა, — იმ ტრაფარეტის მიხედვით, რომ ყოველი ხალხი იმ მთავრობას იმსახურებს, რომელიც მას ჰყავს.

XVIII საუკუნის დამლევს ბედი ქართლისა გადაწყვეტილ იქნა ქვეყნის ხელისუფლების უმაღლეს წარმომადგენელთა მიერ: საქართველომ სამუდამოდ განკვეთა კავშირი მაჰმადიანურ საყვაროსთან, ერთმორწმუნე რუსეთს მიმართა და მისი პროტექტორატი მიიღო. ამ გადაწყვეტილების გამო საქართველოს სასტიკად დაისაჯა: საქართველომ ალა-მაჰმად-ხანის მეთაურობით სპარსთა ურდოები შეიჭრნენ და ქვეყანას ცეცხლითა და მახვლით გადაუარეს. და ეს იმიტომ, რომ საქართველოს მეფე (ერეკლე II) არ დაჰყვა სპარსეთის გამგებლების შეგონებას და პირი არ უტეხა რუსეთს. „არათუ ალა-მაჰმად-ხანმა, აზიის ყველა სახელმწიფომ რომ გამოიციხად ომი, მაშინაც კი არ შეგვლევდნენ რუსეთის ერთგულებას“, — უპასუხა საქართველოს მეფემ ალა-მაჰმად-ხანის ელჩებს.

ასეთ გრძობათა სამადლობლად და „აღსასრულელად ტრაქტატებისა“, რომელიც რუს მეფეთა სიტყვით იყო განმტკიცებული, რუსეთმა თავისი გაბატონების პირველსავე წლებში ყველაფერი წაართვა საქართველოს: სკოლა, ენა და სარწმუნოება. რუსეთი მთელი თავისი ძალებითა და ხერხებით აფერხებდა საქართველოს კულტურულ და სულიერ განვითარებას და სისტემურად სპობდა იმ ეროვნულ თვითმყოფადობას, რომლის დასაცავად მიიღო საქართველომ რუსეთის პროტექტორატი.

მაგრამ ქართველი ხალხი თიმენდა და ელოდა... ჩვენ რუსეთის განახლებას ველოდით... ჩვენ გვეჯეროდა, რომ „ამაღმუშევი კავკასიაში“ გამწვანებული ყველა ეს შანტაჟისტები — როზნები, დონდუკოვები და გოლიცინები — წარმომადგენლები იყვნენ ოდენ რუსული ბიუროკრატისა, რომელიც ისევე ავიწროებდა რუს ხალხს, როგორც ქართველობას. ჩვენ ვხედავდით, თუ როგორ ებრძოდა რუსეთის საუკეთესო ნაწილი თვითმპყრობელურ ხელისუფლებას და, სახელობს — ამ დიდ რუს ნამებულთა და რუსული თვითმპყრობელობის წინააღმდეგ მებრძოლთა, წმიდათაწმიდა სახელებია ჩვენთვის.

ჩვენ პატივს ვცემდით რუსულ არმიას, რომელიც გვიცავდა საშუალებელი მაჰმადიანური საყვაროსან; ჩვენ, რუსი ხალხის მხარდადმარ, ამ არმიასთან ერთად ვიბრძოდით რუსული სახელმწიფოებრივი ინტერესებისათვის იმავე მაჰმადიანური საყვაროს წინააღმდეგ; ჩვენ ვიბრძოდით ჩვენი მეზობლების წინააღმდეგაც, რათა კავკასიაში რუსეთის ძალაუფლებამ დაგვემკვიდრებინა. და ვფიქრობ (ყოველ შემთხვევაში ახლა), რუსეთ-იაპონიის ომის შემდეგ, შეიძლება ეს იქნეს, რომ ჩვენი დახმარების გარეშე ე.წ. „კავკასიის დამორჩილება“ სადღესოდაც ისეთივე განუხორციელებელი

იმ იმედით, რომ თქვენ მას ბარბაროსთა შემოსევებისაგან დაიცავდით.

ის, რაც თქვენ — ჩვენმა „მფარველებმა“, ჩვენმა „მეგობრებმა“, ჩვენმა „მართლმადიდებელმა ძმებმა“ გვიყავით ამ ორი-სამი თვის მანძილზე, არ გაუკეთებია ჩვენთვის არც ერთ მაჰმადიან ტირანს — დაწყებული თემურ-ლენგითა და დამთავრებული მაჰ-აბასითა და ალა-მაჰმად-ხანით, რომელთაც ყოველი ქართველი წყველიდა და თავისი ისტორიისა და ხალხის ბოროტ დემონებად თვლიდა. მაგრამ ალა-მაჰმად-ხანმა თბილისში მხოლოდ მეფისა და მისი ოჯახის რამდენიმე სასახლე გადაწვა, მოსახლეობა კი არ დაურბევია, მხოლოდ ტყვედ მიჰყავდა. ისტორიკოსთა მონებობით, თვით მეფე ერეკლე იყო გაკვირებული ალა-მაჰმად-ხანის ასეთი მოპყრობით. მაგრამ, მიუხედავად ამისა, მაჰმადიანთა შემოსევამ საბოლოოდ დაარწმუნა ქართველობა იმაში, რომ აუცილებელი იყო შელეოდნენ დამოუკიდებლობას და მართლმადიდებელი რუსეთის მფარველობა მიეღოთ.

მაგრამ არასოდეს არავითარ მაჰმადიანურ ურდოს არ ჩაუდენიათ არაფერი მსგავსი იმისა, რაც ჩაიდინა რუსულმა „ქრისტესმოყვარულმა მხედრობამ“, რომელმაც იაპონიის ომში თავისი მარცხის მთელი ჯავრი ჩვენზე ამოიყარა...

თითქოსდა ჩვენი მიამიტური მიმდობლობისა და რუსეთის სახელმწიფოსადმი ჩვენი რწმენის დასაცინად, თვითმპყრობელური რუსული ბიუროკრატია დასავლეთ საქართველოში მუსლიმი ალი-ხანს აგზავნის — ქართველებთან ბრძოლებში დალუპული მეომრებისთვის ალაპის გადასახდელად და მას carte blanche-ს აძლევს მისი ველური სისხლისმსმელური ინსტიტუტების დასაკმაყოფილებლად. ალი-ხანიც თბილისიდან ქუთაისამდე „ძლევამოსილ მარშს“ ახორციელებს და გზად ყოველივე რუსეთის ერთგულს ანადგურებს; „სახელოვანი“ ლაშქარი ხოცავს და ხვრეტს მშვიდობიან მოსახლეობას, ამაზრზენ ძალმომრეობას ხმარობს ქალებზე და ბავშვებზე (ამ კომონებში მისხვეპლნი — 11-12 წლის გოგონები ქუთაისის საავადმყოფოში წვანან) და მთელს ქვეყანას აჩანაგებს; „ძლევამოსილ“ გენერალი ავალებულა მხოლოდ და მხოლოდ ერთი მაზრის მოსახლეობას ერთი კვირის ვადაში 200 000 მანეთის გადახდას და გაპარტახებულ ხალხს აიძულებს ათული ათასი მანეთით უზრუნველყონ მოკლული პოლიციელებისა და ბოქაულების ოჯახები... ცეცხლმა შთანთქა (ამ სიტყვის სრული მნიშვნელობით) მთელი ქალაქები და დაბები, ზოგიერთისა კი — საუკეთესო ნაწილი. ასეთებმა ბელაგობი, ყვირილა, სვირი, ბაღდადი, ახალსენაკი, სამტრედია, საჩხერე, ჭიათურა, ოზურგეთი, ნავოზარი, ონი, ცაკერი... ხოლო გადაბუგული სოფლები ვერც კი დაითვლება; დამწვარია ქალაქ ქუთაისის საუკეთესო ცენტრალური ნაწილიც.

არა, არასოდეს მთელი თავისი მრავალსაუკუნოვანი ისტორიის მანძილზე საქართველოს, განსაკუთრებით კი — დასავლეთ საქართველოს, არაფერი ამის მსგავსი არ ახსოვს. აღმოსავლეთ საქართველო თავისი მკერდით იცავდა დასავლეთს უცხოელ ურდოთა შემოჭრისაგან და უკანასკნელ დღეებამდე შესივლად გადაერჩინა ეს მარგალიტი — ყველა ქვეყნის პოეტთა მიერ ნაკვთობები ეს ბრწყინვალე ბუნებისა და სილამაზისა, რის გამოც ქუთაისის გუბერნია, კულტურული და ეკონომიკური თვალსაზრისით, ყველა მეზობელ გუბერნიებს ჯობდა.

მაგრამ ყოველივე, რაც შექმნილი იყო რამდენიმე საუკუნისა და თაობის რაუდუნებითა და ძალისხმევით, ორ-სამ კვირაში მოისპო და განაჩანდა.

განა რა დავიშავეთ საამისო? რისთვის, რა მიმე ცოდვისათვის დავგვაჯა ასე სასტიკმა ერთმორწმუნე რუსმა ხალხმა? განა ჩვენ რასმე

რუსული ბიუროკრატია მარტოოდენ თავისი პირადი გამორჩენისა და პოლიტიკური შანტაჟის მიზნით ცდილობდა ჩვენში სეპარატიზმის შექმნას და რადგან ამას მშვიდობიანი საშუალებებით ვერ მიაღწია, ცეცხლითა და მახვლით შეეცადა მის დანერგვას.

იდეალი იქნებოდა რუსებისათვის, როგორც რუსეთის ბატონობის დამკვიდრება წყნარი ოკეანის ნაპირებზე. ჩვენი მხრივ არაკეთილმოსურნე დამოკიდებულების შემთხვევაში ჩვენ შეგვეძლო საკმაოდ საგრძობი სიძნელეები შეგვექმნა ყირიმის კამპანიის დროს, როცა კოალიციური მთავრობის წარმომადგენლები მოლაპარაკებას აწარმოებდნენ ქართველი ხალხის წარმომადგენლებთან. და ახლაც, სულ ცოტა ხნის წინ, როცა ხმა დაირხა, რომ თურქეთმა საბუნდრო კორუსები დაძრო ჩვენი საზღვრებისკენ, ჩვენ ყველა ერთხმად ვამბობდით, რომ ეს რუსეთ-იაპონიის ომი არაა და რომ ყველანი წინ აღვუდგებით თურქებს.

და, აი, ყოველივე ამის სამადლობლად თქვენ რა დაგვმართეთ, რა დაგვმართა ჩვენ თქვენმა არმიამ თქვენი „მამაცი“ გენერლების წინამძღოლობით, რა დამართეთ თქვენ თქვენს ერთმორწმუნე ხალხს, რომელიც ბრძოლისა და წინააღმდეგობის გარეშე, საკუთარი ინიციატივით შემოვიდა თქვენი პროტექტორატი ქვეშ

ისეთს მოვითხოვდით, რაც თუნდ ოდნავ მაინც უპირისპირდებოდა რუსი ხალხის ინტერესებსა და მოთხოვნებს? რა დააშავა ჩვენმა რევოლუციონერებმა, რა შესცოდა ჩვენმა ხალხმა, რომელმაც მთელი თავისი რევოლუციური განწყობილება მხოლოდ კულტურული პასიური წინააღმდეგობით გამოხატა, რითაც თვით გრაფი ლ. ტოლსტოი იყო აღტაცებული? ჩვენმა ხალხმა ბოიკოტი გამოუცხადა სინდისგარეცხილ რუს ჩინოვიკობას, მაგრამ განა ეს წინააღმდეგება რუსი ხალხის ინტერესებს? ვინ უპირისპირდებოდა ჩვენთან რუსული კულტურის ინტერესებს — ჩვენ, თუ თქვენი ბიუროკრატია, რომელიც ჩვენს გადმოსროდა ხოლმე ხელმოცარულ, ქურდ-ბაცაცა და ზნეობრივად და გონებრივად გაკოტრებულ ჩინოვნიკებს?! ხალხმა ზურგი უჩვენა სამღვდელეობას, მაგრამ განა თქვენს მიერ ხელდასხმულმა იერარქებმა არ მოაშთეს მასში ყოველგვარი რელიგიური გრძობები?!

8-11 გვირგვინი

„სამარცხვინო ომი“ რუსეთს დღესაც დალად ატყვია

140 წელი შესრულდა ქართველი მამულიშვილის კიტა აბაშიძის დაბადებიდან

მე-10 გვირგვინი

ჩვენმა ხალხმა იგივე დემოკრატიული მოთხოვნები წამოაყენა, რომლებიც წამოაყენა ზოგიერთმა რუსულმა პარტიამაც და ეს იმიტომ, რომ ჩვენი ხალხი არ არის დაავადებული იმ „ცრუმორწმუნეობით“, რომელსაც ანგარიში უნდა გაუწიონ ისეთმა ადამიანებმაც კი, როგორც სტრუვევა... მაგრამ ჩვენი დემოკრატიზაციაც ისევე დასველდა ბიუროკრატიის წყალობით მოხდა.

ექვეგარეშა, რომ XIX საუკუნის დამდეგს ქართველი ხალხიც იყო განმსჭვალული „ცრუმორწმუნეობით“ მონარქიული ხელისუფლების მიმართ, მაგრამ რუსული ბიუროკრატიის წარმომადგენლები ისე უწყალოდ და უღმობლად მოეპყრნენ საქართველოში სამეფო გვარის ყველა წევრს, ისე ამცირებდნენ და შეურაცხყოფდნენ ქართველების ყოველგვარ მონარქიულ გრძობებს, რომ ამ გრძობათა სრულ გაქრობას მიაღწიეს.

ამრიგად, ჩვენი ჩვენი პასიური წინააღმდეგობით იმისთვისვე ვიბრძოდით, რისთვისაც მოსკოვი, რუსეთის გული, იარაღით ხელში აჯახდა. არასდროს არავითარი სეპარატისტული მისწრაფებები ჩვენს ხალხს არა ჰქონია, მას ამაზე არც კი უოცნებია არასოდეს. „სეპარატიზმი“ კავკასიის რუსული ჩინოვინიკობის შეთხზულია, — მონაწირობა ნაირგვარი დონდუკოვებისა და გლიციანებისა, ამ ქარაფშუტა და უგუფური

მმართველებისა, რომელთაც სხვაგვარად არ ძალუძდათ ძალაუფლების შენარჩუნება, თუკი ცენტრალური ბიუროკრატია „სეპარატიზმის აჩრდილი“ არ დააშინებდნენ. რუსული ბიუროკრატია მარტოოდენ თავისი პირადი გამორჩენისა და პოლიტიკური შანტაჟის მიზნით ცდილობდა ჩვენში სეპარატიზმის შექმნას და რადგან ამას მშვიდობიანი საშუალებებით ვერ მიაღწია, ცეცხლითა და მახვილით შეეცადა მის დანერგვას.

რუსულმა თვითმწყობელურმა ბიუროკრატამ, ალი-ხანის ხელით, საქართველოში მრავალი წლით გააქრო ის ძმური, კეთილი გრძობები, რომლებიც მთელი ქართველი ხალხი იყო განმსჭვალული რუსი ხალხისადმი, ხალხისადმი, რომელთანაც დაკავშირებული იყო რელიგიის ერთობითა და იმ მსხვერპლით, რომელიც ისტორიული წარსულში ორივე ხალხის მიერ იქნა გაღებული საერთო კეთილდღეობისათვის. ეს ყოველივე ახლა განქარდა და საეჭვოა, ახლო მომავალში შევძლოთ რაიმე სხვა გრძობები ვიქონიოთ რუსეთის მიმართ, გარდა შიშისა და ძრწოლისა. აღა-მაჰმად-ხანის აჩრდილი დაბინდა ალი-ხანის სისასტიკეთა წინაშე და ამ უკანასკნელმა, ქართველი ხალხის თვალში, პირველი რეპრეზენტაცია მოახდინა.

დაიბ, რუსული თვითმწყობელური ბიუროკრატიის ამიერკავკასიის ფილიალი იქადდა, რომ დაიპყრობდა საქართველოს, რათა ყოველგვარი ნიშანწყალი მოეპოვა ნებაყოფლობით მორჩილებისა და მან საესებით მიაღწია

ამას. მაგრამ იგი უსინდისოდ და მზაკურულად მოიქცა — მიპარით და ანაზღაურად მოიხელთა ხალხი, რომელმაც თავისი ბედი იმ სახელმწიფოს მიანდო, რომლის წარმომადგენლადაც ეს ბიუროკრატია გვევლინება, მოიხელთა ხალხი, რომელსაც რუსეთისათვის წინააღმდეგობის განწევა არასდროს აზრადაც არ მოსვლია და რომელიც, პირიქით, დამნაშავედელი იყო რუსეთის არმიის „სასიქაფლო მოსკოვური“ გამარჯვებებით და მთელი გულით თანაუგრძნობდა რუს ხალხს.

რუსულმა ბიუროკრატამ მიაღწია მიზანს: რუსეთისადმი ძმურად განწყობილი ხალხის ნაცვლედი, ამიერიდან, ჩვენი სახით, თქვენ მორჩილი მონები გყავთ, რომელთაც მთელი ძალით სძულთ თავისი მწაგვრელები — ეს ვითომდა „მფარველები“ ჩვენი. ნაყოფი ასწლოვანი კულტურისა, შექმნილი რუსული განაწამები გუენებისა და ტანჯული რუსი ინტელიგენციის მიერ, რომლის წინააღმდეგ უმნიშვნელო აზრები და მისწრაფებები ჩვენამდე კონტრბანდით აღწევდა, რამდენსამე დღემდე იქნა მოსპობილი გრაფი ვორონცოვის მიერ მოვლინებული ალი-ხანის ველურ ურდოთაგან.

არ გვიშველის ჩვენი, რა უშველის ჩვენს ტანჯულ სამშობლოს, ჩვენს განაწამებ სულს, რამ შეგვიხორცოს თქვენს მიერ მოყენებული სასიკვდილო ჭრილობები? მარტოდენ შურისძიებას ძალუძს დააკმაყოფილოს ჩვენი შეურაცხყოფილი გრძობები სიყვარულისა

და ნდობისა, რომლითაც ჩვენი მუდამ ვიყავით განმსჭვალული რუსი ხალხის მიმართ, — მარტოდენ შეუბრალებელ შურისძიებას მათზე, რომელთაც თავიანთი ქმედებით ჩირქიმოსცხეს რუსულ კულტურას საქართველოში, ჩირქი მოსცხეს რუსულ არმიას, რუს ხალხს, მათზე, ვინც საქუფველად გვიქცია რუსის ძმური სახელი! ჩადენილი ბოროტმოქმედებაში დამნაშავეთა ამ სამართლიან, შეუბრალებელ დასჯას ჩვენი მთელი რუსი ხალხისაგან მოვითხოვთ; ამას, რუსო ადამიანებო, თქვენგან მოითხოვს მოვალეობა პატიოსნებისა, კაცთმოყვარეობისა და სამართლიანობისა. რასაკვირველია, თქვენ ყოველთვის შეგიძლიათ შიშსა და ძრწოლაში გვაყოფოთ, მაგრამ ეს არამყარი ბალავარია „რუსული საქმისათვის“ ჩვენში. გეშინოდეთ დამონებელი ხალხისა, „მკვდრების გეშინოდეთ“, როგორც ამბობს ჩვენი თანამემამულე, გენიალურად წარმოსახული ზეინაბის ბავით („ლაღატი“ ოუქინისა), რომელიც საქართველოს მთელი ისტორიული ბედისწერის განმასახიერებელია. გეშინოდეთ ცხოვრების ლოგიკისა, გეშინოდეთ, რომ სამართლიანობისა და ადამიანურობის გაქვლეცისათვის დაგიდგებათ დღეი, ოდეს სამაგიერო მოგვევლევათ, — უარესი დღეი, ვიდრე მანჯურის ველეხსა და წყნარი ოკეანის ტალღებს უნახავთ.

მასალა მოგვამოდა: პროფესორმა ლადო მინაშვილმა

რუსეთის პრეზიდენტების ფსიქოლოგიური პორტრეტი



დღეს საერთაშორისო არენაზე ბევრს საუბრობენ იმის თაობაზე, რომ რუსეთის თანამედროვე პოლიტიკა შეიძლება სერიოზულ პრობლემად იქცეს მსოფლიოს საზოგადოებისათვის. ამგვარი აზრი განსაკუთრებით გაძლიერდა 2008 წლის აგვისტოს რუსეთ-საქართველოს ომის შემდეგ, როცა ცივილიზებული სამყარომ დაინახა, თუ რაოდენ სახიფათო შეიძლება იყოს რუსეთი და, შედეგად, ერთხმად დაგმო მისი აგრესია საქართველოს მიმართ. ფსიქოლოგებსა და ფსიქონალიტიკოსებს მიანიჭიათ, რომ რუსეთის ბოლო ორი პრეზიდენტის ამბიციებს სწორედ მათი ფსიქოლოგიური თავისებურებების მნიშვნელოვანი დეტალები განსაზღვრავს, რასაც ისინი ყურადღებით აკვირდებიან და სწავლობენ.

თამარ ლაღინა

რუსეთის პრეზიდენტების ფსიქოლოგიური პორტრეტის „დახატვაზე“ მუშაობს თსუ-ის პროფესორი, ფსიქოლოგი შალვა აბუნიანიძე, რომელმაც ამ საკითხთან დაკავშირებით საკუთარი ხედვა გაავიზიარა:

— პოლიტიკურ ფსიქოლოგიაში არსებობს მრავალი განსხვავებული მიდგომა მაღალი რანგის პოლიტიკური მოღვაწეების და, პირველ რიგში, პრეზიდენტების პიროვნული თავისებურებების შესახებ. განსხვავებულ ფსიქოლოგიურ თეორიებზე დაყრდნობით იქმნება მათი „პოლიტიკური პორტრეტები“ და „პიროვნული პროფილები“... რა თქმა უნდა, გამონაკლისს არც რუსეთის პრეზიდენტები — ვლადიმერ პუტინი და დიმიტრი მედვედევი წარმოადგენენ და ეს განპირობებულია არა მხოლოდ მათი პოლიტიკური ამბიციებითა და ქმედებებით, არამედ მათ შორის არსებული, ჯერაც აუხსნელი ურთიერთობებითაც.

რუსეთის პრეზიდენტების — ვლადიმერ პუტინისა და ალექსანდრე მედვედევის შეფასებისას ფსიქონალიტიკური მიდგომები უფრო გამოგვაგებებს, ვინაიდან ისინი, თავიანთი მოქმედებებით, პიროვნების ისეთ თავისებურებებს უსვამენ ხაზს, რაც ფსიქონალიზის განსაკუთრებული ინტერესის საგანს წარმოადგენს. მაგალითად სიმალე, რაც, თავისთავად, ძალაუფლების სიმბოლოა. მაღალი ადამიანი უფრო ძალაუფლების მქონედ „განიცდება“, ვიდრე დაბალი, რადგან იგი უფრო იქცევა ყურადღებას, მას უფრო უსმენენ და ა.შ. როგორც ეტყობა, რუსეთის ორივე პრეზიდენტს აწუხებს სიმალის პრობლემა, რის დასამალავად ისინი

სხვადასხვა ხერხებს მიმართავენ: იცვამენ მაღალქუსლიან ფეხსაცმელებს (რომლის ქუსლიც გარედან ნორმალური ჩანს, მაგრამ მაღალი ქუსლი ფეხსაცმლის შიგნით არის დამალული), საჯარო გამოსვლისას იყენებენ დახურულ ტრიბუნებს, ითხოვენ სპეციალურად განვრთნილი პირადი ფოტოგრაფებისა და ოპერატორების მომსახურებას (რომლებიც მათ ისეთ იმ სახელმწიფოში აიჭიროებენ, რომ მოსაუბრებზე დაბალი არ გამოჩნდნენ) და ა.შ. სიმალის გარდა სხვა მნიშვნელოვანი ბიოგრაფიული ცნობები (რაც ხშირად გულმოდგინედ იმალება და ყალბდება) მითითებენ იმაზე, რომ მათ გააჩნიათ არასრულფასოვნების კომპლექსი, რომლის დასაძლევადაც ისინი იყენებენ ე.წ. კომპენსაციის და ზეკომპენსაციის მექანიზმებს. მაგალითად, ისინი მიმართავენ ისეთ ქცევებს, რაც ხალხის თვალში საწინააღმდეგო ეფექტს იწვევს: მოჰყავთ განსაკუთრებულად გამორჩეული ცოლები (ჩვეულებრივ მეორედ), ნადირობენ საშობ ცხოველებზე, ახდენენ საკუთარი ძაღლების ან შესაძლებლობების დემონსტრირებას, იქცევიან როგორც „ნამდვილი მამაკაცები“, „მამრები“, „მაგარი ბიჭები“ და ა.შ. ამის ფონზე ისინი ისახავენ ზედამიანურ და ისტორიული მნიშვნელობის მქონე ძნელად მისაღწევ მიზნებს (მაგალითად იმპერიის აღდგენა). ხშირად კომპენსაციის და ზეკომპენსაციის ეს საშუალებები გამოიყენება „კომპლექსურად“, რაც პოლიტიკოსის პოპულარობისა და რეიტინგის აწევის საფუძველი ხდება.

რუსეთის პრეზიდენტები — დიმიტრი მედვედევი და ვლადიმერ პუტინი თვითონვე იყვნენ საზოგადოების ყურადღებას თავისივე ქცევებით. ისინი სხვადასხვა ვით ცდილობენ — დამალონ საკუთარი არასრულფასოვნების კომპლექსები რაღაცის კომპენსაციის ხარჯზე. მაგალითად, როდესაც მედვედევი საზოგადოების წინაშე სიტყვით გამოდის, მისთვის განკუთვნილი — სპეციალურად ამდობილად აღიგნებ დგება, იცვამს უჩვეულოდ მაღალქუსლიან ფეხსაცმელებს... იგი ფოტორეპორტირებმა, ბარაკ ობამასთან შეხვედრის დროს, განსაკუთრებული რაკურსით დააფიქსირეს. არნოლდ შვარცნეგერიდან მისი შეხვედრის ამსახველი ფოტოები კი საერთოდ კურორტული იყო, ვინაიდან მედვედევი მათზე გვარიანად მაღალი ჩანდა, რამაც უურნალისტურ წრეებში დიდი მითქმა-მოთქმა გამოიწვია.

რუსეთის ყოფილი პრეზიდენტის — ვლადიმერ პუტინის აგრესიულობაც არასრულფასოვნების კომპლექსის შედეგია, თუმცა პუტინმა, მთელი მოღვაწეობის მანძილზე, ნაწილობრივ, მოახერხა ამ კომპლექსების დაძლევა. მისი სიძულვილი და აგრესიულობა ქართველების მიმართ ქართველი „მამინაცლის“ საქციელითაც შეიძლება იყოს ინსპირირებული (პატარა პუტინი ბავშვთა სახლში იზრდებოდა). საერთოდ ბავშვთა სახლის თემა თვით არის არასრულფასოვნების განცდის საფუძველი და სწორედ ამით აიხსნება, რომ პუტინის ოფიციალური ბიოგრაფიის ადრეული ბავშვობის პერიოდი საიდუმლოებით არის მოცული. ვლადიმერ პუტინმა თავისი არასასურველი სიმალე და ბიოგრაფიის ტრავმული მომენტები ძალის დემონსტრირებით ჩაანაცვლა. გავრცელებულია ფოტოები, სადაც წელს ზემოთ შიშველი პუტინი კუნთების დემონსტრირებას ახდენს, ასევე

სურათი, სადაც იგი ბატერფლაით ცურავს. მას ბევრი ფოტო აქვს გადაღებული თავის ნაწადირევ ცხოველებთან, სამხედრო ტექნიკასთან, რითაც ხაზს უსვამს ისევე და ისევე საკუთარ სიმამაცეს. პუტინს ეტყობა, რომ ქალებთან ურთიერთობის საკითხშიც პრობლემა ჰქონდა, რადგან დღეს უკვე ხმამაღლა საუბრობენ მის რომანზე რუს ლამაზმან ალინა კაბაევასთან. იმ სახელმწიფოში, სადაც პრეზიდენტზე ყველაფერს ვერ იტყვი, დღეს, რატომღაც ხაზგასმით საუბრობენ მის რომანზე — ამით პუტინი თავის „მამაკაცურ მომხიბვლელობას“ აფიქსირებს. და აი, შედეგები: რუსმა სტუდენტმა გოგობმა მას კალენდარი მიუძღვნეს, რომელზეც ნაჩვენებია, ნახევრად შიშველი „მყვარებული წყვილი“ როგორ პოზირობს. თქვენ რომ მისი ადრინდელი ფოტოები ნახოთ (როცა იგი სობჩაკის თანამემხედდ მუშაობდა) და ახლადღეს შეადაროთ, აუცილებლად დაინახავთ დიდ ხანოთობრივ განსხვავებას. ახალგაზრდობის ფოტოებზე უსუსური, საკუთარი თავში ნაკლებად დარწმუნებული პიროვნება ჩანს, ცოტა მზაკურული და ცბიერი გამოხედვით. ხოლო ახლანდელი ფოტოებიდან უკვე ძლიერი, თავდაჯერებული და კმაყოფილი ადამიანი იყურება. ასე რომ, პუტინმა თავისი კომპლექსების მეტნაკლებად დაძლევა შეძლო.

მედვედევა და პუტინის შორის ამ საკითხთან დაკავშირებით დიდი და პრინციპული სხვაობაა. რუსეთის ექსპრეზიდენტი პუტინი თავის პრობლემებს ჩუმად, არატრანსპარენტულად აგვარებს. იგი აფიშირებას უკეთებს შედეგს, მაგრამ არ აჩვენებს შედეგების მიღწევის გზებს. რუსეთის ამჟამინდელი პრეზიდენტის მედვედევის პოლიტიკური ცხოვრების სტილი კი პუტინის სტილის საწინააღმდეგოა. იგი ვერ იქნება ჩუმად! რომ გაჩუქდეს, პუტინის ჩრდილი აღმოჩნდება... მედვედევს აკომპლექსებს არა მარტო საკუთარი სიმალე და სხვა თვისებები, არამედ თავად პუტინიც. ამიტომ მან საკუთარი პიარის საკეთილად რუსული ტრადიციული თემა — ძალა-უფლება კი არ აირჩია, რომელიც ძალის დემონსტრირებაში გამოიხატება, არამედ ჭკვიანი პოლიტიკოსის იმიჯი. ამით მან ხაზი გაუსვა თავის ინტელი-

გენტურ წარმომავლობასა და განათლებასაც, რაც, ჩემი აზრით, ცოტა სადავო საკითხია. მედვედევი რუსული საზოგადოებისათვის უფრო ღია ხდება, ამით კი მის რეფორმატორობას ესმება ხაზი. იგი მსოფლიო საზოგადოების თვალშიც რეფორმატორის იმიჯის დამკვიდრებას ცდილობს. თუ რუსეთის პრემიერ-მინისტრი პუტინი ლაპარაკობს, რომ ქვეყანაში ყველაფერი კარგად არის, მედვედევი თვლის, რომ ეს ასე არ გახლავთ და რომ საჭიროა ძირეული რეფორმების გატარება. ასე რომ, მედვედევი რეფორმატორის იმიჯის დამკვიდრებით ცდილობს დაუპირისპირდეს პუტინს, რომელსაც „კრუტი პარენის“ იარლიგი კარგად აქვს შეფერებული — რუსეთში ასეთი იმიჯის მქონე ლიდერის დამარცხება კი არც ისე იოლია. ამიტომ მედვედევი პუტინის თავისი ინტელექტის გაპიარებით უნდა დაუპირისპირდეს, მაგრამ რუსულ საზოგადოებაში ეს იმიჯი ნაკლებად მუშაობს. იქ ძალა ფასობს და არა ინტელექტი. ამიტომ დაუპირისპირდეს პუტინს, რომელსაც დემონსტრირებაზეც უნდა იზრუნოს... მოსკოვის მერის ლუქოვის მოულოდნელი განთავისუფლება თანამდებობიდან ამ ძალის დემონსტრირების საუკეთესო მაგალითი გახდა — ამ ნაბიჯით მან, ამავე დროს, კიდევ ერთხელ გაუსვა ხაზი კორუფციასთან შეურთებულ ბრძოლასა და თავის რეფორმატორულ ხასიათს.

რუსეთის ამ ორივე პრეზიდენტის თითქმის ერთნაირი კომპლექსები აწუხებს, მაგრამ ორივეს მათი დაფარვის გზები აქვს სხვადასხვა. რუსულ პოლიტიკაში ყოველთვის ცბიერი იმარჯვებდა. ცბიერება რუსულ კულტურაში ძალიან ხაზგასმულია, მით უფრო ახლა, როცა სტალინის იმიჯი დღემდე მუშაობს. მაგარი პოლიტიკოსია ის, ვინც ყველას მოატყუებს — თავის დროზე რუსეთში შევარდნაძეც ამით ფასობდა... გახსოვთ, ალბათ, „თეთრი მელა“... პოლიტიკაში დღეს ცბიერება აღიქმება ჭკუად, ჭკუა აღიქმება ძალად, ძალა კი ხე-ნისუფლების საფუძველად. ეს ყველაფერი კი იმ დოზით, როგორც ეს დღევანდელ რუსულ პოლიტიკაშია, ძალიან შორსაა დემოკრატიისა და თანამედროვე დასავლური პოლიტიკური იდეალებისაგან.



აშუ-ს პრეზიდენტის პოლიტიკისადმი „ნდობის რეზიუმე“ 2 ნომბერს გაიმართა



თამარ ლაღინი

27 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტის ამერიკის სახელმწიფო დეპარტამენტის მთავარი მრჩეველი საქართველოს საკითხებში კრისტიან მური ენია. ამერიკის საელჩოს მიერ ორგანიზებულ ღონისძიებაში მონაწილეობა მიიღეს საელჩოს პოლიტიკურ-ეკონომიკურმა მრჩეველმა ერიკ ჰოლმ-გრენიმ და უინტერბერგის უნივერსიტეტის პროფესორმა ჯორჯ ჰადსონმა. მომხსენებლებმა წაიკითხეს საჯარო ლექცია თემაზე: „შუალედური არჩევნები ამერიკის შერეულ-ბუნებრივ შტატებში“.

„ამერიკის შერეულ-ბუნებრივ შტატებში უახლოეს პერიოდში გაიმართება შუალედური არჩევნები, რომელიც განსაკუთრებული მოვლენაა ამერიკის პოლიტიკურ ცხოვრებაში“, — ამ აქცენტით ამერიკის შესწავლის საქართველოს ასოციაციის თავმჯდომარემ ვასილ კაჭარავამ ხაზი გაუსვა ამერიკისთვის ამ არჩევნების მნიშვნელობას.

2010 წლის 2 ნოემბერს დაგეგმილ შუალედურ არჩევნებში წარმომადგენლობითი პალატის 435 წევრსა და 37 სენატორს აირჩევენ. ამერიკაში შუალედური არჩევნების შედეგად შეიცვლება წარმომადგენელთა პა-

ლატის შემადგენლობა და სენატის მესამედი. ამჟამად ამერიკის პარლამენტის ორივე პალატაში უმრავლესობას დემოკრატიული პარტია ფლობს, თუმცა საზოგადოებრივი აზრის ბოლო გამოკითხვის თანახმად მომავალ არჩევნებში რესპუბლიკელთა წარმატებას ვარაუდობენ. ამ არჩევნებს ანალიტიკოსები პრეზიდენტ ბარაკ ობამასა და მისი პოლიტიკის მიმართ ნდობის რეფერენდუმს უწოდებენ.

მომხსენებლებმა საკუთარი შეხედულებები გამოთქვეს შუალედური არჩევნების მომზადებისა და ჩატარების ორგანიზაციულ მხარეზე, სარეკლამო კამპანიასა და დაფინანსების წყაროებზე, საზოგადოების როლსა და არჩევნების გამჭვირვალების მნიშვნელობაზე.

საჯარო ლექციის დამთავრების შემდეგ გაიმართა დისკუსია, სადაც სტუმრები ქართველ ექსპერტებთან ერთად შუალედური არჩევნების თავისებურებებსა და სპეციფიკაზე საუბრობდნენ. შეხვედრის ბოლოს ამერიკელმა პოლიტოლოგებმა მადლობა გადაუხადეს თსუ-ის ადმინისტრაციასა და ამერიკის შესწავლის საქართველოს ასოციაციას საინტერესო შეხვედრისთვის და იმედი გამოთქვეს, რომ ორივე მხარისათვის აქტუალურ პოლიტიკურ საკითხებზე მსგავსი ღონისძიებები მომავალშიც გაიმართება.

გერმანიის „საერთაშორისო საპარლამენტო სტიპენდია“ — ტრამპლინი ახალგაზრდებისთვის

ნათო მოლაქაძე

15 ოქტომბერს თბილისის სახელმწიფო უნივერსიტეტს გერმანიის ბუნდესტაგის დელეგაცია ეწვია. დელეგაციის წევრები თსუ-ისა და სხვა უმაღლესი სასწავლებლების IV კურსის სტუდენტებსა და კურსდამთავრებულებს შეხვდნენ. უცხოელმა სტუმრებმა ახალგაზრდებს გერმანიის ბუნდესტაგის პროგრამის „საერთაშორისო საპარლამენტო სტიპენდიის“ პირობები გააცნეს და მოკლემეტრაჟიანი ფილმი აჩვენეს, რომელიც სტიპენდიის მფლობელთა სამუშაო პროცესს ასახავდა.

გერმანიის ფედერაციული რესპუბლიკის ბუნდესტაგის პროგრამის მომდევნო ეტაპი 2011 წლის მარტში დაიწყება. „საერთაშორისო საპარლამენტო სტიპენდიის“ მისაღებად შესარჩევ კონკურსში მონაწილე კანდიდატებს ბაკალავრიატის დამთავრების დამადასტურებელი დიპლომი და გერმანული ენის ცოდნა სჭირდებათ. კონკურსანტების დარეგისტრირება საქართველოში გერმანიის საელჩოში დეკემბრიდან დაიწება. სტიპენდიის მფლობელებს სპეციალური კომისია გამოავლენს, შეირჩევა 5 აპლიკანტი, რომელიც 2011 წლის ივნისიდან მომდევნო 5 თვის განმავლობაში ბერლინში, გერმანიის ბუნდესტაგში პრაქტიკულ სასწავლო კურსს გაივლის.

„ამ პროგრამაში მონაწილეობის მისაღებად აუცილებელია გერმანული ენის ცოდნა. სტიპენდიანტები გერმანიაში ყოფნის პერიოდში სასტუმროში იცხოვრებენ და სტიპენდიის სახით თვეში 450 ევროს მიიღებენ. დაინტერესების შემთხვევაში მათ ექნებათ საშუალება — იარონ ლექციებზე ბერლინის თავისუფალი უნივერსიტეტში და მიიღონ მონაწილეობა პოლიტიკური ფონდების მიერ გამართულ ტრენინგებში. რაც მთავარია, ისინი გაიცნობენ გერმანიის ბუნდესტაგის სამუშაო პროცესს“, — განაცხადა გერმანიის ბუნდესტაგის წევრმა პოლიტიკის კომიტეტის წევრმა შტეფენ-კლაუდო ლემემ.

გერმანიის ბუნდესტაგის „საერთაშორისო საპარლამენტო სტიპენდიის“ ფარგლებში, ყოველ წელს, მსოფლიოს 28 ქვეყნიდან 120 სტიპენდიანტს აქვს საშუალება — გაეცნოს გერმანიის საპარლამენტო სისტემას. პროგრამის მიზანია მასში ჩართული ახალგაზრდებისთვის უფრო თვალსაჩინო გახადოს პოლიტიკური ცხოვრება და დემოკრატიული გადამწყვეტილებების მიღების პროცესი. აღსანიშნავია, რომ ამ პროგრამის ყოფილი სტიპენდიანტებმა ჩამოაყალიბეს



სპეციალური კავშირი, რომლის მიზანი კულტურათა შორის დიპლომის შენარჩუნება და საერთაშორისო ქსელის შექმნაა. გერმანიის ბუნდესტაგის დელეგაციის ვიზიტს თსუ-ში „საერთაშორისო საპარლამენტო სტიპენდიის“ პროგრამის ყოფილი მონაწილე თორნიკე დარჯანიაც ესწრებოდა.

„პროგრამა მრავალფეროვანია და ბევრ სასარგებლო ასპექტს მოიცავს: მე, როგორც იურისტი, პირადად ვესწრებდი ბერლინის თავისუფალ უნივერსიტეტში იურიდიულ ფაკულტეტზე ჩატარებულ ლექციებს, გერმანიის პარლამენტში ვისწავლეთ ბიუროში მუშაობა, თუ როგორ ხდება სამუშაო წერილების შედგენა და პასუხების დაწერა, სხვადასხვა სახის დოკუმენტაციის მომზადება, ინფორმაციის მოპოვება და ა.შ. ამ პროგრამაში მონაწილეობა პიროვნული თვალსაზრისით და პროფესიული კუთხით ძალიან ბევრს გაძლევს — ეს არის ტრამპლინი მომდევნო ეტაპზე გადასასვლელად“, — გვითხრა თორნიკე დარჯანიამ.

„საერთაშორისო საპარლამენტო სტიპენდიის“ პროგრამას გერმანიის პარლამენტის თავმჯდომარე ნორბერტ ლამერტი უწევს პატრონაჟს. პროგრამა ბერლინის სამ უნივერსიტეტთან ერთად ხორციელდება და გათვლილია მაღალი კვალიფიკაციის მქონე ახალგაზრდებზე, რომლებსაც სურთ აქტიური მონაწილეობა მიიღონ საკუთარი ქვეყნის დემოკრატიის განვითარების პროცესში. გერმანიის ბუნდესტაგი თავად აფინანსებს სტიპენდიანტების მზავრობას, ბინის, დაზღვევისა და სტიპენდიის ხარჯებს.

ვიზიტის ფარგლებში გერმანიის საპარლამენტო დელეგაცია საქართველოს პარლამენტის წევრებს და პარლამენტის თავმჯდომარის მოადგილეს გიორგი ნერეთელსაც შეხვდა.

კაიროს უნივერსიტეტთან გაფორმებული მემორანდუმი განახლებას მოითხოვს

22 ოქტომბერს თსუ-ის საგარეო ურთიერთობის დეპარტამენტმა ეგვიპტის ტექნიკური თანამშრომლობის ფონდის ორგანიზებულ სასწავლო პროგრამებში მონაწილეობის მისაღებად კონკურსის შედეგები გამოაცხადა. კონკურსში მონაწილეობა 11 სტუდენტმა და 6 პროფესორმა მიიღო, აქედან 6 სტუდენტმა და 6 პროფესორმა გაიმარჯვა. ისინი ეგვიპტის ტექნიკური თანამშრომლობის ფონდის მიერ ორგანიზებულ სასწავლო პროგრამებში მონაწილეობის მისაღებად ეგვიპტეში გაემგზავრებიან.

თამარ ლაღინი

თბილისის სახელმწიფო უნივერსიტეტისა და ეგვიპტის სამეცნიერო და სასწავლო წრებთან ურთიერთთანამშრომლობის თაობაზე გვესაუბრა თსუ-ის არაბისტიკის დეპარტამენტის ასოციირებული პროფესორი ლარა მადჰან ბარადაში:

— არაბისტიკა ქართული აღმოსავლეთმცოდნეობის ტრადიციული დარგია, რომლის განვითარება საქართველოში მჭიდროდა დაკავშირებული თბილისის სახელმწიფო უნივერსიტეტთან. არაბული ენა თსუ-ში ისწავლება დღიდან მისი დაარსებისა (1918 წლიდან მას აკაკი შანიძე კითხულობდა), ხოლო 1945 წელს ცნობილი ქართველი არაბისტიკის, აკადემიკოს გიორგი ნერეთლის ინიციატივით თსუ-ში გაიხსნა აღმოსავლეთმცოდნეობის ფაკულტეტი, სადაც წამყვანი დარგი არაბისტიკა იყო (ირანისტიკისა და თურქოლოგიის გვერდით).

არაბისტიკა სტუდენტები, ყოფილი საბჭოთა კავშირის არსებობის პირობებში, ყოველთვის უზრუნველყოფილი იყვნენ სხვადასხვა არაბულ ქვეყანაში სტაჟირების გავლის თვალსაზრისით, ამიტომაც აღმოსავლეთმცოდნეობის ფაკულტეტზე არაბული ენის ჯგუფში მოხვედრა პრესტიჟული გახლდათ. ყველაზე მაღალი კონკურსებიც, წლების მანძილზე, სწორედ არაბისტიკის პროფესორის პროგრამებზე იყო.

ეგვიპტეში, კაიროში საქართველოს საელჩოს გახსნის (1998 წ.) შემდეგ, ეგვიპტურ მხარესთან დაიწყო თბილისის სახელმწიფო უნივერსიტეტის ინტენსიური სასწავლო-სამეცნიერო თანამშრომლობა სხვადასხვა

ტიპის პროგრამების მეშვეობით. თბილისის სახელმწიფო უნივერსიტეტსა და კაიროს უნივერსიტეტს შორის გაფორმდა თანამშრომლობის მემორანდუმი, რომლის ფარგლებში 1999 წლიდან დაიწყო თბილისის სახელმწიფო უნივერსიტეტის არაბისტიკის სტაჟირებები კაიროს უნივერსიტეტის ჰუმანიტარულ მეცნიერებათა ფაკულტეტის არაბული ენის ცენტრში. ეს გაცვლითი პროგრამა რეგულარულ ხასიათს ატარებს და, ყოველწლიურად, კაიროში თბილისის სახელმწიფო უნივერსიტეტიდან 6-7 სტუდენტი მიემგზავრება. ეგვიპტის ტექნიკური თანამშრომლობის ფონდი ზრუნავს არაბისტიკის მიმართულების საბაკალავრო და სამაგისტრო პროგრამების ტექნიკურ უზრუნველყოფასა და არაბულენოვანი წიგნები ფონდით (სახელმძღვანელოებითა და სამეცნიერო-პერიოდული გამოცემებით) მათ აღჭურვაზე.

ეგვიპტის ტექნიკური თანამშრომლობის ფონდის ორგანიზებულ სასწავლო პროგრამებში მონაწილეობის მისაღებად გამართულ კონკურსს, გასულ წლებში, არაბისტიკის დეპარტამენტი უზრუნველყოფდა. წელს, მაგალითად, კონკურსი თსუ-ის საგარეო ურთიერთობის დეპარტამენტის ორგანიზებითა და არაბისტიკის დეპარტამენტის პროფესორის მონაწილეობით ჩატარდა. შედეგად, შეირჩნენ ისეთი სტუდენტები, რომლებიც ღირსეულად წარმოაჩინეს თბილისის სახელმწიფო უნივერსიტეტის სახეს.

რაც შეეხება პროფესორ-მასწავლებელთა გაცვლით პროგრამებში მონაწილეობის მიღე-

ბას, ასეთი ღონისძიებები ყოველწლიურად არ იგეგმება. ეგვიპტეში პროფესორის კვალიფიკაციის ასამაღლებელი კურსების გაყვამდე წლის იანვარშია მოსალოდნელი. ეს კურსები იმითაც იქნება გამორჩეული, რომ მას ქართველი პედაგოგები კაიროს ამერიკული უნივერსიტეტის დაქვემდებარებულ ცენტრში გაივლიან. სწორედ ეს ფაქტორი ზრდის ჩვენს ინტერესსა და მოტივაციას ამ კურსებში მონაწილეობის მისაღებად. ყველაათვის ცნობილია, რომ ამერიკული უნივერსიტეტების ქსელი არაბულ ქვეყნებში მეტად პრესტიჟულ სასწავლო-სამეცნიერო ცენტრებადაა მიჩნეული, აქვე უმდიდრესი ბიბლიოთეკები როგორც არაბულ, ისე ევროპულენოვანი წიგნები ფონდით. იქ გაცვლითი ტრენინგი ნამდვილად დიდი შენაძენი იქნება ქართველი პროფესორისთვის.

ეგვიპტეს უკავშირდება, ასევე, თსუ-ის არაბისტიკის სტუდენტებისთვის ერთწლიანი სასწავლო პროგრამაც. 10 წელზე მეტია, რაც

ეგვიპტის განათლების სამინისტრო ყოველწლიურად გამოყოფს რამდენიმე სტიპენდიას ქართველი სტუდენტებისთვის კაიროს უნივერსიტეტის არაბული ენის ცენტრში სასწავლებლად. ამ სტიპენდიით, ამჟამად, კაიროში 5 ჩვენი სტუდენტი იმყოფება.

რამდენადაც ჩემთვის ცნობილია, კაიროს უნივერსიტეტთან გაფორმებული მემორანდუმი განახლებას მოითხოვს, რაზეც ამჟამად ზრუნავს საქართველოს საელჩო ეგვიპტეში და პირადად ელჩი, ბატონი გოჩა ჯავახიძე, რომელიც დიპლომატიურ სამსახურში სწორედ თბილისის სახელმწიფო უნივერსიტეტის სრული პროფესორის თანამდებობიდან წავიდა.

იმედს გამოვთქვამთ, რომ თბილისის სახელმწიფო უნივერსიტეტის მხრიდან ეგვიპტის სამეცნიერო და სასწავლო წრებთან კონტაქტები, სამომავლოდ, კიდევ უფრო ინტენსიურ ხასიათს მიიღებს და ბევრად მეტ სფეროს მოიცავს.



„საბავშვო უნივერსიტეტი“ მხოლოდ განსაკუთრებული ნიჭის მქონეთ როლი ეპატიჟება



„აღმოაჩინე ცოდნის სამყარო შენი“ — ამ სიტყვებით მიმართა თსუ-ის ჰუმანიტარულ მეცნიერებათა ფაკულტეტის დეკანმა დარეჯან თვალთვაძემ 16 ოქტომბერს ივანე ჯავახიშვილის სახელობის თბილისის სახელმწიფო უნივერსიტეტში შეკრებილ სკოლის მოსწავლეებს, რომლებიც „საბავშვო უნივერსიტეტი“ ახალი სასწავლო წლის დაწყების აღსანიშნავად გამართულ ღია კარის დღეს დაესწრნენ. ტრადიციულად, მათ თსუ-ის ადმინისტრაციისა და ფაკულტეტების წარმომადგენლები შეხვედნენ და „საბავშვო უნივერსიტეტის“ ფარგლებში დაგეგმილი ლექციითა კურსი გააცნეს.

შურთხია ბაროვილი

სკოლის მოსწავლეებს ახალი სასწავლო წლის დაწყება მიულოცეს თსუ-ის ადმინისტრაციის ხელმძღვანელის მოვალეობის შემსრულებელმა დავით ჩომახიძემ, თსუ-ის რექტორის მოვალეობის შემსრულებლის მრჩეველმა მარინე ლომოურმა და თსუ-ის ფაკულტეტების დეკანებმა. თითოეულმა ფაკულტეტმა საინტერესო სალექციო კურსი წარადგინა. როგორც შეხვედრაზე აღინიშნა, პროექტის ფარგლებში მოსწავლეები მათთვის გასაგებ და პოპულარულ ენაზე მოისმენენ თსუ-ის პროფესორ-მასწავლებელთა ლექციებს ფიზიკის, ქიმიის, ისტორიის, გეოგრაფიის, მათემატიკის, ეკონომიკის, მედიცინის თუ სხვა მეცნიერებების მიმართულებით. აღსანიშნავია, რომ „საბავშვო უნივერსიტეტი“ სწავლა საქართველოს ყველა საჯარო სკოლის მოსწავლეს შეუძლია, ანუ დასწრება თავისუფალია, სწავლა კი უფასო.

რექტორის მრჩეველის მარინე ლომოურის ინფორმაციით, თბილისის სახელმწიფო უნივერსიტეტი ყველანაირ პირობებს უქმნის სკოლის მოსწავლეებს — ეზიარონ მეცნიერებათა საფუძვლებს, მონაწილეობა მიიღონ უნივერსიტეტის პროფესორ-მასწავლებელთა მიერ დაგეგმილ ყველა საინტერესო ექსპერიმენტში, დაესწრონ მათთვის საინ-

ტერესო ლექციებს, ანარმოონ საველე სამუშაოები არქეოლოგიურ ექსპედიციებში და კვალიფიციური სპეციალისტებისაგან მიიღონ ინფორმაცია საინტერესო კითხვებზე. „გაგრძელდა ინფორმაცია, რომ თითქოს „საბავშვო უნივერსიტეტი“ მხოლოდ ნიჭიერ და მაღალი აკადემიური მაჩვენებლის მქონე ბავშვებს იღებენ. გვინდა დაგარწმუნოთ, რომ ეს ინფორმაცია სიმართლეს არ შეესაბამება. უნივერსიტეტი ელის ყველას, ვისაც ცოდნის გაღრმავების სურვილი აქვს! „საბავშვო უნივერსიტეტის კარი ყველა მსურველისთვის ღიაა“, — ასე მიმართა ღია კარის დღეზე მონაწილე ბავშვებს ქალბატონმა მარინა ლომოურმა.

ლონისძიებზე „საბავშვო უნივერსიტეტის“ მსმენელებს „ტაოპრივატბანკმა“ სამახსოვრო საჩუქრები გადასცა.

შეხვედრის შემდეგ ფიზიკით და ქიმიით დაინტერესებულ მოსწავლეებს ზუსტ და საბუნებისმეტყველო მეცნიერებათა ფაკულტეტის პროფესორ-მასწავლებლებმა თსუ-ის ლაბორატორიებში საინტერესო ცდები უჩვენეს. ამ კუთხით ფაკულტეტის აქტიურობა კიდევ ერთხელ უსცავს ხაზს იმას, რომ ზუსტ და საბუნებისმეტყველო საგნებით ბავშვების დაინტერესება სკოლის მერხიდან უნდა დაიწყოს, თუ გვინდა, რომ ამ მიმართულების სპეციალისტები ქვეყანას ჰყავდეს.

მამა თეოდორე სტუმრად თსუ-ში

ერთი წელია, რაც ჯვართამაღლების სახელობის ტაძრის წინამძღვარი დეკანოზი თეოდორე გიგნაძე საჯარო ლექციებს ატარებს თბილისის სახელმწიფო უნივერსიტეტში. ლექციები ჟურნალ „კარიბჭისა“ და თსუ-ის საპატრიარქოსთან ურთიერთობის ცენტრის ორგანიზებით იმართება. მამა თეოდორეს ქადაგებები უნივერსიტეტში დიდი პოპულარობით სარგებლობს. ლექციაზე სტუდენტების რაოდენობა იზრდება, რაც იმაზე მეტყველებს, რომ მოძღვრის სტუმრობა უნივერსიტეტში მნიშვნელოვანი და აუცილებელია. ლექციების ციკლი დოგმატურ ღვთისმეტყველებას ეხება. ლექციის შემდეგ ნებისმიერ დაინტერესებულ სტუდენტს შეუძლია მიიღოს კომპეტენტური და არგუმენტირებული პასუხი ამა თუ იმ რელიგიის თემაზე.

თსუ-ის სტუდენტურ თვითმმართველობასთან არსებული საპატრიარქოსთან ურთიერთობის ცენტრი ყოველთვის ატარებდა საჯარო ლექციებს, რომლებსაც სასულიერო პირები კითხულობდნენ, აღსანიშნავია, რომ მამა თეოდორეს ლექციებზე დამსწრე

სტუდენტთა რაოდენობა ლექციიდან ლექციამდე იზრდება. ბევრმა სტუდენტმა ეკლესიური ცხოვრება სწორედ ამ ლექციების შემდეგ დაიწყო, ისინი დიდად ემაძიებენ ბიან მამა თეოდორეს და თსუ-ის საპატრიარქოსთან ურთიერთობის ცენტრს, — აღნიშნა თსუ-ის საპატრიარქოსთან ურთიერთობის ცენტრის თავმჯდომარემ დავით რეკვაიამ.

„მამა თეოდორეს ლექციები დიდ სულიერ განათლებას აძლევს სტუდენტ-ახალგაზრდობას. აღსანიშნავია, რომ იგი საუბრობს არა მხოლოდ მართლმადიდებლური ეკლესიის დოგმებზე, არამედ ეკლესიის ისტორიაზე და თავის მოსაზრებას მეცნიერული არგუმენტებით ასაბუთებს, რითაც ადამიანში ღვთის რწმენას აძლიერებს. ჩემი აზრით, მნიშვნელოვანია დღევანდელი თაობისთვის ასეთი საუბრები“, — აღნიშნა თსუ-ის საპატრიარქოსთან ურთიერთობის ცენტრის განათლებისა და მეცნიერების დეპარტამენტის ხელმძღვანელმა ნინო მჭედლიშვილმა.

თსუ-ის სტუდენტები ათასწლეულის განვითარების მიზნების ახალგაზრდულ სამიტზე წარსდგებიან

ნათო ოგოლაძე

22 ოქტომბერს თბილისის სახელმწიფო უნივერსიტეტში ჩატარდა საჯარო ლექცია თემაზე: „ათასწლეულის განვითარების მიზნები საქართველოში (MDG) და ახალგაზრდობის როლი“. ლექცია სამოქალაქო განვითარების საერთაშორისო ქსელისა და გაერთიანებული ერების ორგანიზაციის ერთობლივი პროექტის ფარგლებში გაიმართა. პროექტის მიზანი ახალგაზრდებისთვის ათასწლეულის განვითარების მიზნების შესახებ ინფორმაციის მიწოდებაა. პროექტის ფარგლებში, ასევე, იგეგმება გაეროს „ათასწლეულის განვითარების მიზნები“-ს ახალგაზრდული ხედვის ჩამოყალიბება.

ლექცია სამოქალაქო განვითარების საერთაშორისო ქსელის წევრმა ქეთევან ლუდუშაურმა წაიკითხა. მან სტუდენტებს წინასწარ დამუშავებული მასალები გააცნო. ლექციის შემდეგ სტუდენტებთან შეხვედრა კითხვა-პასუხის რეჟიმში გაგრძელდა.

„ახალგაზრდებს მივცით შესაძლებლობა, რომ წარმოეჩინათ საკუთარი თავი და ცოდნა, ეაქტიურად და ჩვენთვის საინტერესო კითხვები დაესვათ. სწორედ ამ გზით გავიგებთ, თუ რამდენად კარგად გაიაზრეს სტუდენტებმა ლექციის ძირითადი არსი. შედეგად, ჩვენ გამოვავლინეთ სამი საუკეთესო ახალგაზრდა: დემეტრე მოდებაძე, ანა აკოფაშვილი და თამუნა ბერიძე. ისინი 17 ნოემბერს სასტუმრო „შერატონ მეტეხი პალასში“ დაგეგმილ ათასწლეულის განვითარების მიზნების შემაჯამებელ ახალგაზრდულ სამიტზე დამსწრის სტატუსით მიიღებენ მონაწილეობას“, — განაცხადა სამოქალაქო განვითარების საერთაშორისო ქსელის თავმჯდომარემ შმაგი ჩოხელიმ. სამიტზე საქართველოში მო-

ქმედი ახალგაზრდული ორგანიზაციების ლიდერები მიიღებენ მონაწილეობას, რის შედეგადაც ათასწლეულის განვითარების მიზნებთან დაკავშირებით ახალგაზრდული ხედვა და რეკომენდაციები შემუშავდება. დოკუმენტი როგორც გაეროს, ასევე, საქართველოს მთავრობისა და პარლამენტს გადაეგზავნება.

სამოქალაქო განვითარების საერთაშორისო ქსელისა და გაერთიანებული ერების ორგანიზაციის ერთობლივი პროექტი 19 ოქტომბერს აგრარულ უნივერსიტეტში გაიხსნა. ეტაპობრივად ლექციების ჩატარება თბილისის 7 უმაღლეს სასწავლებელში და ასევე, რუსთავეის, გორისა და ქუთაისის უნივერსიტეტებში იგეგმება. თითოეული უმაღლესი სასწავლებლიდან სამ-სამი სტუდენტი შეირჩევა, რომლებიც ათასწლეულის განვითარების შემაჯამებელ ახალგაზრდულ სამიტში მიიღებენ მონაწილეობას. სამოქალაქო განვითარების საერთაშორისო ქსელის თავმჯდომარე შმაგი ჩოხელი, პროექტის შედეგად, ახალგაზრდული დელეგაციის შექმნას გეგმავს, რომელიც MDG-ის მსოფლიო ახალგაზრდულ კონგრესებში მიიღებს მონაწილეობას.

გაეროს ათასწლეულის განვითარების მიზნების შესახებ მისი წევრი სახელმწიფოები 2000 წელს შეთანხმდნენ. სულ არის 8 მიზანი, რომელსაც ამ ქვეყნებმა 2015 წლამდე უნდა მიაღწიონ: 1) უკიდურესი სიღარიბისა და შიმშილის აღმოფხვრა; 2) დაწყებითი განათლების უზრუნველყოფა მთელს მსოფლიოში; 3) გენდერული თანასწორობა და ქალთა უფლებამოსილებების გაზრდა; 4) ბავშვთა სიკვდილიანობის შემცირება; 5) დედათა ჯანმრთელობის გაუმჯობესება; 6) შიდატან, მალარიასა და სხვა დაავადებებთან ბრძოლა; 7) ეკოლოგიური მდგრადობის უზრუნველყოფა; 8) მსოფლიო თანამშრომლობის ჩამოყალიბება განვითარებისათვის.

ვინ უერთდება „ივერიელთა ერთობის ტრაქტატს“



ნათო ოგოლაძე

ივანე ჯავახიშვილის სახელობის თბილისის სახელმწიფო უნივერსიტეტის 15 700 სტუდენტმა უკვე მოაწერა ხელი „ივერიელთა ერთობის ტრაქტატს“, რომელიც სრულიად საქართველოს კათოლიკის-პატრიარქის, უნიმდესისა და უნეტარების ილია II-ს ლოცვა კურთხევით გამოიცა. აღნიშნული დოკუმენტი 1790 წლის „ივერიელთა ერთობის ტრაქტატის“ მსგავსად შეიქმნა და მასზე ხელის მოწერა საქართველოს ყველა მოქალაქეს შეუძლია. პროექტი ჯერ არ დასრულებულა. თსუ-ის სტუდენტური თვითმმართველობის ორგანიზებით ხელის მოწერის პროცესი თბილისის 11 უმაღლეს სასწავლებელში მიმდინარეობს.

„აღნიშნულ ტრაქტატში მითითებულია, თუ რა არის ქართველი ერის ძირითადი მიზანი და რას მოუწოდებს პატრიარქი ქართველებს. სტუდენტების დამოკიდებულება ამ ფაქტისადმი მეტად დადებითი გახლავთ. ჩვენ თსუ-ის კორპუსების ყველა შესასვლელში დაგვიდგინებენ მერხები, სადაც სტუდენტური თვითმმართველობის წევრები

კორპუსში შემოსულ ყველა სტუდენტს თუ პროფესორს ტრაქტატზე ხელის მოწერას სთავაზობდნენ. აღსანიშნავია, რომ ყველა მათგანმა ამ პროექტში მონაწილეობის მიღების დიდი სურვილი გამოთქვა“, — განაცხადა თსუ-ის სტუდენტური თვითმმართველობის პრეზიდენტმა დაჩი გუბაძემ.

„კვლავაც განვამტკიცებთ ჩვენს საუკუნო ერთობას და ყოველადლიერი ღმერთის სახელით ალფუტქვამთ საქართველოს ერთგულებას, ერთმანეთს კი — მტკიცე თანადგომასა და სიყვარულს, გამოსატულს ჩვენს აზრსა და ქმედებაში, რათა თითოეულმა ჩვენგანმა, გმირი წინაპრების მსგავსად, დავიცვათ ჩვენი მინა-წყალი და ტრადიციები, ჩვენი თავისუფლება და ღირსება!“ — აღნიშნულია „ივერიელთა ერთობის ტრაქტატში“. ამ ფასულობების გაზიარება და დამოწმება საქართველოს ყველა მოქალაქეს შეუძლია, მათ შორის, სკოლის მოსწავლეებსაც. აღსანიშნავია, რომ მას ხელი უკვე 45 000-მა მოსწავლემ მოაწერა. პროექტის თსუ-ის სტუდენტურ თვითმმართველობასთან ერთად ორგანიზებას უწევს მამა გიორგი ყიფშიძე, რომელიც წმინდა ივლიტასა და კვირიკეს ტაძრის მოძღვარი გახლავთ.

მარინე შენგელია – თავისი საქმის ერთგული



ზუსტად და საბუნებისმეტყველო მეცნიერებათა ფაკულტეტის ბიოლოგიის მიმართულების სასწავლო პროცესის მართვისა და სამეცნიერო კვლევების სამსახურის ხელმძღვანელი

მარინე გრიგოლის ასული შენგელია. მარინე შენგელიამ შრომითი საქმიანობა სკოლის დამთავრებისთანავე ქ. თბილისის მე-60 საშუალო სკოლის ლაბორანტად დაიწყო. 1967-1972 წლებში იგი თსუ-ის ბიოლოგიის ფაკულტეტის სტუდენტი გახდა, ხოლო 1972-1975 წლებში თსუ-ის ბიოფიზიკის კათედრის ასპირანტი. 1975-1979 წლებში მარინე შენგელია მუშაობდა ინჟინერ-აპარატურის ლაბორანტად. 1979-1986 წლებში იგი კანცეროგენების მოლეკულური მექანიზმების სკ-პრობლემური ლაბორატორიის უმცროსი მეცნიერ-თანამშრომელია, ხოლო 1986 წლიდან 1998 წლამდე ამავე ლაბორატორიის უფროსი მეცნიერ თანამშრომელი. მარინე შენგელიამ წარმატებით დაიცვა საკანდიდატო დისერტაცია და 2000-2006 წლებში იგი თსუ-ის ბიოფიზიკის კათედრის დოცენტი გახდა. მარინე შენგელია 1992 წლიდან მუშაობ-

და ჯერ ბიოლოგიის, შემდეგ კი ბიოლოგიისა და მედიცინის ფაკულტეტის დეკანის მოადგილედ. 2000 წლიდან იგი კვლავ ბიოლოგიის ფაკულტეტის დეკანის მოადგილეა, ხოლო 2005 წლიდან გარდაცვალებამდე ზუსტ და საბუნებისმეტყველო მეცნიერებათა ფაკულტეტის ასისტენტ-პროფესორი და ბიოლოგიის მიმართულების სასწავლო პროცესის მართვისა და სამეცნიერო კვლევების სამსახურის ხელმძღვანელი გახლდათ. მარინე შენგელიას უდიდესი წვლილი მიუძღვის ბიოლოგიის ფაკულტეტისა და შემდეგ ბიოლოგიის მიმართულების სასწავლო პროცესის ორგანიზებაში. ჩვენი მეხსიერებიდან არასოდეს წაიშლება მარინე შენგელია – როგორც გამოჩენილი თავმდაბალი, ყურადღებიანი და ყოველთვის განონასწორებელი პიროვნება. მისი მაგიდის გარშემო მუდამ ხალხმრავლობა იყო, რად-

განაც ქალბატონმა მარინემ ზუსტად იცოდა უნივერსიტეტში მიმდინარე სასწავლო პროცესების ყველა ნიუანსი და ყოველთვის ამომწურავ პასუხს იძლეოდა. მარინე შენგელია საოცარი შრომისმოყვარეობით გამოირჩეოდა და დასვენების დღეებშიც, შაბათ-კვირას, ხშირად იხილავდით თავის სამუშაო მაგიდასთან, როგორც თავისი საქმის ერთგულ ჯარისკაცს. უკურნებელი სენით შეპყრობილი, მძიმე ფიზიკური შეჭირვების მიუხედავად, ჩვეული ერთგულებით ემსახურებოდა საყვარელ საქმეს... ყველასათვის საყვარელი ადამიანი, გამოჩენილი პიროვნების მარინე შენგელიას გარდაცვალებამ დიდი სევდა და ტკივილი დაგვიტოვა. ღმერთმა ნათელში ამყოფოს მისი ლამაზი სული...

განხილვა

ქართველ ლინგვისტთა შორის გამოჩენილი

საერთაშორისო საენათმეცნიერო საზოგადოებას გამოაკლდა თანამედროვე ზოგადი და იბერიულ-კავკასიური ენათმეცნიერების, ქართული კავკასიოლოგიური სკოლის ერთ-ერთი თვალსაჩინო წარმომადგენელი, ხალხების ერთიანობის სიმბოლო, მათი უსაყვარლესი შვილი და იმედი მიხეილ ქურდიანი — ფილოლოგიის მეცნიერებათა დოქტორი (1998 წ.), პროფესორი (2000 წ.), საქართველოს საპატრიარქოს გელათის მეცნიერებათა აკადემიის აკადემიკოსი (1995 წ.) და პრეზიდენტი (2007 წლიდან 2010 წლის გაზაფხულამდე); არნოლდ ჩიქობავას სახელობის ენათმეცნიერების ინსტიტუტის ზოგადი ენათმეცნიერების განყოფილების გამგე; ივანე ჯავახიშვილის სახელობის თბილისის სახელმწიფო უნივერსიტეტის პროფესორი, საქართველოს საპატრიარქოს წმინდა ანდრია პირველწოდებულის სახელობის ქართული უნივერსიტეტის პროფესორი (2010 წლის გაზაფხულამდე), 2003 წლიდან სრულიად საქართველოს რუსთაველის საზოგადოების პრეზიდენტი, ვახტანგ გორგასლის II ხარისხის ორდენის კავალერი, მწერალთა კავშირის წევრი (1992 წლიდან).

მიხეილ ქურდიანის სამეცნიერო ინტერესების ძირითადი სფეროებია: ზოგადი ენათმეცნიერება, კომპარატივისტიკა, გრამატიკოლოგია, იბერიულ-კავკასიური ენები, ეთნოლინგვისტიკა, ლიტერატურის თეორია, ლექსთმცოდნეობა. სამეცნიერო შრომების რაოდენობა 265 (მათ შორის — 3 მონოგრაფია და ერთი წიგნი).

მიხეილ ქურდიანმა მნიშვნელოვანი წვლილი შეიტანა ზოგადი ენათმეცნიერული და შედარებითი ენათმეცნიერების განვითარების საქმეში. მან საუნივერსიტეტო სწავლების სამივე საფეხურისათვის წარმოადგინა ზოგადი (რესპ. თეორიული) ენათმეცნიერების უწყვეტი კურსის კონცეფცია, რომლის სისრულე, სიხსნე და აქტუალობა ამ დარგის სპეციალისტებისათვის მოიაზრებოდა როგორც ერთიანი იერარქიული სისტემა, რომელიც ფუნქციონირებს ლინგვისტიკის პროფესიული მომზადების ყოველ საფეხურზე უწყვეტად, შესაბამისი საუნივერსიტეტო საფეხურის მიზანდასახულობასთან სამეცნიერო დისციპლინის ინტერესთა სრული შესაბამისობით და პარალელური გამოირჩევა.

პროფესორ მიხეილ ქურდიანს ყოველთვის ანუხებდა ის მდგომარეობა, რომელშიაც ამჟამად იმყოფება თეორიული ლინგვისტიკა საქართველოში. იგი აღნიშნავდა, რომ გვეყავს ცალმხრივად განსწავლული ლექტორები, რომლებიც, მათი მაღალი სამეცნიერო ხარისხებისა და ნოდებების მიუხედავად, არიან შეზღუდული ამა თუ იმ მიმდინარეობის ან სკოლის თვალსაზრისით, მეტიც, მოდური თუ მოდიდან გამავალი მეცნიერული პარადიგმით, რომელსაც აწვდიან სტუდენტებს, როგორც მეცნიერების უკანასკნელ სიტყვას უნივერსიტეტში ბაკალავრის, მაგისტრის ან დოქტორის სამეცნიერო ხარისხის მიღებული ლინგვისტიკის თვისი სამეცნიერო ხარისხის შესაბამისად, უნდა ფლობდეს ზღვრულ, კვალიფიკირებულ ინფორმაციას თავის სპეციალობაში, კორექტულად, მეთოდოლოგიური იმანენტის დონეზე იყენებდეს სპეციალურ მეთოდებს, როგორც მთავრია, აზროვნებდეს კრიტიკულად.

პროფესორი მიხეილ ქურდიანი თვლიდა, რომ ლინგვისტიკა ზუსტი და ვერიფიცირებადი მეთოდების მქონე მეცნიერებაა და ამ მხრივ ტოლს არ უდებს საბუნებისმეტყველო მეცნიერებებს, მაგრამ ლინგვისტიკა, ამ შემთხვევაში თეორიული, შედგება რამდენინ-

მე დარგისაგან და ამ დარგებს შორის არ არსებობს ტერმინთა სინონიმურობა (სემიოტიკაში, კომპარატივისტიკაში, ანთროპოცენტრულ (კომუნიკაციურ) ლინგვისტიკასა და სოციალურ ლინგვისტიკაში); არადა, ყველა მათგანი ზოგადი (რესპ. თეორიული) ლინგვისტიკის დარგია. მიხეილ ქურდიანისათვის პრინციპულად განსხვავდებოდა ერთმანეთისგან მათი კვლევის მეთოდებიც.

პროფესორ მიხეილ ქურდიანს ჰუმანიტარულ მეცნიერებათა ფაკულტეტის ბაკალავრიატის სტუდენტები საუნივერსიტეტო სწავლების ტრადიციის მიხედვით ზოგადი ენათმეცნიერების პროპედევტიკური ნაწილი, ანუ ენათმეცნიერების შესავალი, პროფესიული სიყვარულით შეჰყავდა ზოგადი ენათმეცნიერების მრავალფეროვან სამყაროში. აძლევდა მათ ენის, როგორც ენათმეცნიერების საგნისა და ენობრივი ნიშნის დეფინიციებს თეორიული ლინგვისტიკის სხვადასხვა დარგის მიხედვით, თვალსაჩინოს



ხდიდა ამ დარგების იმანენტურ მარკერებს, ანუ აძლევდა მათ ფუნდამენტური ლინგვისტიკის ტერმინთა მნიშვნელობას და მათ არასინონიმურობას დარგების მიხედვით და ა.შ. აძლევდა სტუდენტებს საბაზისო ცოდნას, უფითარებად მონოდებულ ინფორმაციას კლასიფიკაციისა და ვერიფიკაციის უზარს და ასწავლიდა მეთოდებს, ენობრივ ფაქტსა და ინტერპრეტაციას შორის განსხვავებას, ამა თუ იმ თეორიული საფუძვლის ამოცნობასა და განსაზღვრას რელევანტური ნიშნის მიხედვით, მათურიითერმოდარებას სინქრონიული თანარსებულ ინტერპრეტაციებთან, რაც პროფესორ მიხეილ ქურდიანს მიაჩნდა პროფესიონალად ჩამოყალიბებისათვის გადამწყვეტი ღირებულების მქონედ. ამით სტუდენტები განასხვავებენ თეორიულ ლინგვისტიკაში პოპულარული მითოლოგიებს — „რწმენის“ საგანს — ცოდნისგან.

ზოგადი ენათმეცნიერების კურსი პროფესორ მიხეილ ქურდიანისათვის საბაკალავრო და სამაგისტრო დონეების მიხედვით განსხვავებული სახით იყო წარმოდგენილი. იგი თანამედროვე სოციალიზმის სპეციფიკური კვლევის მეთოდებისა და თეორიების საკუთრივ ლინგვისტიკურ ინტერპრეტაციებს განიხილავდა სოციალიზმის სპეციფიკური იმანენტის ფარგლებში. მიხეილ ქურდიანი-

სათვის ეს კურსი ორიენტირებულია მულტილინგვური მონაცემებით ოპერირებაზე, რომელშიც სათანადოდ არის ასახული ქართველური და მთის კავკასიური ენების მასალაც, რამაც სარწმუნო უნდა გახადოს ნამოყენებელი დებულებები, რათა მათი ვერიფიცირება არაპრობლემური და არაიზომორფული ენების საშუალებით ხდებოდა.

მეცნიერ მიხეილ ქურდიანის კვლევის პრიორიტეტები დაკავშირებულია საქართველოში და, საზოგადოდ, ენათმეცნიერებაში ისეთი კარდინალური და გაჭიანურებული საკითხის გადაწყვეტასთან, როგორცაა ქართველური და მთის კავკასიური ენების ნათესაობის დამტკიცება მკაცრი და ვერიფიცირებული მეთოდების გამოყენებით. ამ საქმეში ქართველმა ლინგვისტებმა ითამაშეს გადამწყვეტი როლი (მ. ჩუხუა, მ. ქურდიანი...). მათმა ნაშრომებმა უკვე მოიპოვეს საერთაშორისო აღიარება კავკასიოლოგთა წრეებში. ამ ნაშრომებს მიეცათ ახალი პა-

რადიგმის კვალიფიკაცია. ამგვარად, ქართველური და მთის კავკასიური ენების ნათესაობის დასაბუთებით გამოიკვეთა ახალი რეალობა, პერსპექტივები, პრიორიტეტები. ამ თვალსაზრისით უადრესად საინტერესოა ლინგვისტიკური, არქეოლოგიური და ანთროპოლოგიური მონაცემების ურთიერთვერიფიკაცია.

მიხეილ ქურდიანის „იბერიულ-კავკასიური ენათმეცნიერების საფუძვლები“ შემავარდნის, საეტაპო ნაშრომია იბერიულ-კავკასიურ ენათა ნათესაობის თეორიაში. მასში დადგენილია ამ ენობრივი ოჯახის თითოეულ ჯგუფში შემავალ ენებს შორის კანონზომიერი და რეგულარული ბგერათმესატყვისობანი, ფუძე-ენის ფონოლოგიური სისტემის, მორფოლოგიური ინვენტარისა და სიტყვაფორმთა არქტიპების ვერიფიცირებადი რეკონსტრუქციები და სარწმუნო ეტიმოლოგიები. ამ ნაშრომს შემდგომში უნდა დაეფუძნოს როდენობის ახალი შეხედულება — ახალი მასალისა და ახალი შეპირისპირებების გამოვლენა, შესატყვისობათა დადგენილი სისტემის რენეტრპრეტაციის პრობლემები და სხვა.

მიხეილ ქურდიანი იკვლევდა ქართველთა პრეელსაცხოვრის ენობრივი მონაცემების მიხედვით და საერთო-ქართველური საზოგა-

დობის სოციალურ სტრუქტურას, პრაქტრულ და ტომობრივ შედგენილობას, კულტურული და სამეურნეო ყოფის არაერთ საკითხს.

სემანტიკისა და ტიპოლოგიის დარგში კვლევას აწარმოებდა სამი მიმართულებით: ა) ნათესაობის ტერმინები, ბ) სივრცის სტრუქტურირება (რესპ. მარკირების) და გ) ფერის აღმნიშვნელი ლექსიკის ანალიზი (ისტორიულ-შედარებითი და შედარებით-ტიპოლოგიური) იბერიულ-კავკასიური, ინდო-ევროპული და სემიტურ-ჰამიტური მასალის საფუძველზე. ამ კვლევების თეორიული საფუძველია ლინგვისტიკური ანთროპოლოგია („ნათესაობის სინონიმურობა არ არსებობს“ — ვილჰელმ ფონ შუმბოლდტი).

მიხეილ ქურდიანის სამუშაო მაგიდაზე დარჩა მასალები სოციალიზმის სპეციფიკის დარგში, რომლითაც იგი ცდილობდა კენეტლი პაიკის „ეთიქს“ და „ემიქს“ მიდგომის ახლებური „ენერგისტიკის“ ინტერპრეტაციის დაწერვას და მისი ფართო შესაძლებლობის დემონსტრირებას კავკასიაში ენობრივ ქვევათა დესკრიფციის თვალსაზრისით.

ქართველურ ენათა და დიალექტთა კვალიფიკაციის სფეროში მიზანსწრაფულად შექმნილ კრიზისთან დაკავშირებით მიხეილ ქურდიანი მუშაობდა ენისა და დიალექტის სოციალიზმის სპეციფიკური და კომპარატივისტული დეფინიციების სრულყოფისა და პრინციპული გამოიჭენისათვის, მომიჯნავე თეორიული პრობლემების დამუშავებისათვის, ქვეყანაში დიგლოსიური და ბილინგვური მოცემულობების მართვის თეორიული ბაზის ჩამოყალიბებისათვის.

ზემოთქმული მიხეილ ქურდიანის მხოლოდ კვლევითი პრიორიტეტებია. მათ პარალელურად იგი აწარმოებდა საერთაშორისო კონტაქტებით ნაკარნახევ კვლევებს, იყო არაერთი სამეცნიერო ფორუმის მონაწილე და თავადაც თვლიდა, რომ ნებისმიერი ლინგვისტიკური ინსტიტუტის არსებობას აზრი აქვს მხოლოდ იმ შემთხვევაში, თუ მას აქვს ამბიციაც, იყოს იდეათა გენერატორი და დისკურსანტი საერთაშორისო მასშტაბით და მოიხვეჭს ძალებს ამ ამბიციების რეალიზაციისათვის. სწორედ ამიტომ მიხეილ ქურდიანი მხარში ედგა კავკასიოლოგიის ინსტიტუტს როგორც პირველი, ასევე მეორე საერთაშორისო კონგრესის ორგანიზებასა და სამეცნიერო მიმართულებების განსაზღვრაში. II კონგრესი, სამწიფოლოდ, მის გარეშე გაიმართება.

მიხეილ ქურდიანს მიაჩნდა, რომ თეორიული და შედარებითი ენათმეცნიერების ინსტიტუტი არა მარტო უნდა იდგეს თანამედროვე მსოფლიო ზოგადი ლინგვისტიკის დონეზე, არამედ თავადაც უნდა განაპირობებდეს ამ დონეს.

წავიდა ჩვენგან ახალგაზრდა, მაგრამ მაინც ვალმოხილი მეცნიერი, საზოგადო მოღვაწე, რომელსაც თამამად შეუძლია გაუსწოროს თვალს იმქვეყნად ფარნავაზს, ლეონტი მროველს, ივანე ჯავახიშვილს, არნოლდ ჩიქობავას. მისი მინიერი ცხოვრების დასასრული აღსავსე იყო ემოციებით, ტანჯვითა და ტკივილით. უფალმა აქვე, მიწურ ცხოვრებაში, მოახილვა სატანჯველი სასუფევლის დასამკვიდრებლად. იგი ქართველ ლინგვისტთა შორის გამოჩენილი ვითარცა მთავარი ხილულა და განქარვნილი ზეცის სამყაროში, რათა სამარადისო ნათელი იყოს მოცული მიხეილ ქურდიანის მარადიული სამკვიდრებელი.

ცირა ბარამიძე

თსუ-ის ჰუმანიტარულ მეცნიერებათა ფაკულტეტის კავკასიოლოგიის ინსტიტუტის ხელმძღვანელი, პროფესორი

მიხეილ ქურდიანის მიერ სიყვარულით „დაჩაბრული“ სამყარო

„ქრისტიანობის მთავარი არის სწორედ იმაში მდგომარეობს, რომ ჩვენ ჩვენი სიყვარულით „დაჩაბრით“ ყველა, ჩვენი სიყვარულით მოვერით და დავამარცხოთ ყველა, რადგან ამ შემთხვევაში ჩვენი მსაჯული, უფლის გარდა, არავინ იქნება“, — მიხეილ ქურდიანის ეს სიტყვები მაშინ გაუღერდა, როცა საქართველოს საპატრიარქოს ეგიდით, წმიდა ანდრია მოციქულის ხსენების დღესთან დაკავშირებით, დიდაჭარაში სამეცნიერო კონფერენცია გაიმართა. მასში მონაწილეობა მიიღო ქართველ მეცნიერთა დიდმა ჯგუფმა, რომელსაც მიხეილ ქურდიანი ხელმძღვანელობდა. ადგილობრივ მოსახლეობას, რომელთა შორის მრავლად არიან მუსლიმანური რელიგიის მიმდევარნი, მიხეილ ქურდიანმა „ერთსულოვნად ცხოვრების“ მოდელი ისე შესთავაზა, რომ მძაფრი შთაბეჭდილებების ქვეშ მყოფთ სანაწარმ-დეგო აზრის გამოთქმის სურვილი გაუქრათ. საპატრიარქოს მიერ დაეგმილი ღონისძიება, რა თქმა უნდა, აგრესიას და დაპირისპირებას აჭარის მალაღმთიან სოფლებში არ „შეიტანდა“ და ამაში ეჭვი არც არავის შეჰპარავია, მაგრამ ამჟამად თვალმისაცემი იყო მიხეილ ქურდიანის გამოსვლები, რომელმაც თავისი მსოფლმხედველობის წარმოჩენით ერთ წამში „მოაქცია“ ჩვენსკენ დიდაჭარის მკვიდრნი. „ერთ ფაქტს გავიხსენებ: ყაზახეთში მგზავრობის დროს ჩემს კუპეში მოხვდნენ ერთი ქრისტიანი მღვდელი, ყაზახი ბიზნესმენი და მოლა. ისე გამოვიდა, რომ მოლა და მღვდელი მთელი გზა ერთმანეთს ელაპარაკებოდნენ. ყაზახი ბიზნესმენი ცოტა განაწყენდა და მოლას მიმართა — აქ მე ვარ მუსლიმანი და მე უნდა მელაპარაკო და არა ქრისტიანი მღვდელი. მოლამ უპასუხა — ამ კაცს ღმერთი სწამს. ჩვენ ღმერთზე ვლაპარაკობთ. შენ კი ღმერთი არ გწამს და რაზე უნდა გელაპარაკო“, — მსგავსი მაგალითების მოყვანით გაიკვალა გზა მიხეილ ქურდიანმა იმ ადამიანების გულამდე, რომელთაც სარწმუნოების მიუხედავად, ქართულ სახელმწიფოში ერთად ცხოვრების პასუხისმგებლობის განცდა შეუქმნა — ამის გაკეთება იოლი ნამდვილად არ გახლდათ, მაგრამ ის, რაც თვალსაჩინო იყო, მუდამ უნდა აღიარო... „პატივი ვცეთ ერთმანეთის რწმენას ისე, როგორც ამას აკეთებს მისი უწმიდესობა, ხოლო შევიძირი — ვისი რწმენა ჯობია, ჩვენ კარგისკენ არასდროს წაგვიყვანს“, — ამით დაასრულა თავისი მრავლისმომცველი, ისტორიული ფაქტებზე „დამყნობი“ არაერთი მაგალითით გავერებული სიტყვა მიხეილ ქურდიანმა, რომლის ჩასვლაც, მომდევნო წლებში, ლამის ზეიმად ექცათ დიდაჭარლებს.

გაზეთ „თბილისის უნივერსიტეტის“ რედაქციას ბატონ მიხეილ ქურდიანის სხვა მრავალი გამოსვლა და მოხსენება აქვს არქივში შენახული და ვერ ვიფიქრებდით, თუკი არქივის მოქვეყნა და იქიდან მიხეილ ქურდიანის სიტყვების ამოკრება მოძიებული მარგალიტების მსგავსად გაგვაოცებდა. არ შეიძლება არ გაიხსენო საზოგადოებრივ მათემატიკაზე გასულ გადაცემა „დიდა ათეულში“ საზოგადოების წინაშე მიხეილ

სიმართლის თქმა ერთხელ მაინც გეპატიება ცხოვრებაში და ამ დროს დასჯის მოლოდინი არ გაქვს — ეს ის დროა, როცა ზარები ჩამოჰკრავენ და სულიდან ამოხეთქილი სიტყვებით გინდა გარღვიო გზა გარდაცვლილი ადამიანის სულამდე მისაღწევად... როცა ჩრდილში ამყოფებდი ადამიანს, რომელიც ხელის გულზე უნდა გეტარებინა, როცა ლიდერობისთვის ბრძოლის უინიც დაუკარგე შენი დაუნახობითა და უმადურებით, როცა უსამართლობის განცდის ამოფრქვევის სურვილიც გაუქრე შენი თავდაჯერებული განაცხადით — რომ ყველა ნიჭიერი დაფასებულია ამ ქვეყანაში — მისი გარდაცვალების შემდეგ მაინც უნდა აღიარო, რომ ყველაფრისთვის მზად ხარ — ყველაფერი შეინახო, გარდა გენისა. ამ სიტყვების აღმოთქმა მომინდა მიხეილ ქურდიანის მოულოდნელი გარდაცვალების შემდეგ, რომელმაც, თურმე მიზეზთა გამო, თსუ-ის ასოცირებული პროფესორის სტატუსსაც კი ვერ „გადაასწრო“ მაშინ, როცა მთელი მისი შინაგანი ინტელექტუალური ენერჯია, გამაოგნებელი განათლება, ცივილიზაციითა დიპლომატიის ნარმოების დიდოსტატობა, საოცარი ორატორული ნიჭი და უამრავი მისი უნარ-ჩვევა, მინიმუმ მაინც, უნდა გამოეყენებინათ... სამწუხაროა, რომ დღეს არის ამ სიმართლის თქმის დრო, როცა გარდაცვლილ ადამიანს გინდა მისწვედ შენი მისდამი დამოკიდებულების გამომჟღავნებით.

„მოკვდა ადამიანი და ახლა რად იხოვთ პირს?“ - იტყოდა ნიკო ლორთქიფანიძე, მაგრამ მე ამასაც არავის ვაკადრებ, რადგან, დიახ, უნდა ვიტყვით ის ადამიანიც და ჩვენი უგუფურებაც ამ ადამიანის წინაშე...



ქურდიანის მიერ ივანე ჯავახიშვილის, როგორც მეცნიერის, უნივერსიტეტის დამაარსებლისა და პიროვნების წარდგენის ის 15 წუთი, რამაც დამსწრე საზოგადოება მოწუხა. სამწუხაროდ, ქართული საზოგადოება ჯერ კიდევ ვერ არის შემდგარი იმ პასუხისმგებლობის მქონე საზოგადოებად, რომელმაც ზუსტად იცის — რომელი მოღვაწე იმსახურებს უფრო მეტ ხმას. ივანე ჯავახიშვილის ათეულში მოხვედრა ამიტომაც გახდა შეუძლებელი, მაგრამ მიხეილ ქურდიანმა გადაცემის მსვლელობისას ისე წარადგინა უნივერსიტეტის დამაარსებელი, რომ მას არაერთი ქულა შესძინა და ივანე ჯავახიშვილი მეთერთმეტე ადგილზეც კი გაიყვანა.

ადამიანები შთაბეჭდილებებს, სამწუხაროდ, მაშინ უფრო ვუზიარებთ ერთმანეთს, როცა ყელზე „ბურთი“ მოგვადგება ცრემლების გადმოსასყრელად. სწორედ

მიხეილ ქურდიანის მოულოდნელმა გარდაცვალებამ გააცოცხლა ჩვენს წინ ის ფაქტები, როცა ორატორობის ნიჭით შემკული კაცი აუდიტორიას, პირველ რიგში, გულწრფელი დამოკიდებულებითა და უშუალოდ იპყრობდა. გვახსოვს, როგორ აღაფრთოვანა „საბავშვო უნივერსიტეტის“ ფარგლებში გამართული ლექციის კითხვისას მიხეილ ქურდიანმა სკოლის ათასამდე მოსწავლე. „ინდაური, რომელიც დარბის ეზოში; ხახვი, რომელიც იზრდება ბოსტანში; კაკალი, რომელიც აბაა ხეს; წინაკა, რომელიც იზრდება ქოთანში; ზაფრანა, რომელიც კიბია აივნის ბოძზე; უცხო სუნელი, რომელიც ხმება სხვენზე; მარილი, რომელიც ინახება განჯინაში და წყალი, რომელიც არის ქაში — ჯერ კიდევ არ ნიშნავს იმას, რომ ეს არის საცივი. საცივს იმ შემთხვევაში მივიღებთ, როდესაც ამ ყველაფერს ერთ ქვაბში მოვათავსებთ. ასევეა ვერც — თუ იგი ერთი სახელმწიფოს

ქვაბში და ერთი ერის წევრი არ მოიხარმა, ერთად ვერ ჩამოყალიბდება. აი, ასეთი სახელმწიფო შეგვიქმნა ფარნავაზმა ქართული ერის სახელმწიფო ენად გამოცხადებით“, — ასე განუმარტავდა მიხეილ ქურდიანი „საბავშვო უნივერსიტეტის“ მსმენელებს, თუ საიდან იწყება სახელმწიფოებრივად აზროვნება. მან სკოლის მოსწავლეებს თამაშით შესთავაზა ერის უნიკალურობისა და მისი განვითარების მაგალითებიც. ბავშვები ძალიან გაამზიარულა „დროთა აღრევის“ თამაშმა: „წარმოიდგინეთ, რომ მეზობელი აკაკუნებს კარზე და გეუბნებათ: 3 მარტისთვის მეუღლეს საჩუქარი მოვუზაღვდე და თუ შეიძლება ცხედარს თქვენთან დავმალავო! — თქვენ გგონიათ, რომ კრიმინალურ ისტორიაში გაებით? — არა, უბრალოდ მეზობელი XII საუკუნის ადამიანია და მხოლოდ ტახტის შენახვას გთხოვთ... დიახ იმ დროში სწორედ ასე ერქვა ცხედარს“, — ასე შეიყვანა მიხეილ ქურდიანმა ბავშვები მათსავე სამყაროში და ისინი ისე ათამაშა, რომ მათ ენათმეცნიერება, ლამის, სასწავლო საგანად აირჩიეს. ლექციის დასრულების შემდეგ გაზეთ „თბილისის უნივერსიტეტისთვის“ მიცემულ ინტერვიუში მიხეილ ქურდიანმა ბავშვებთან საუბრის ხერხი და გამოცდილება ასე გაგვიზიარა: „არ არის ადვილი, სკოლის მოსწავლეებს აუხსნა ამ მეცნიერების ძირითადი პრინციპები, რადგან ჰუმანიტარულ მეცნიერებათა შორის, ენათმეცნიერება, განსაკუთრებული სიზუსტით გამოირჩევა და არც ისე იოლი აღსაქმელია. გარკვეულწილად, მათთან ურთიერთობაში ჩემს შვილებთან მიღებული გამოცდილება გავითვალისწინე“, — გვითხრა მიხეილ ქურდიანმა.

ბოლოს მას გზად გადავეყარეთ და მოკითხვისას დაგვიგდო სიტყვა — როგორ მინდა, ჩემი ერთი წლის „მამიდა ბაია“ (მისი ქალიშვილი) დაქალბატონი მომასწრო და მერე თუნდაც მოგკედეო... ასე უშუალოდ ადამიანად ზედმეტად ძირს მავალ მიხეილ ქურდიანს ვერ შეატყობდით, რომ იმ წუთას, შენთან, დაპყრობილი მეცნიერების მწვერვალთან ახლადწამოხსული იყო... ვერც იმას შეამჩნევდით, რომ ასოცირებულ პროფესორად მუშაობის გამო იმ პასუხისმგებლობებს იხსნიდა თავიდან, რაც, თუნდაც, ქვეყნის ლიდერებს მართებთ მოქალაქედ შენი აღზრდისას...

„მამიდა ბაია“ ღმერთმა გაზარდოს და ჩვენ, გაზეთის რედაქცია, მიხეილ ქურდიანის უეცრად გარდაცვალების გამო დამწუხრებულნი იმით ვინუგეშებთ თავს, რომ ჩვენს გაზეთებში „დაბინავებული“ ის კაპიტალი, რასაც მიხეილ ქურდიანის შესახებ მოხატულია ერთი პატარა ბაზა ჰქვია. ეს ბაზა ყოველთვის იქნება ხელმისაწვდომი მისი შთამომავლობისთვის და მის აღზრდილობისთვის, მეგობრებისთვის, რომელთაც მიხეილ ქურდიანის მიერ სიყვარულით „დაჩაბრული“ სამყარო ჰქვია..

გაზეთ „თბილისის უნივერსიტეტის“ რედაქცია

იგი ტერმინებით როდი „ოინაზობდა“

მიმა ქურდიანს დიდი ხანია ვიცნობ, იგი ჩემი სტუდენტი იყო. მიმა 1971 წელს ჩაირიცხა თბილისის სახელმწიფო უნივერსიტეტში ფილოლოგიის ფაკულტეტზე. მაშინვე მივაქციე ყურადღება, ვინაიდან ყველასგან გამოირჩეოდა. დიდი ყურადღებით ისმენდა ლექციებს და საოცარ ინტუიციას ამჟღავნებდა... მას შეეძლო ჩემი დაწყებული აზრი დაემთავრებინა, რასაც ძალიან ზუსტად, პროფესიულად აკეთებდა. მისი განსაკუთრებული ნიჭი მაშინვე შესამჩნევი იყო. უნივერსიტეტში ბევრი განსაკუთრებული გამოჩენილი სტუდენტი მყოლია. უნდა ითქვას, რომ ნიჭით გამოჩენილნი სხვა მხრივაც გამოჩენილნი არიან — თავისებურნი და არაორდინარულნი. პედაგოგმა უნდა გაუგოს და ხელი უნდა შეუწყოს მათ გამოვლენას, რათა ნიჭიერმა კაცმა სილაღად არ დაკარგოს. ასეთი ლალი და კეთილი იყო მიმა. იგი თავშეკავებული და რბილი ჩანდა, თუმცა, არაორდინარული და გამოჩენილი იყო თავის შეხედულებებში, დებულებებსა და მტკიცებულებებში.

სტუდენტობის შემდეგ მიმა დიდხანს არ მინახავს. იგი ხან მოსკოვში, ხან ლე-

ნინგრადში, ხან კიევში, ხანაც ბალტიისპირეთში იყო. დაუდგრომელი ბუნების ადამიანი გახლდათ, ერთ ადგილას გაჩერება არ შეეძლო. კარგა ხნის შემდეგ მას ენათმეცნიერების ინსტიტუტში შევხვდი. ჩემს წინ იდგა უკვე დიდი ცოდნით აღჭურვილი ბრწყინვალე ლინგვისტი და მჭერმეტყველი — მაღალი კლასის ორატორი. მას საოცარი სიმართლით შეეძლო ემსჯელა რომელიმე მეცნიერულ დებულებაზე. ის ტერმინებით კი არ „ოინაზობდა“, არამედ კარგად ჰქონდა გათავისებებული, რასაც ლაპარაკობდა, რომელსაც მსმენელიც კარგად იგებდა.

მიმა იყო ბრწყინვალე პოლემისტი. პოლემიკის დროს განათლებული ადამიანები ზოგჯერ დემოგოგიასაც კი მიმართავენ, მაგრამ მიმა არასდროს შეურაცხყოფდა მონინააღმდეგეს. ზოგჯერ მისთვის არასასიამოვნო შენიშვნაც მიმიცია, მაგრამ არასდროს შემპასუხებია — მორიდებული და კარგად აღზრდილი ადამიანი იყო. მიმა კარგ ოჯახში აღიზარდა. თავდაპირველად მას ზრდიდა ბაბუა — ძალიან ცნობილი ექიმი სვანეთისა და სამეგრელოში... ბავშვობა აბაშაში გაატარა, ამიტომაც ბრწყინვალედ

იცოდა მეგრული და მეგრული ხალხური პოეზია. მამაც ექიმი ჰყავდა, ამავე დროს, ლექსებსაც წერდა. დედა, ქალბატონი ნათელა, ბიოლოგი იყო.

1997 წელს იგი ზოგადი ენათმეცნიერების კათედრის წევრი გახდა. მას ღრმა ერუდიცია ჰქონდა როგორც თავის დარგში, ასევე მომიჯნავე დარგებშიც.

სრულიად თავისუფლად შემიძლია ვთქვა, რომ, როგორც სპეციალისტი, სიღრმისეულ ცოდნას ფლობდა. კარგი მეხსიერება ჰქონდა, რაც საშუალებას აძლევდა სპეციალურ ლიტერატურას ერთი წაკითხვით დაეფლებოდა.

ჩემი მონოგრაფიის — „ლაზურის ფონემატური სტრუქტურის“ მეორე რეცენზენტად (პირველი რეცენზენტია ქალბატონი მზია ანდრონიკაშვილი) მიმა მოვიწვიე. ასეთი სკრუპულოზურად დამუშავებული რეცენზია, შეკითხვებით თუ შენიშვნებით, იშვიათად შემხვედრია. მისი 20 გვერდზე წარმოდგენილი შენიშვნა თუ შეკითხვა დღესაც სათუთად მაქვს შენახული.

ნათელა ქუთაილი, პროფესორი



გუნების კაცი

ვიცნობთ თუ არა პროფესორ არნოლდ გეგეჭკორს?

მე-8 გვერდიდან

აქ შეგნებულად აღარ ჩამოვთვალეთ ბევრი სხვა ევროპული უნივერსიტეტი, მხოლოდ იმიტომ, რომ გვეჩვენებინა, რამდენად ფართო გეოგრაფიულ არეალში ცნობენ არნოლდ გეგეჭკორს და რომელი ქვეყნების მეცნიერებსა და სტუდენტებს აცნობს კავკასიას და საქართველოს, როგორც სამათიანსლოვანი კულტურის მქონე ქვეყანას.

არნოლდ გეგეჭკორი პირველი ქართველი ბუნებისმეტყველია, რომელმაც სამეცნიერო მივლინებები სავსე პირობებში გაატარა და დედამიწის ხუთი კონტინენტის ყველა ბუნებრივი ზონა შეისწავლა. მისი არც ერთი წიგნი არ ეყრდნობა მხოლოდ თეორიას, ყველა ნიმუში და მაგალითი, რომელზეც წერს (და ეს უიშვიათესი სამეცნიერო მასალაა), საკუთარი თვალით უნახავს და შეუსწავლია. თავად ამბობს, ამ კონტინენტებზე ფლორისა და ფაუნის ნებისმიერი ნიმუში პირველს თუ არა, მეორეს ან მესამეს მაინც მინახავსო... მისი წიგნების და თანდართული ფოტომასალების გაცნობა ამაში ადვილად დაგარწმუნებთ.

მან შეისწავლა დედამიწის ყველაზე გრძელი მდინარის — ნილოსის და ყველაზე დიდი წყალშემკრები მდინარის — ამაზონის სათავეები, ყველაზე დიდი ტბები: ბაიკალი და ტანგანიკა, მალალმისის ყველაზე დიდი ტბა — ტიტიკაკა (სამხრეთ ამერიკა), ჩრდილოეთ ამერიკის ყველაზე დიდი ალპური ტბა ტაპო, ყველაზე მალაშე ტბებიდან — ნატრონი (კენია), ყველაზე გრძელი ჩანჩქერებიდან — იოსემიტის, ყველაზე დიდი უდაბნოებიდან — სპაზრა (აფრიკა), ყარაყუმი (ცენტრალური აზია) და კიდევ ბევრი რამ არაცოცხალი ბუნებიდან.

არნოლდ გეგეჭკორმა დაკვირვებები აწარმოა ცოცხალი ბუნებიდან: რელიქტურ სექვიოიასა და სექვიოიადენდრონის ტყეებში (კალიფორნია, აშშ), სამეფო ეკვალიპტის ტყეებში (ტანსანია), ყველაზე პრიმიტიულ ჭაუჭაწივეებზე (ავსტრალია), ტროპიკულ ტყეებზე, ათასობით სახეობის ეგზოტიკურ ცხოველსა და ფრინველებზე. მან იცხოვრა ავსტრალიის, აფრიკისა და ამერიკის აბორიგენებთან ერთად, რომელთა ნაწილი ამჟამადაც პალეოლითისა და ნეოლითის ეპოქათა წესით ცხოვრობენ.

არნოლდ გეგეჭკორი 50-მდე წიგნის ავტორია. არ არსებობს საქართველოსა და მთელს კავკასიაში ხეობა, რომელიც მას ფეხით არ მოეგოს, არ შეესწავლოს და წიგნად არ მიენოღებინოს სტუდენტებისა და დაინტერესებული მკითხველისთვის. 2004 წელს გამოცემულ წიგნში „დედაბუნება“ აკადემიკოსი გიორგი გიგაური წერს: „არნოლდ გეგეჭკორმა რიგ შემთხვევებში გაიმეორა გამოჩენილი ბუნებისმეტყველები: ა. ჰუმბოლდტის, ჩ. დარვინის, ა. უოლსის და სხვათა ისტორიული მარშრუტები. გლობალური მასშტაბის სამჯერად ექსპედიციებში, ადრე ჩატარებულ სავსე ექსპედიციებთან ერთად, მან შეაგროვა ფლორისა და ფაუნის საინტერესო ჯგუფების კოლექციები (ინახება საქართველოს სახელმწიფო მუზეუმის ფონდებში), დააგროვა

სახეობა, რაც კირუსთველს „ვეფხისტყაოსანში“ უხსენებია, რითაც არნოლდ გეგეჭკორი კიდევ ერთხელ ასკვნის, რომ უკუდავ პოემაში აღწერილი ყველა ბიოგეოგრაფიული ტერმინი XII საუკუნის საქართველოს აღწერს. წიგნის რეცენზენტები არიან ქართული სამეცნიერო საზოგადოების თვალსაჩინო სახეები: პროფესორი ელგუჯა ხინთიბიძე, პროფესორი რევაზ ყორღანი და პროფესორი მიხეილ ქურდიანი.



წიგნის წინასიტყვაობაში ვკითხულობთ: „დიდი ხანია რუსთაველოლოგიაში სადისკუსიოდ იქცა პრობლემა — ვეფხისტყაოსანის“ გეოგრაფიული გარემო: „არაბეთ-ინდოეთი“ — რეალობაა თუ შუა საუკუნეების საქართველოს „ნილაბი“. მონოგრაფია „ვეფხისტყაოსანი“ ბიოგეოგრაფიის თვალთა პირველი ცდაა ამ პრობლემის ბიოგეოგრაფიული კვლევის გზით გადაჭრისა. ამისთვის გათვალისწინებულია XII საუკუნეში თამარ მეფის დროინდელი საქართველოს ტერიტორიული საზღვრები; ცხოველთა ინდიკატორული სახეობების მიხედვით გაანალიზებულია მათინდელი ქვეყნის საზღვრებში მოქცეული შესაძლო ლანდშაფტური ერთეულები; დადგინდა პოემაში დასახელებულ ნადირ-ფრინველთა აბსოლუტური უმრავლესობის არსებობა (ლომი, ჯიქი, ავაზა, კანჯარი, გაგაზი და სხვა) შუა საუკუნეების საქართველოსა და მის მოსაზღვრე რეგიონებში (თურქეთი, ირანი).

აღნიშნული ფაქტი, „ვეფხისტყაოსანში“ წელიწადის ოთხი დროის მიმანიშნებელი ტიპები, უეჭველად ხდის, რომ პოემა XII საუკუნის საქართველოს სინამდვილეს დაწერდა... ავტორი მისეული ხედვითა და სხვა სპეცილისტებზე დაყრდნობით, კიდევ ერთხელ ასკვნის — რუსთაველი პოემის სათაურის შეთხზვისას გულისხმობდა ჯიქს (ხალეზიანს) და არა ვეფხვს (ზოლებიანს)“. ჩვენი მოკრძალებული აზრით, მართა ეს წიგნი რომ გამოეცა მეცნიერს, მხოლოდ ამითაც დარჩებოდა შთამომავლობას, არნოლდ გეგეჭკორის შემთხვევაში კი ერთი მუზეუმი დასჭირდება ყველა იმ აღმოჩენის, დაკვირვებისა და ფოტოში განიხილებული პოემის გამოფენას, რაც მხოლოდ მის სამუშაო ოთახშია თავმოყრილი.

აქვე მოვიყვანთ იმ წინასიტყვაობასაც, რაც ყველა თაობის ქართველ კლასიკოსს გურამ დოჩანაშვილს ეკუთვნის: „მე გეგონა და არცთუ უსაფუძვლოდ, რომ გული ყველაფერია და მე ამ შეხედულების მარად ერთგული დარჩები, მაგრამ რა სრულყოფილი სისასება, როცა გულს ემატება გონება; მე ნაკიბითხე გულ-ადამიანის მაღალი შემოქმედებით შექმნილი წიგნი და აღმოჩენილი ისეთი განცვიფრებული, რომლის მსგავსი განცვიფრება არასოდეს განმიცდია. რატომ? ჩვენითვის თავიდათავი მაცოცხლებელი, გადამრჩენელი შოთა რუსთაველი ბრძანდება! და მეც შემომემატა იშვიათი სისასე ბატონი არნოლდ გეგეჭკორის ამ წიგნის ნაკიბითხე. უღრმესი მადლობა გაბედნიერებისთვის, თქვენი გურამ დოჩანაშვილი, 28 თებერვალი, 2010 წელი“.

ვფიქრობთ, ამ მინაწერით ყველაფერი ნათქვამია.

აქლემებით გადასერილი უდაბნოები

არ არსებობს ადამიანი, რომელსაც ბავშვობაში, სათავგადასავლო ლიტერატურის კითხვისას, არ ეოცნებოს, თავადაც ეცხოვრა ველურ ტომებთან, თავადაც ენადირა ხის შუბით, მოეკლა ველური ნადირი, ხელით შეხებოდა აფრიკის ჯუნგლების სილამაზეს და მზის ჩასვლისას ესმინა ლომების გამაყრუებელი ღრიალისთვის. მე ამაზე ხშირად მიოცნებია და ადამიანურად შემშურდა ბატონი არნოლდ გეგეჭკორისა, რადგანაც მან მოახერხა, აქლემებით გადაესერა უდაბნოები და რამდენიმე თვე ეცხოვრა დღეს შემორჩენილ ბინდიბუსა და მასაის ველურ ტომებთან. ეს კოლოსალური ადამიანურ ენერჯისა და რკინიხეობურ ჯანმრთელობასთან ერთად, ნებისყოფასაც მოითხოვს.

ვეკითხები — ბატონო არნოლდ, აი ახლა, წამიერად, მიღებულ შთაბეჭდილებებიდან რომელი გახსენდებათ? არც ფიქრობს, ისე მასალაზე — მე გამზირები და ფეშენებელური შენობანაგებობები არ მაინტერესებდა, აი ველურ ტომებთან თანაცხოვრების შთაბეჭდილებები კი აქამდე მომყავა... გასახსენებლად ნამდვილად ღირს ტანზანიაში, ნგრონგოროს კრატერის მახლობლად მოზინარე მასაის ტომელებთან ცხოვრება. „ეს მესაქონელ ტომია, თითოეულ ზრდასრულ მამაკაცს რამდენი ასეული ზებუც ჰყავს, იმდენი ცოლის მოყვანა შეუძლია... ისიც გაითვალისწინეთ, რომ მას ცოლს არ გაატანენ, თუ 5 დიდი ნადირი არ ჰყავს მოკლული. წარმოიდგინეთ, დილით მიღის 8 წლის მასაი, რომელსაც მიჰყავს ჯოჯი, ხელში უჭირავს

შუბი ნადირისთვის და ჯოჯი — ნახირისთვის. არ არსებობს ლომი, რომელიც მას საქონელს წაართმევს...“ — გვიამბობს ბატონი არნოლდი და ჩვენს ცნობისმოყვარეობას ბინდიბუს ტომის შესახებაც აკმაყოფილებს: „ბინდიბუ (ცენტრალურ ავსტრალიაში ბინდარობს და პალეოლითის ხანაში ცხოვრობს, მას არასოდეს ჰქონია შეხება რკინასთან, არასოდეს მოუყვანია რომელიმე კულტურული მცენარე და არ უცხოვრია განსხვავებული კულტურის ადამიანთან. ეს უდაბნოს ტომია, მაგრამ თქვენ წარმოიდგინეთ, 2 საათის ძალისხმევა სჭირდება იმისთვის, რომ მთელი ოჯახი დააპუროს, ამ ტომის ზრდასრული მამაკაცი ნადირებს კენგურუ ვალაპიზე, ახალგაზრდა ვაჟი — ხვლიკ ვარანზე, ქალი და ბავშვი აგროვებს აკაციის ფესვებთან მოზინადრე მატლებს და ფიკუსის ნაყოფს. სადილი გასაოცარი ოსტატობით კეთდება — ამოთხრილ ორმოში ანთებენ ცეცხლს და მასზე აწყობენ კენგურუს ხორცს, როცა ის მომზადდება — ხვლიკის ხორცს, დარჩენილ ნალვერდალში ყრიან მატლებს, რომელიც ბატობუტით იწვის. დესერტად აყოლებენ ფინიკის ნაყოფს. მათთან ცხოვრება ჩემთვის, როგორც მეცნიერისთვის, ძალიან საინტერესო იყო და შთაბეჭდილება, ცხადია, მთელი ცხოვრება გამყვება“, — გვითხრა ბატონმა არნოლდმა...

ჯომისი შესატყვისი კადრი

ამ ფერთა პალიტრას, რაც არნოლდ გეგეჭკორის ფოტოპარატს გადაუღია, ტილოზე ვერც ერთი მხატვარი ვერ გადაიტანს. თითოეულ კადრში, რომელიც პეიზაჟიცაა, პორტრეტიც, ისტორიაც და ფოტოდოკუმენტალისტიკაც, აშკარად ჩანს, რომ ბუნება მართლაც მბრძანებელია. აქ ნახავთ შუბის ნუკრს, „მოაზროვნე დათეს“, ზამთრის ულამაზეს პანორამებს, გაზაფხულის ფერთა სისასებას, შემოდგომის სიმყუდროვეს... მაგრამ ყველაზე მეტად გასაოცარი ისაა, თუ როგორ ხედავს თითოეულ კადრს მეცნიერი და ფოტოხელოვანი. „ახალგაზრდობაში კინოდოკუმენტალისტიკა მიტაცებდაო...“ ამაზე მეტი დოკუმენტური მასალა არც ერთ კინოში არ იქნება თავმოყრილი, რაც ბატონ არნოლდს ძველი, „ზენიტის“ აპარატით გადაუღია და შემოუხსნავს.

„არც კი ვიცი, რომელი უფრო მეტად მძლავრობდა ჩემში, ბუნებისმეტყველის თვლით დანახული, თუ ესთეტიკის თვლით დანახული ბუნებაო...“ — ხანდახან ჩაფიქრდება და ბოლოს იტყვის: ალბათ ორივე, რადგან ერთი მეორის გარეშე ვერც წარმოვიდგენიაო... და იქმნება პარალელური ბუნებისა და ადამიანის ხელით წარმოქმნილი სილამაზისა, იქმნება სერები ისტორიული ძეგლებისა, ქვაში ამღვრებული სტრიქონებისა...

გულგრილი ვერ დარჩები, როცა მოისმენ, რომ ერთ პოეტურ სტრიქონს: „კლდის ფხაზე თეთრი ყვავილი, სანთელი ქარაფებისა“ სამი წელი იღებდა თურმე, სანამ არ მიავნო ამ ემოციის შესატყვისი კადრს — ხევსურეთში, მდინარე როშკისწყალზე, ვეებერთელა ლოდის ნაპრალები ამოწვერილ 4 მიხასკ, რომელსაც ქარი აყვლეულავებდა...

ერთგან, ალბათ, სვანეთის ქარაფთა ძირში, თავისთვის ჩაუნინნავს: „ნუთუ ოდესმე მომწყინდება აქაური ბუნების ცქერა? ნუთუ დადგება დრო და მიზეზს ველარ გამოვებნი, რათა კიდევ ერთხელ მოვისმინო მულახურას მიერ ჩამოტანილი ზვიად მთათა



„შუბის ნუკრის ნაამბობი“ ფოტო: არნოლდ გეგეჭკორისა

საარაკო ამბები, რათა კიდევ დავტკებ სურათით, რომლის აღწერა მხოლოდ სწორუპოვარი პოეტის კალამს თუ ხელენიფება: „ლაპილე ისეც დიდებული და სავსე მთვარეა... და ყველაფერი ზღაპრულია და დიდებულია — ძველი მურყვამი, უშმა, თეთნულდი და ლამარია...“ ქალბატონო ანა, მთავრე ამ უჩვეულო დილასაც შემორჩენია ლაპილის ზეცას, ოღონდ ნამგლისებრი და გამჭვირვალე...“ მერე ეს ჩანანერი წიგნშიც მოხვედრილა და ბატონ არნოლდთან ანა კალანდაძის მეგობრობას ამით ჩაჰყრია საფუძველი...

ვერა და ვერ დავესვი ნერტილი... არ არის საკმარისი ის, რაც დავწერე, მაგრამ რადგანაც სიტყვას აქ უკვე ძალა აღარ აქვს, იქნებ ბატონი არნოლდის ფოტოებმა შეავსოს დარჩენილი სიცარიელე...

ფოტოებში განსხვავებული პოეტური სტრიქონები ჩემზე უკეთ იტყვის, რა საოცარი იოფაქიზე იმალება ამ კლდესაკით შეუდრეკელ ადამიანში, რომელმაც თავისი ცხოვრებით თქვა სათქმელი: სამყარო, ადამიანი და რწმენა ერთი მთლიანობაა, ერთი სხეული, რომელსაც მოვლა და შენახვა სჭირდება...



ბინდიბუს ტომის წარმომადგენელთან

ინფორმაციული და ვიზუალური (ფოტო, ვიდეო) ხასიათის უმდიდრესი მასალა. ისინი ასახავენ დედამიწის ლანდშაფტებს, ბიომებს, დანყებულ ეკვატორიდან, ვიდრე პოლარული განედების ჩათვლით, დედამიწის ორივე ნახევარსფეროში, მოიცავენ ინფორმაციას: ისტორიულ გეოლოგიაში, პალეონტოლოგიაში, ეკოლოგიაში, ბიოგეოგრაფიაში, ევოლუციაში, ანთროპოლოგიაში, პალეოანთროპოლოგიაში, ეთნოგრაფიასა და სოფლის მეურნეობაში“.

ალბათ დროა, შევწყვიტოთ არნოლდ გეგეჭკორის სამეცნიერო კვლევებზე საუბარი, რადგან მისი სრული სურათის წარმოჩენას ათი გაზეთიც არ ეყოფა, მაგრამ მის ბოლო გამოცემებზე მაინც გვიჩვენა ყურადღება გაევამახვილოთ:

პირველ მათგანს „ბიოგეოგრაფია“, რომელიც 2008 წელს უნივერსიტეტის გამომცემლობამ დაბეჭდა, ჩვენ უკვე მივუძღვენით ვრცელი რეცენზია. მასში ვწერდით: „წიგნი 40 წლის განმავლობაში იწერებოდა. იგი გათვალისწინებულია ბიოლოგების, გეოგრაფების, პალეონტოლოგების და, ზოგადად, დედამიწის-მცოდნეობით დაინტერესებული პირებისთვის, სტუდენტებისა და მაგისტრანტებისთვის. ავტორის მიზანია ორგანული სამყაროს (ფლორის და ფაუნის) ფორმირების კანონზომიერებისა და ისტორიის ასახვა დედამიწის ბუნებრივი ზონების მიხედვით. წიგნი ეფუძნება სხვადასხვა მონოგრაფიისა და საყურნალო სტატიის კრიტიკულ ანალიზს, ასევე, ავტორის მიერ დედამიწის ყველა ბუნებრივ ზონასა და კონტინენტზე ჩატარებულ კვლევებსა და დაკვირვებებს“.

რაც შეეხება გამომცემლობა „მერიდიანის“ მიერ დასტამბულ წიგნს „ვეფხისტყაოსანი“ ბიოგეოგრაფიის თვალთ, ესაა მონოგრაფია, რომელიც მეცნიერების ინტერდისციპლინური ხასიათის წარმატებული ნიმუშია. წიგნში მიმოხილულია ყველა გეოგრაფიული არეალი, ტერმინი, ცხოველთა და ფრინველთა

მთავარი რედაქტორი	ნინო კაკულია	რედაქციის წევრები:	მისამართი:
მთავარი სამცხალისტი	მაია ტორაძე	რისმაც გორდენიანი, ნოდარ ბელქანია,	ილია ჭავჭავაძის გამზ. 11*
ტექნიკური რედაქტორი	მანანა ჯურხაძე	იაგო კაჭკაჭივილი, ლადო მინაშვილი, დი-	(თსუ-ის მე-3 კორპუსი)
ფოტოკომპოზიციონერი	ლიკა პეტრიაშვილი	ანა ძიძიგური, ნოდარ ხადური, მარინე ჩიტ-	22 36 62
კომპიუტ. უზრუნველყოფა	გიორგი ნიქარიშვილი	ავილი, ბესარიონ ზოიძე, ნინო ჩიხლაძე,	
		თემურ ნადარეიშვილი, ნანა ჭილაძე, თეა ჯუღელი	